

*MIEZAKA MANAO ASA IRAY HO*

*AN'ANDRIAMANITRA NEFA TSY*

*SITRAPON'ANDRIAMANITRA ILAY IZY*

 Ry rahalahy mpitoriteny, ary ianareo sakaiza eo, lazaiko fa tombontsoa iray ny tonga eto izao maraina izao. Ny fampidirana iray tahaka an'izany, nahoana, tsy fantattro hoe ahoana no mba hanomezako fahafaham-po an'izany anankiray izany.

<sup>2</sup> Fa nipetraka niresaka teo fotsiny, izaho sy Rahalahy Noel, tsy mino aho fa efa mba nahita olona iray marina tokoa... Vita tamin'ny lasitra samihafa isika rehetra, saingy avy tamin'Andriamanitra iray ihany. Tahaka an-dRahalahy Jack Moore, izy tokoa efa... Nilaza fotsiny Rahalahy Noel hoe, "Hatramin'izay naaha-teto ahy niaraka taminy..." Ny vinantolahiny izany, ary ahoana no nianaranay nitia azy sy nanajany ny fahendreny sy ny sisa. Ary izany, afaka miteny "amena" amin'izany aho. Ny zavatra tsara maro... ireo fotoana izay niarahanay nanana, izaho sy izy, ary Rahalahy Brown, Rahalahy Boutliere eto. Lehilahin'Andriamanitra mahafinaritra ka tena tia azy ireo amin'ny foko rehetra aho.

<sup>3</sup> Ary avy eo izaho—izaho dia mahita fa tsy miha-tanora isika rehetra, eny, mieritreritra fotsiny an'ilay fotoana aho ankehitriny ka mandinika antsika fa miova isika hatramin'ny roapolo taona lasa teo izao raha nitety an'ireo tany efitra, sy ny sisa niaraka raha mbola lehilahy tanora kokoa. Saingy mahafantatra kosa isika fa misy Tany iray izay tsy haha-antitra antsika intsony. Hihaona any indray isika indray andro any.

<sup>4</sup> Omaly hariva rehefa nandao ny tabernakla aho, dia nisy ramatoa kely iray nandry teo ambonin'ny fandrian'ny marary, ary hoy izy hoe, "Ranadahy Branham, taona maro lasa izay..." Heveriko fa nailemy izy. Hoy izy hoe, "Ianao no niteny tamiko..." Adinoko hoe inona ny fanamarihan'ilay vehivavy ankehitriny, zavatra tahaka an'izao, antenaiko fa tsy diso fanonona azy aho. Hoy izy, "Fa ho an'ny tanjona iray ilay fahoriania izay nananako," na tahaka an'izany, dia ny hahazoany zaza iray. Ary tsy nety azony hoe ahoana no hahavita an'izany nefä izy tao amin'io toerana io.

<sup>5</sup> Nitsangana teo ny tanora iray, lehilahy tanora tsara tarehy, hoy izy hoe, "Izaho ilay zaza izay azony." Hoy izy, "Izaho ilay zaza izay azony."

<sup>6</sup> Ary zavatra maro be no nitranga teny an-dàlana, tsy manana fotoana akory aza isika eto hiresahana azy. Hanana isika any amin'ilay ilany hafa.

<sup>7</sup> Ary ity favorian'ny Business Men ity, tsy mikambana amina rafi-pandaminana mihitsy aho, ataoko fa mahafantatra ianareo rehetra, saingy izaho... Ity no vondrona tokana izay ifandraisako, ananako karatra fiombonana iray, dia... Tsy anaram-piangonana izy ireo, lehilahy mpandraharaha fotsiny izany. Efa fananana lehibe iray izy ireo ho ahy sy ho an'ny karazana asam-panompoana izay nomen'ny Tompo Raïntsika ahy. Ilay izy dia... ilay izy tsy tena hoe ilay rafi-pandaminana no tsy tiako; asam-panompoana iray izay nomena ahy fotsiny izany, ka raha tsy mahatoky amin'izany antso izany aho, amin'izay fotoana izay dia ho olona iray tsy mahatoky amin'Andriamanitra.

<sup>8</sup> Ary, mieritreritra aho, alohan'ny handaozako an'i Tucson mihitsy, angamba maro aminareo no tany, indray andro aho dia tany, Los Angeles niresaka tao amin'ny favoriana. Ary nisy... Namely an'ilay rafi-pandaminana fotsiny aho angamba somary—somary mafy kely. Izaho—izaho tsy ninia ho tahaka an'izany. Raha minia ho tahaka an'izany ianareo, amin'izay fotoana izay dia ho mpihatsaravelatsihy iray aho. Tsy mahazo manao an'izany ianareo, tsia, hanome tsiny olona iray fotsiny ianareo. Fa niresaka mikasika ny hazo iray izay hitako teo antokotanin-dRahalahy Sharrit aho. Nanana karazana voa teo amin'ny dimy samihafa izy teo aminy. Ary hoy aho hoe, "Tsy mbola nahita hazo iray tahaka an'izao mihitsy aho teo amin'ny fiainako." Izany dia ny... nanana pamplemosy izy, nanana voasary makirana, nanana mandarina izy, voatango, voasary, namoa teo amin'ilay hazo iray ihany ny zavatra rehetra. "Eny," hoy aho hoe, "izaho—izaho dia tsy mahazo an'izao. Karazana hazo inona ity?"

"Hazo voasary iray izy."

Ary hoy aho hoe, "Eny, io pamplemosy io ve?"

Hoy izy, "Hia."

Izaho—izaho nanao hoe, "Ahoana izany?"

Hoy izy, "Natao grefy io."

Dia hoy aho hoe, "Oh, hitako."

<sup>9</sup> Hoy izy hoe, "Fianakaviam-boasary izy rehetra ireo, ary ny hazo rehetra izay avy amin'ny fianakaviam-boasary dia... azo hatao grefy."

<sup>10</sup> Hoy aho hoe, "Azoko." Nanomboka nihiakiaka kely fotsiny aho avy eo, fantatrareo, satria mikorontan-tsaina sy taitaitra aho.

<sup>11</sup> Noho izany, dia hoy izy hoe, "Inona ny olana?"

<sup>12</sup> Ary hoy aho hoe, “Eny, nieritreritra zavatra iray fotsiny aho.” Dia hoy aho hoe, “Ankehitriny te-hametraka fanontaniana iray aminao aho.” Hoy aho hoe, “Ankehitriny, amin’ny taona ho avy rehefa tonga ireo famoazana, dia tsy hisy voasary, voatango, pamplemosy, voasary makirana intsony eo; ho voasary daholo no ho eo satria hazo voasary iray izy, sa tsy izany?”

<sup>13</sup> Hoy izy hoe, “Tsia, tsia. Tsia, mitondra ny azy manokana ny sampana tsirairay.”

<sup>14</sup> Hoy aho, “Hitako.”

<sup>15</sup> Noho izany mbola tena tsara foana izany, satria izaho dia . . . fantatrareo fa izaho no . . . mazava ho azy fa manana diplaoma iray avy amin’ny Hartford sy avy amin’ireo oniversite hafa rehetra ireo aho, fantatrareo. Noho izany—noho izany aho . . . mandinika ny *natiora*, izany no oniversite tsara indrindra izay hany mbola hitako, ny oniversiten’ilay Mpamorona. Noho izany raha mandinika an’izany aho, dia manao ny toriteniko avy amin’ny fomba izay ahitako ny natiora mihetsika.

<sup>16</sup> Ary hoy aho hoe, “Eny, manao ahy hahatsapa ho tena tsara mihitsy izany.”

<sup>17</sup> Hoy izy hoe, “Inona ny olana?”

<sup>18</sup> Hoy aho hoe, “Nieritreritra zavatra iray fotsiny aho.”

<sup>19</sup> Noho izany, tamin’io andro io, dia nitory teo amin’izany aho. Ary hoy aho hoe, “Ankehitriny, hitanareo, rehefa nanomboka voalohany ilay fiangonana, izany no . . . Jesosy no nilaza . . .” Nitory ny Jaona 15 aho. “Izaho no Voaloboka, ianareo no sampana. Ary ny sampana rehetra izay tsy mamoa dia ho tapahina, ho dorana.”

<sup>20</sup> Fa nisy olona iray nanakenda ny hatoko mafy mihitsy teo amin’izany, nanao hoe, “Hitanao, nihevitra aho fa raha vantany vao feno ny Fanahy Masina tokoa ianareo ka voavonjy, dia hoy ianareo hoe, ‘tsy afaka hiala amin’izany izy ireo.’”

<sup>21</sup> “Marina izany.”

<sup>22</sup> Hoy izy hoe, “Ahoana ny amin’izany?”

<sup>23</sup> Hoy aho hoe, “Miresaka ny amin’ny lohahevitra samihafa iray ianao ankehitriny. Miresaka mikasika fitondrana voa Izy eo, fa tsy ilay Voaloboka; miresaka mikasika ny fitondrana voa Izy, fa tsy ny Fiainana. Hoy Izy hoe, ‘Eny, rantsano fotsiny indray ilay hazo mba hamoazany, hitondrany voa.’”

<sup>24</sup> Hoy izy hoe . . .

<sup>25</sup> Ary hoy aho hoe, “Ankehitriny, hitanao, ity hazo ity, rehefa nanomboka izy, dia tena izy tanteraka, Kristiana ara-Baiboly. Avy eo dia tonga ny sampana iray nantsoina hoe Loterana, Metodista, Batista, Presbyterana: voasary makirana sy inona koa.” Ary hoy aho hoe, “Hitanao, miroborobo amin’ny anarana Kristianisma izy, saingy izy . . . Mivelona amin’io Hazo io izy,

saingy mitondra ny karazan'anaram-piagonanay manokana. Hitanao? Fa” hoy aho “raha mba mamoaka hafa iray an’ny tenany io hazo voasary io, dia hitondra voasary tahaka ny nataony tany amin’ny voalohany izy.”

<sup>26</sup> Sendra nisy teo, nipetraka teo, lehiben’ny malaza iray... iray amin’ireo rafi-pandaminantsika Pentekotista malaza indrindra. Tsy fantatro hoe ahoana no hanaovana an’ilay izy mba hahazoan’ny olona rehetra fa tsy hevitro ny hoe—ny hoe izaho dia—izaho dia manohitra an’ireo rahalahy, anabavy ireo; diso izany. Tena tsy azo loatra aho, ary tsy fantattro hoe nahoana. Hitanareo? Mihevitra ny olona fa tsy mino akory ny fandehanan’ny olona any am-piagonanay aza aho. Any amin’ny an-tapitrisany mailin’ny Fahamarinana izany. “Tsy maintsy miara-mivory isika, ary indrindra fa mahita an’ilay andro manakaiky.” Hitanareo? Tsy maintsy tonga miaraka ao amin’ny firaisansa isika. Isika tsy tokony...

<sup>27</sup> Raha nipetraka tao amin’ny tanàna iray aho ary izy ireo tsy nanana afa-tsy ny...eny, fiangonana iray (tsy te-hanonona anarana aho), fa fiangonana iray fotsiny, raha nino zavatra anankiray fotsiny izy ireo, hoe avy amin’Andriamanitra i Jesosy, ary diso ny sisa rehetra amin’ilay izy, dia handeha any amin’io fiangonana io aho. Raha tsy afaka mahazo an’ilay mofo iray manontolo aho, izaho—izaho dia haka silany iray. Hitanareo? Handeha aho hiaino, hivavaka amin’ny Tompo, ary haneho Aminy fa manao ny anjarako aho. Tiako ho Fantany fa velona aho. Izaho dia—izaho dia... tiako ny olona rehetra hahafantatra hoe eo amin’ny lafiny inona no misy ahy. Mivory miaraka amin’ireo Kristiana aho, ary mivavaka ao sy—sy manompo ny Tompo.

<sup>28</sup> Fa sarotra loatra ilay izy, izaho...nanelingelina ahy mafy izany taloha, fa hitako avy eo fa na ny Tompontsika aza dia tsy azo tao amin’ny zavatra maro be. Nilaza zavatra iray Izzy, ary izy ireo no...tsy azo. Ataoko fa tsy maintsy ho tahaka an’izany fotsiny ilay izy. Fa ireo izay hendry no hahazo. Hitanareo? Ny Baiboly no niteny an’izany. Izzy ireo no hahazo an’Izany.

<sup>29</sup> Noho izany izao maraina izao raha eo am-pilazana an’ity... Ary hoy aho hoe, “Ankehitriny, izy ireo—izy ireo dia miaina amin’ny anarana Kristianismay, saingy mitondra an’ilay karazana voa ratsy. Manana voa ara-anaram-piagonanay izy. Mametraka zavatra iray izy ireo, ary miaina amin’izany avy hatrany, nefy mivelona amin’ilay tena Aina.”

<sup>30</sup> Izany no noe Zahako nolazaina omaly hariva, hoe mety ho vitan’io Fanahy io batisa ilay fanahy nefy mbola tsy Kristiana iray foana. Hitanareo? Miaina amin’ilay Aina iray ihany mihitys ianareo, saingy ireo voa izay entinareo no milaza hoe inona ianareo. Hitanareo? Marina izany. Hitanareo? Afaka manao an’ireo famantarana rehetra izy ireo, sy mivavaka ho an’ny

marary, ary manasitrana ny marary, sy manokatra an'ireo maso, sy mandroaka devoly, ary—ary manao an'ireo zavatra rehetra ireo, miaina mihitsy amin'ilay Aina iray ihany izay ao anatiny ao, saingy mbola voasary makirana iray foana izy. Hitanareo? Marina izany. “Ireo voa, no ahafantarana anareo,” hoy Jesosy. Ary hitantsika noho izany àry . . .

<sup>31</sup> Ary rehefa niala teo amin’ny lampihazo aho, dia nitsangana io mpitarika malaza io, hoy izy hoe, “Tsy izany no Tiany lazaina.” Hoy izy hoe, “Mahafantatra isika fa natao grefy tao isika rehetra.” Eny, marina fa natao grefy isika, foto-kazo natao grefy, marina izany; saingy tsy tao amin'ilay Voaloboka, no natao grefy. Noho izany hoy izy . . . nanomboka somary—somary nanatsikafona ahy kely.

<sup>32</sup> Ary nisy lehilahy tanora iray teo, heveriko fa olona mpilalao sarimihetsika malaza iray ilay izy. Danny Henry no anarany, ary tovolahy Batista iray izy. Eny, nanatona teo amin’ny lampihazo izy mba hametraka ny sandriny nanodidina ahy, dia hoy izy hoe, “Rahalahy Branham, antenaiko fa tsy toy ny manevateva izao, saingy” hoy izy “mino aho fa mety ho saiky ny toko faha-23-n’ny Apokalypsy izany.”

<sup>33</sup> Ary hoy aho hoe, “Misaotra anao.”

<sup>34</sup> Fa nanomboka nilaza zavatra hafa izy ary nanomboka niteny tamin’ny fiteny tsy fantatra, tovolahy Batista iray. Ary rehefa nataony izany, dia nisy ny—ny vehivavy iray avy eto Louisiana eto, Frantsay iray izy, vehivavy somary matanjaka be, izy no nandray naoty an'ilay fandikana.

<sup>35</sup> Eny, nisy lehilahy tanora hafa iray tamin’izay fotoana izay nipetraka teo izay Frantsay, nandray naoty an'ilay nolazainy izy. Nampitahainy ireo naoty, ary nitovy izy rehetra ireo.

<sup>36</sup> Ary avy eo ny tovolahy goavana iray, mena volo izay nitsangana teny amin’ny farany aoriana, tao amin’ny Clifton’s Cafeteria, no tonga nandroso. Hoy izy hoe, “Avelao aho hijery an'ireo naoty. Te-hahita aho hoe inona izy ireo.”

<sup>37</sup> Ary nitovy teo amin'ilay fandikana izy telo rehetra. Izy dia mpandika teny ho an'ny U.N., mpandika teny Frantsay. Ary izao no voalazar’izany:

*Satria nifydny an'io lalana èty sy tery io ianao, ilay lalana saroatra kokoa, nanao an'izany tamin’ny safidinao manokana ianao.*

*Fa fanapahan-kevitra lehibe toy ny inona no noraisinao, satria izany NO LÀLAKO.*

Hitanareo? Ary voalaza . . . ary nitohy izany ka nilaza avy eo hoe:

*Izany ihany no hahatanteraka, sy hanao ary hitondra, hampiseho, an'ilay fandresena goavana ao amin’ny Fitiavan’Andriamanitra.*

<sup>38</sup> Hitanareo, isan'andro, na amin'ny teny Frantsay aza, ilay verba alohan'ny adverba tao amin'ilay—tao amin'ilay—tao amin'ilay fandikana. Koa eo amin'izany dia tsy afaka hilaza aho... Mosesy, nanao ny safidiny, tsy maintsy nanao ny safidiny izy. Tsy maintsy manao ny safidintsika isika rehetra ary manao ny tsara indrindra izay vitantsika. Ary Andriamanitra... Manaja ny hafatry ny olona rehetra izay omeny mikasika an'Andriamanitra aho. Izaho...na inona na inona izany, dia manaja azy amin'ny foko rehetra aho.

<sup>39</sup> Ankehitriny, mahita rahalahy tanora iray aho tonga vao teo, Rahalahy Stringer, heveriko fa avy any Louisiana...na Mississippi, nitondra sary vitsivitsy ho anay izay nahitanareo anay nandinika an'izany. Izany dia ny amin'ilay Anjelin'ny Tompo, rehefa niseho Izany. Firy no efa nandre an'ilay tantara? Ataoko fa nandre an'izany ny tsirairay aminareo. Nanana an'izany ao amin'ny horonam-peo ianareo, sy ny sisa.

<sup>40</sup> Ankehitriny, notenenina tamiko izany indray maraina tamin'ny folo, nitsangana tao amin'ny efitro aho tany Indiana. Niteny tamiko fa ho any Tucson aho, ho any vao maraina, teo am-panesorana tsipolitra iray aho (izay antsoinay any hoe, lohan'osy) avy teo amin'ny tongotry ny pataloahako. Ary tonga ireo Anjely fito ka nandrefotra an'izany, ary nirefotra ny tany sy ny zavatra sisa rehetra, teo... niendaka tamin'ny tendrombohitra ireo vato, ary nitsangana teo ireo Anjely fito.

<sup>41</sup> Fa hoy aho hoe, “Eny...” Niteny tamin’ny vadiko aho, ary manatrika any ho any izy izao maraina izao hoe, “Ataovy vonona ny zavatra rehetra satria tsy misy fomba hahafahan’ny olona iray haharitra an’izany,” hoy aho, “mivoaka avy ao amin’izany. Handeha any Tucson aho, vita ny asako eto an-tany. Handeha any an-Trano aho hiaraka amin’ny Tompo Jesosy.”

<sup>42</sup> “Eny,” hoy izy, “azonao antoka ve?”

<sup>43</sup> Hoy aho hoe, “Eny. Hia, tsy misy afaka—afaka hahatanty an’izany. Tsy misy fomba hanaovana an’izany.”

<sup>44</sup> Vao avy nitory *Ny Taona Fiton’Ny Fianganana* aho. Teo no niantsoako ny mahery fontsika, Rahalahy Jack Moore kely mba hanontany azy mikasika an’ity, Jesosy, ao amin’ny Apokalypsy 1, nitsangana teo niaraka tamin’ny volo fotsy sy ny sisa.

<sup>45</sup> Hoy aho hoe, “Lehilahy tanora iray Izy.” Ary teo no tonga ny fanambarana mikasika an’io hoe manao solovolo iray, fa tsy Izy; nanao solovolo Izy (ary tsy nety azoko izany), amin’ny maha-Andriamanitra Faratampony. Ary ireo mpitsara fahimy tao Israely taloha, dia tsy maintsy fotsy volo. Fa maneho fahadiovana ny fotsy. Ary ireo mpitsara Anglisy hatramin’izao andro izao, ao amin’ny fitsarana faratampony an’i Angletera, dia manao solovolo fotsy rehefa mivoaka, satria tsy misy lalàna hafa ambonin’ny azy ireo eto an-tany. Hitanareo? Mpitsara faratampony izy ireo.

<sup>46</sup> Ary tsaroako fa nandeha tany Arizona tany aho sy ny sisa, niezaka ny tsara indrindrako aho mba... Natahotra mafy aho. Nandeha tany amin'ny fivorian'i Phoenix aho. Ary tsaroanareo, nitory an'ilay toriteny aho hoe, *Tompokolahy, Amin'Ny Firy Izao?* Tsaroanareo ve izany? Nilaza aho fa hitako izany, hoy aho hoe, "Alohan'ny isehoan'izany, dia tsarovy, HOY NY TOMPO HOE, 'Hisy zavatra hitranga.'" Mety manana an'ireo horonam-peo angamba ianareo ao amin'ny trano fitehirizanareo horonam-peo ankehitriny. Ary nilaza aho teo hoe, "Tsarovinareo ankehitriny ireo fahitana izay tsy mety diso mihitsy. 'Hisy zavatra hitranga.' Tsarovy!"

<sup>47</sup> Ary andro vitsy taorian'izany, lasa nikorontan-tsaina aho, nieritreritra aho hoe, "Inona izany? Ho faty ve aho? Raha... Antenaiko fa ho tena haingana izany mba hahafahako mamarana azy. Tsy te-hitaredretra aho."

<sup>48</sup> Fa hoy ny Tompo indray maraina hoe, "Miakara eny an-tampon'ny Sabino Canyon."

<sup>49</sup> Ary niakatra tany aho nanangana ny tànako, nivavaka. Nahatsapa zavatra nandôna ny tànako aho. Izany dia Sabatra iray. Ankehitriny, azonareo eritreretina fotsiny hoe ahoana no tsapanareo, nitsangana irety tany nefà indro ny antsy iray teny an-tananareo saiky *izao* ny halavany. Nosintoniko ilay izy ary nojereko. Antsy iray fotsiny izany, iray amin'ireo... ary matahotra antsy iray aho, na ahoana na ahoana. Ary izany dia nanana ny—izany dia nanana ny—ny vy iray, zavatra tahaka ny iray amin'ireny antsy ireny, tahaka ny vilany vy na tahaka an'izany, tena naranitra sy tery. Nanana fiarovan-tanana iray nanodidina azy *eto*, izay nampiasain'ireo mpiady anankiroa taloha, mba hiaro ny tànan'ny hafa tsy ho voadidy, ary—ary nanana perla iray izy teo amin'ilay tahony eto. Tena antonona ny tànako marina mihitsy. Eny, nokosehako ny tarehiko dia njery tany aoriana aho.

Teo amin'io toerana iray ihany io mihitsy, indray andro, no nahitako voromailala kely iray, fotsy izay nidina. Hoteneniko aminareo ny mikasika an'izany any aoriana.

<sup>50</sup> Ary nihazona an'izany tamin'ny tànako aho, nieritreritra hoe, "Hafahafa *izao*. Ankehitriny, Tompo, izaho... very saina ve aho? Tsy misy na iza na iza eto. Maily maro miala amin'ny olona rehetra no misy ahy ary indro ny sabatra iray. Nanangana ny tànako aho, ary avy taiza ilay izy?" Dia nieritreritra aho hoe, "Izao no zavatra hafahafa indrindra. Ankehitriny jereo ity eto ity, sabatra iray izany." Hitanareo, nokasihako ilay izy, ary sabatra iray izany. Dia hoy aho hoe, "Tsy misy olona eto mitsangana eto. Eto an-tampon'ireto vato ireto no misy ahy, tena eto an-tampon'ny tendrombohitra mihitsy." Ary tsy afaka nahita an'i Tucson akory aza ianareo avy eny, tena lavitra be ilay izy.

<sup>51</sup> Nieritreritra aho hoe, “Ankehitriny, zavatra hafahafa iray izany. Ankehitriny, tsy maintsy misy ato amin’ity manodidina ity any ho any, Olona anankiray izay afaka namorona sy nanamboatra sabatra iray ka nametraka azy teto an-tànako.” Hoy aho hoe, “Izany dia mety ho ilay tena Andriamanitra irery ihany izay namorona osilahy iray ho an’i Abrahama, afaka namorona an’ireo vontsira ireo,” izay efa renareo. Ary hoy aho hoe, “Indro ilay akora, karazana akora telo samihafa no ao aminy, ary mihazona azy eto an-tànako tena misy toy ny zavatra hafa rehetra izay azoko hazonina eto an-tànako aho.”

<sup>52</sup> Dia nandre Feo iray aho, nanao hoe, “Io ilay Sabatry ny Mpanjaka!”

<sup>53</sup> Ary nieritreritra aho hoe, “Ankehitriny, avy taiza Ity? Tao amin’ireo vato tany ho any mihitsy.” Fa nohazoniko teo an-tànako tahaka an’izao ilay izy, ka hoy aho hoe, “Sabatry ny mpanjaka iray.” Fa njery manodidina aho, ary lasa ilay sabatra. Dia hoy aho hoe, “Sabatry ny mpanjaka iray.” Izany dia mba... . . . izy ireo dia mampisalotra miaraka—miaraka amin’ny sabatra iray, heveriko fa marina izany, ny tafika na tahaka an’izany, mampisalotra miaraka amin’izany izy ireo, fantatrareo. Ary hoy aho hoe, “Eny, ho an’izany angamba ity. Midika angamba izany fa tsy maintsy hametra-tànanana eo amin’ireo mpitoriteny aho, na zavatra tahaka an’izany, hoe, hanao an’ireo ho mpitoriteny.” Ary avy eo aho... . . .

<sup>54</sup> Niteny indray ny Feo iray, nanao hoe, “*Ilay* Sabatry ny Mpanjaka!” Tsy mpanjaka *iray*; *ilay* Sabatry ny Mpanjaka! Hítanareo?

<sup>55</sup> Nieritreritra aho hoe, “Ankehitriny, na ivelan’ny tenako aho, nivadika ny saiko, na misy zavatra iray miseho, misy olona iray mitsangana eto akaikiko eto.”

<sup>56</sup> Ary rahalahy, marina ireo zavatra ireo. Izaho tsy—izaho tsy mahafantatra hoe ahoana no hitenenana aminareo, efa nahita an’izany foana nitranga tahaka an’izany foana ianareo. Ary izany no... . . . Tsy nety azoko ilay izy. Noho izany... . . . Izany no fahatsapana hafahafa indrindra.

<sup>57</sup> Dia nitsangana teo aho. Nieritreritra aho hoe, “Ankehitriny, Izy izay hany niresaka tamiko nandritry ny fiainako rehetra, hatramin’ny naha-zazalahy kely, zaza bitika kely, no mitsangana eto mihitsy, nefo tsy mety mahita Azy mihitsy aho.” Hoy aho hoe, “*Ilay* Sabatry ny Mpanjaka?” Izany dia mety... . . . Andriamanitra no *ilay* Mpanjaka. “Fa inona ity sabatra ity?”

<sup>58</sup> “Ny Teny, napetraka eo an-tànanao Izany.” Hoy Izy, “Aza matahotra fahafatesana, asam-panompoanao ilay izy.”

<sup>59</sup> Oh, oadray! Nidina avy teo amin’io tendrombohitra io aho; nitomany, nikiakiaka, tamin’ny tampon’ny feoko, nitsambikina teo ambonin’ireo vato. Nidina aho, niteny tamin’ny vadiko, hoy aho hoe, “Tsy ho faty aho, hitanao, ilay izy dia—ilay izy dia—ilay

izy dia asam-panompoako.” (Niteny taminy aho mba handeha hiaraka amin’i Billy Paul eto, sy hitondra an’ireo ankizy. Hoy aho hoe, “Ankehitriny, tsy manana na inona na inona aho, fa ny fiangonana no hijery mba tsy haha-noana anareo rehetra sy ny sisa, ary izaho dia—izaho dia hihaona aminareo any ampitän’ilay morona.”) Ary—ary izy . . . Hoy aho hoe, “Tsia, tsy ho faty aho, zavatra mikasika ny asam-panompoako ilay izy.”

<sup>60</sup> Andro vitsy taorian’izany aho dia nivoaka avy tao amin’ny fivoriana iray; nahazo telegrama iray telo pejy aho, avy tetu Houston, Texas. Ary ilay lehilahy izay nitsikera ahy mafy tamin’ny hariva izay nahazoana an’ilay Anjelin’ny Tompo, azo tany Houston ny sarin’Izany, niantso ahy izy, hoy izy hoe . . . nandefa telegrama iray izy, hoy ny vadiny hoe, “Fantattro, Ranadahy Branham, fa sahirana ianao. Ny zanako lahy, ny zanakalahin’ny anabavin’i Ted Kipperman, dia mipetraka eo amin’ny lisitry ny fahafatesana mba ho faty eo amin’ny seza.” Hoy izy . . . (ahoana moa raha i Billy Paul izany?). Hoy izy hoe, “Tsy maintsy ho faty izy sy ny zananivavy kely.” Ary namaky an’izany tao amin’ny gazety ianareo rehetra, mazava ho azy. Fa hoy izy, “Ny fanantenana tokana anananay dia ny hahatongavano ka hanao fivoriana iray ary hamory ny olona miaraka.”

<sup>61</sup> Ary efa nanoratra tamiko imbetsaka i Raymond Hoekstra, saingy fantatrareo, efa nikasa ny handeha any amin’ny dia fihazâna iray niaraka tamin’Atoa. Mc Anally sy izy ireo aho taorian’io fivoriana io. Fa nieritreritra aho hoe, “Eny, raha mamela an’ireo ankizy ireo ho faty aho ka tsy manolotra ny ezako, dia tsy hahavita hihaza intsony indray.”

<sup>62</sup> Noho izany hoy aho hoe, “Eny àry, ho avy aho.” Nandeha tany Houston aho, nanao an’ilay fivoriana, ary mazava ho azy ilay . . . tsy novonoiny mihitsy izy ireo, izy ireo fotsiny . . . nomelohiny mandra-pahafaty izy ireo. Ary izany no tiany hataon’izy ireo, hanameloka azy ireo mandra-pahafaty. Koa izany dia efa ho iraika amby roapolo taona izao, heveriko, tany—tany Texas.

<sup>63</sup> Noho izany àry, dia teo am-piverenana, nandeha niakatra teny amin’ilay tendrombohitra aho ary nandeha niaraka tamin-dRahalahy Fred Sothmann. Eto izy any ho any. Rahalahy Fred, aiza ianao? Eto mihitsy. Rahalahy Fred Sothmann, Rahalahy Gene Norman; indray andro, tamin’ny andro faharao nipetrahana tany, dia nidina avy hatrany tao amin’ilay toby izay nisy anay ilay Anjelin’ny Tompo, ary nanomboka niteny mikasika an’ireo zanany sy ireo zavatra izay nataon’izy ireo.

<sup>64</sup> Lasa aho ka niverina teo amin’ilay havoana. Ary efa nahazo ny lamboko aho, fa niezaka ny hihaza anankiray teo ho an-dRahalahy Fred. Noho izany hitako izay nihinanana’izy ireo teo amin’ny ilan’ilay havoana, dia hoy aho hoe, “Eny,

ankehitriny, ho lazaiko aminao izay hataoko, Rahalahy Fred.” Hoy aho hoe, “Ankehitriny, mandehana ianao etsy amin’itsy toerana itsy amin’ny maraina.” Nandeha tany izahay tamin’ny misandratr’andro, nihanika an’ilay tendrombohitra. “Dia mandehana eo amin’ny misandratr’andro, izaho handeha etsy amin’ny ilany hafa. Ankehitriny, tsy hitifitra anankiray aho, fa raha mandalo eto amin’ity lèlana ity izy ireo, dia hotifiriko ny eo alohany ka hampiverina azy ireo. Alaivo izay anankiray goavana.”

<sup>65</sup> “Eny àry,” hoy izy.

<sup>66</sup> Noho izany nandeha tany Rahalahy Fred. Ary Rahalahy Gene Norman (tsy mihevitra aho fa tonga Rahalahy Gene, sa tsy izany?), izy no—izy no teo amin’ilay ilany hafa. Maro aminareo no mahafantatra an’i Gene Norman, sakaiza akaikin’ny maro, rahalahy mahafinaritra. Dia nandeha nidina ambany kely izy. Fa, ireo kisoa ireo, tsy teo fotsiny izy ireo tamin’io maraina io. Ary afaka nahita an-dRahalahy Fred aho, nanofahofa azy, teo amin’ny maily iray avy teo amiko izy. Eny, nieritreritra aho hoe, “Mba mety ho lasa aiza izy ireo?” Nandeha nidina tao amin’ny hady lehibe iray aho, ary nidina, nieritreritra aho hoe, “Hojereko raha mety hahita an’izay misy azy ireo aho.” Nanomboka niakatra indray. Taoriana kelin’ny misandratr’andro izany, nanomboka niakatra mihitsy ny masoandro.

<sup>67</sup> Nandeha nihodidina hantsana goavana be iray aho, oh, oadray, dian-tongotra an-jatony sy an-jatony, vatomampy lehibe fotsiny no tao amin’io lohasaha mideza teo io, ireo tamboho goavana. Ary ilay izy dia somary nanomboka...niakatra ny masoandro, teo amin’ny fito teo, heveriko, na zavatra tahaka an’izany. Dia nipetraka aho ary njery nanodidina, sendra niondrika teo amin’ny ranjon’ny patalohako aho ka nisy an’ilay lohan’omby teo, tsipolittra. Dia hoy aho hoe, “Fantatrao, toa hafahafa izao. Fantatrao, niteny tamiko ilay Anjelin’ny Tompo fa ho any amin’ny efapolo maily avaratra atsinanan’i Tucson aho, hanala lohan’omby iray eo amin’ny ranjoko.” Tsaroanareo ve izany? Tsaroanareo? Eny, tompoko. Hitanareo? Hoy aho hoe, “Hafahafa izao.” Nohazoniko ilay izy.

<sup>68</sup> Ary vao niandrandra mihitsy aho, dia nahita kisoa teo amin’ny roapolo teo tany amin’ny dimanjato yards avy teo amiko, nivoaka nihinana an’io ravin-kazo kely io ary natory. Hoy aho hoe, “Ankehitriny, raha afaka mahazo an-dRahalahy Fred fotsiny aho ka hanao azy ho tonga eo amin’io toerana eo io, dia hahazo ny kisoany eo mihitsy izy. Saingy fantatro fa any amin’ny maily iray na roa avy eto amiko izy ankehitriny. Noho izany,” hoy aho, “raha afaka hiampita an’io tehezan-kavoana kely eo io aho ka tsy hahita ahy izy ireo, eo akaikin’io hazo anjavidy kely eo io,” hoy aho, “raha hihodina amin’ity ilany ity aho, misy lèlän-diera iray midina amin’io ilany io, dia afaka hiakatra eo aho ka hihataka. Dia hanantona singan-taratasy iray aho eto

izay hahafantarako hoe iza no hivoahana, eo amin'ilay lohasaha mideza, dia afaka hahazo an-dRahalahy Fred eo ara-potoana mihitsy aho."

<sup>69</sup> Natsipiko io lohan'omby io, nanadino ny mikasika an'Izany. Ary nanomboka niampita an'ilay havoana tena moramora aho njery tany aoriana, tsy nahita ahy izy ireo, dia nihazakazaka nidina ary tonga teo amin'io lâlan-diera io. Nanao satroka mainty goavana be iray aho. Nanomboka nihazakazaka tena haingana teo amin'io havoana mideza io aho, ary nitranga ilay izy.

<sup>70</sup> Nihozongozona ny tany manontolo, na taiza na taiza. Nikodiadia ireo vato tahaka an'izao ny habeny, ny vovoka nanidina tahaka an'izao. Dia njery aho, ary nitsangana teo anoloako ireo Anjely fito nijoro; tahaka ny naha-izy azy marina tokoa. Tsapako toy ny hoe nitsangana niala tamin'ny tany aho. Voalohany, nihevitra aho fa nisy olona nitifitra ahy, fantatrareo, niaraka tamin'io satroka mainty nanaovako io; nitovy tamin'ny lambo iray, na ahoana na ahoana, fantatrareo fa mainty izy ireo. Nihevitra aho fa nisy olona nitifitra ahy, toy ny...akaiky mihitsy. Ary izaho—izaho dia nahita hoe inona ilay izy avy eo. Eny, vantany vao... Nahazo ny fanirahako aho, tao amin'ny Soratra hoe, "Ireo Tombokase Fito dia ireo zava-miafina fito." Hitanareo?

<sup>71</sup> Nisy olona iray nilaza tamiko, nanao hoe, "Ankehitriny..." Oh, hoy izy hoe, "Eny, ankehitriny, indray andro any angamba ny Tompo (mahita an'ireo fahitana ianao, Rahalahy Branham) dia hanambara aminao hoe inona ireo zavatra ireo, afaka hanakaiky kokoa an'Andriamanitra isika rehetra ka hanana hery be lavitra noho izay ananantsika ao amin'ny fitenenana amin'ny fiteny tsy fantatra sy ny sisa."

<sup>72</sup> Hoy aho hoe, "Tsy mety ho tahaka an'izany ilay izy."

<sup>73</sup> Satria, hitanareo, mino ny Teny ho ny Fahamarinana aho. Ary hoy ny Baiboly hoe, "Na iza na iza hanampy teny anankiray na hanaisotra Teny anankiray avy amin'Izany." Izany dia tsy maintsy ao amin'ity Teny ity. Hitanareo? Izany ireo zava-miafina izay tsy hitan'ny olona, satria avy teo mihitsy no nahatongavan'ny Hafatro ny amin'ny *Taranaky ny Menarana* sy ilay Finoana marina ny fiarovana ny mpino.

<sup>74</sup> Tsy manamavo an'ireo rahalahiko Presbyterana aho eto, sy ny sasany aminareo rahalahy Batista eo amin'ny fomba hahitanareo ny fiarovana. Tsy milaza an'izao aho mba ho hafa, fa tsy azonareo tsara fotsiny ilay izy. Hitanareo? Marina izany. Hitanareo? Fa, izaho dia diso fahazo azy, ihany koa. Fa rehefa Anjely iray no mitsangana avy any An-danitra ka miteny aminareo, ary indro eto amin'ny Soratra mihitsy ilay izy, dia marina Izany. Hitanareo? Izany dia marina. Hitanareo, miteny marina foana araka ny Soratra Izy.

<sup>75</sup> Teo no nandinhako azy mandra-piakatr'io faribolana io, nanomboka niakatra, ary nivadika ho toy ny hazavana mahagaga iray izy ireo, tahaka ny zavona iray. Tena tahaka an'ilay fomba mihitsy... Firy no nahita ny sarin'Izany izay nalaina tany Houston? Saiky ny rehetra. Hitanareo? Eny, tena tahaka an'izany mihitsy io. Nivadika ho zavatra iray ihany Izany, nanohy niakatra niha-avo sy niha-avo Izy.

<sup>76</sup> Nihazakazaka aho ary nihazakazaka, niezaka ny hahita an-dRahalahy Fred sy izy ireo. Afaka kelikely, teo amin'ny antsasak'adiny taty aoriana, dia afaka nahita azy teny amin'ny farany ambany aho, nanofahofa ny tānany; ary tonga Rahalahy Gene, nanofahofa. Fantatr'izy ireo fa nisy zavatra nitranga. Ary noho izany dia niaraka tamin'izy ireo aho avy eo. Rahalahy Fred izay mipetraka *eto* mihitsy izany.

<sup>77</sup> Raha niakatra ilay izy, tsy nahafantatra aho fa ireo trano fandinihana sy ny sisa, tany Mexico mihitsy, dia naka an'io sary io. *Life* magazina no namoaka azy raha niakatra Izany. Ary maro aminareo... Inty ny *Life* magazina izay namoaka ny sarin'Izany. Zavatra mahagaga iray eto, ary nilaza izy ireo fa tsy fantany hoe avy taiza ilay izy; avo loatra ilay izy. Izany dia tany ambonin'ireo faritra ambony rehetra sy ny zavatra hafa rehetra mba ho... Avo loatra izany raha zavona, satria telopolo maily ny haavon'izany ary fito amby roapolo maily ny velarany tafakatra teo amin'io haavo io izany. Tsy misy hamandoana akory aza na inona na inona eny ambony eny, hitanareo.

<sup>78</sup> Ary nieritreritra fiaramanidina iray izy ireo; noho izany dia nanamarina ny toerana rehetra izy ireo, tsy nisy fiaramanidina tamin'io andro io. Hitanareo, tsy maintsy manamarina izy ireo, noho ireo varavarankely nihozongozona sy ny sisa. "Tsy nisy fiaramanidina niainga." Indro eto amin'ny magazina eto mihitsy izany, hiteny aminareo an'ilay zavatra iray ihany. Ary—ary nitohy izany dia nitohy. Ary amin'izao andro izao mihitsy ao amin'ilay...

<sup>79</sup> Indro ao amin'ny *Science* magazina izany, fa, tsy mety mahazo izy ireo. Tsy fantatr'izy ireo hoe inona Izany.

<sup>80</sup> Tucson, ao amin'ilay oniversite, nandeha tany ny sakaizako iray indray andro ka niresaka tamin'izy ireo mikasika an'izany. Hoy izy ireo, "Tsy mety azonay hoe inona..."

<sup>81</sup> Hoy aho hoe, "Aza milaza na inona na inona, tsy hahavita soa izany. 'Aza atsipy eo anoloan'ny kisoavavy ny perlanareo.'" Hitanareo? Izany dia ho an'ilay Fiangonana, ho an'ilay Voafidy, ilay nantsoina hivoaka. Hitanareo?

<sup>82</sup> Ary avy eo tonga ny tsirairay avy, nanao hoe, "Rahalahy Branham, mahita ny sarinao aho eto. Mahita an'ity aho. Izaho..." Fantatrareo hoe ahoana ilay izy. Fa ilay-ilay tsipika lava tahaka ny ananan'io rahalahy eto io izay misy azy... Miala tsiny aho. [Maka an'ilay sary Rahalahy Branham—Mpand.]

Izao no fomba nanombohan’Izany, niakatra. Teo amin’ny lafiny havanana tokoa *ity*. Ary mahatsiaro ianareeo rehetra fa nilaza aho hoe, “Ilay Anjely malaza izay hany niresaka tamiko, dia teo amin’ny ilany havanana,” talohan’ny nitrangan’izany akory aza. Tsaroanareeo ve? Ireo elany dia nitodika tany aoriania tahaka an’*izao*. Izany marina tokoa ireo elatr’io Anjely io rehefa niakatra izany. Hitanareeo, rehefa izany... Noho izany dia nanomboka naka an’ireo sary izy ireo satria tena mahagaga tokoa ilay izy. Fa rehefa ilay sary farany, rehefa nanao ny Tenany tao amin’ny lanitra sy ny sisa Izany, dia ity izy araka ny namoahan’ny *Look* azy eto. Hitanareeo hoe ahoana no niakarany vantany vao nanomboka nahita azy izy ireo, hitanareeo. Ary teo no tonga ilay—ilay tena izy sy sary farany, rehefa naka endrika izy.

<sup>83</sup> Tsy fantatr’izy ireo hoe avy taiza ilay izy na lassa aiza, tsy mbola mahafantatra izy ireo. Tena saikatra tanteraka ny siansa mikasika an’izany, tsy mahafantatra hoe inona no nitranga. Fa isika dia mahafantatra; “hisy famantarana eny amin’ny lanitra ambony.” Fantatsika izany. Hitanareo? Ary Izy no nampanantena an’ireo zavatra ireo. Hitanareo? Ary ny zavatra tokana izay namela an’izany ho voaray...

<sup>84</sup> Ankehitriny, fantattro fa mpianakavy fotsiny isika eto izao maraina izao. Raha sanatria aho ka nampiseho taminareeo rahalahy na ranabavy ho toy ny mahay ny zavatra rehetra iray, dia mamele ahy azafady. Tsy fanahy iniako ny ho izany. Izaho dia mitsangana... mipetraka eto izao maraina izao miresaka amin’ireo lehilahy izay nianatra, ireo lehilahy izay manantsaina; izaho—izaho dia tsy mahay mamaky teny iray, tsy afaka manonona ny Soratro tsara akory aza aho. Manana toko iray ho vakiana aho izao maraina izao, izaho dia... dia hangataka ny anankiray amin’ireo rahalahy eto hamaky azy ho ahy, satria tsy mahay manonona an’ireo anarana ao anatin’izany akory aza aho, Tantara Voalohany 13, (raha sitrakao, Rahalahy Jack, afaka mitady azy ianao), ho an’ny lohahevitra. Izaho—izaho aza tsy afaka hanonona an’ireo anarana ireo akory, hamela azy hanao an’izany aho, satria izy no mahay manonona azy ireo.

<sup>85</sup> Ary fantattro fa miresaka amin’ny lehilahy manan-tsaina aho. Saingy, rahalahy, natao ireo zavatra ireo mba tsy hijerenareo ny tsy fahaizako mamaky teny, fa hino hoe milaza aminareo ny Fahamarinana aho. Andriamanitra miteny aminareo ny Fahamarinana izany. Izany no Fahamarinana. Hitanareeo?

<sup>86</sup> Ankehitriny, ary rehefa miresaka ny amin’ireo anaram-piangonana aho, tsy ny ho masiaka aminareo no tiako ho lazaina ary... Tsia, tsy ny tsy handehananareo any am-piangonanareo no tiako ho lazaina. Mandehana any am-piangonanareo, izay nasaina nataonareo. Saingy aza mikambana fotsiny amin’ireny rafi-pandaminana ireny, satria hiteny aminareo aho indray

andro any ary hanaporofo an'izany amin'ny alàlan'ny Soratra, fa izany no mariky ny bibidia. Ary tsarovinareo fotsiny, izany ilay marika.

<sup>87</sup> Izaho dia mitory... Tsy hitory an'izany ao amin'ny fiangonan-dRahalahy Jack aho, hiteny amiko izy hoe, "Mandrosoa ary ataovy izany"; saingy handeha any amin'ny tabernakla aho, haharitra eo amin'ny ora efatra eo izany. Ary ny lohahevitro dia, "Ilay bibidia tany am-boalohany sy ilay bibidia any amin'ny farany, araka ny dian'ny menarana iray." Hitanareo? Mila eo amin'ny ora efatra izany. Manana an'ireo Soratro voalahatra manontolo aho. Ilay bibidia hatrany am-boalohany, izy no bibidia tao amin'ny sahan'i Edena, izy no bibidia any amin'ny farany, ary maneho fa olona mpivavaka iray izy sy anaram-piagonana iray (izany no nanao an'ilay anaram-piagonana); ary tonga avy hatrany araka ny diany, ka hanaporofo aminareo azy amin'ny alàlan'ireo Soratra fa izany izy. Tsy nahafantatra an'izany aho raha tsy ny Fanahy Masina no nanome ahy an'izany tany indray andro.

<sup>88</sup> Ankehitriny, teo amin'io, dia nandinika an'io aho indray andro, nitsangana, ary nisy zavatra iray nilaza tamiko... njery an'izany, fa nieritreritra aho... Rahalahy Hickerson, iray amin'ireo mpitantan-draharahako... na diakona ao amin'ny fiangonana ao Jeffersonville... Raha tsy mino ny fandehanana any am-piagonana aho, dia nahoana aho no manana fiangonana? Manana azy ireny isika manerana ny firenena rehetra, nifandray indray hariva, isaky ny roanjato maily tora-droa dia misy anankiray amin'ny fiangonana.

<sup>89</sup> Ankehitriny, ity—ity sary ity, nitsangana aho, njery azy, ary nisy zavatra... Nitsangana tao amin'ny efitro aho. Nisy Zavatra iray nanao hoe, "Avadiho mankany amin'ny ankavanana izany." Nihaino aho.

<sup>90</sup> Fantattro fa toy ny hoe olona iray izay mikorontana ara-tsaina kely izany, saingy, hitanareo, araka ny nolazaiko indray hariva, ireo zavatra lehibe rehetra ireo dia tena arapaiazana... Ankehitriny, tsy manohitra an'izany aho. Tsarovy, tokony handefa ny zanakareo any am-pianaranana ianareo ka hahazo fianaranana sy ny sisa, saingy ho lazaike aminareo izao ankehitriny izao, tsy hahavita soa ho azy ireo izany ao amin'ilay tontolo izay ho avy, satria ho fandrosoana iray hafa izany, tena ambony lavitra an'ity. Io fandrosoana io aza dia tsy hanana akory... Tsy hanana sekoly mihitsy izy ao aminy, tsy hanana fahafatesana mihitsy izy ao aminy, tsy hanana ota mihitsy ao aminy. Ity dia manana an'izany rehetra izany; tsy mampaninona na mandroso toy ny ahoana aza isika, fahafatesana betsaka sy betsaka no miampy hatrany. Hitanareo? Tsy hisy fahafatesana io anankiray io. Fa tsy maintsy manana sekoly isika ankehitriny, tsy maintsy manao akanjo, isika...

<sup>91</sup> Hiresaka aho izao maraina izao eo amin'ny *Edenan'i Satana* (maro aminareo no manana ny horonam-peon'izany), *Edenan'i Satana*. Nanao sahan'i Edena iray hafa izy, ary enina arivo taona no nilainy hanaovana an'izany, tahaka ny nanaovan'Andriamanitra ny Azy mihitsy tany am-boalohany. Nanao Ny Edenany Andriamanitra, ary nosimbain'i Satana izany. Nanao ny Edenany manokana i Satana ankehitriny, fa hamotika azy Andriamanitra (marina izany) ary hametraka ny Azy Manokana.

Nisy Zavatra nanao tamiko hoe, “Avadiho tsara ilay izy.”

Nieritreritra aho hoe, “Heveriko fa tsara ny fijeriko azy.”

Hoy Izy, “Avadiho *tsara* izany.” Hitanareo?

<sup>92</sup> Nieritreritra aho hoe, “Ny dikan’izany Feo izany angamba dia hoe avadiho *mankany* amin’ny havanana.” Ary rehefa nanao aho, dia hitanareo hoe inona ilay izy: *Lohan'i Kristy* an'i Hofmann, teo amin'ny telo amby telopolo taona. Eto, jereo eto, jereo ny Volombavany mainty, ny Tarehiny, ny Masony, ny Orony, sy ny zavatra hafa. Jereo ny ampanhan'ny Volony eto miakatra. Ary manao solovolo miaraka amin'io solovolo fotsin'Anjely io Izy mba haneho fa ny Hafatra ny amin'ny maha-Andriamanitra Azy dia ny Fahamarinana. Izy no Mpitsara Faratampony an'izao tontolo izao, Mpitsara Faratampony an'ny Lanitra sy ny tany. Andriamanitra Izy, ary tsy misy afa-tsy Andriamanitra. Izy no Andriamanitra voaseho tao amin'ny endrik'olombelona nantsoina hoe Zanak'Andriamanitra, hoe ilay Zanaka dia ilay Olona. Ary raha tsy izany no manao ny Hafatsika ho tena marina tokoa: voatondron'ny Soratra, voatondro ao amin'ny asa, voatondron'Ny Fanatrehany, ilay tsy miova omaly, anio, ary mandrakizay. Noho izany ireo Tombokase Fito ireo dia ny Fahamarinana, rahalahy. Mety tsy mifanaraka amin'izy ireo ianareo, saingy mipetraha fotsiny ka ianaro miaraka amin'ny fonareo misokatra indray mandeha izany, avelao fotsiny ny Fanahy Masina no hitarika anareo avy ao amin'ny . . .

<sup>93</sup> Teto, rehefa Rahalahy Jack . . . Niantso azy aho talohan'ny nitoriaiko an'izany ary niresaka taminy indray mandeha mikasika ny hoe “Inona io solovolo fotsy io?”

<sup>94</sup> Hoy izy hoe, “Eny, Rahalahy Branham, izaho dia manambara fa izany no tao amin'Ny . . . taorian'ny Fitsanganany tao amin'ny Vatany nomem-boninahitra.” Niresaka tamin-dRahalahy Jack aho. Ary nisy . . . Tsy mahafantatra olona iray aho eto amin'izao tontolo izao izay itokiako betsaka eo amin'ny fampianaranay eo amin'ny teolojia sy ny sisa tahaka ny ataoko amin-dRahalahy Jack Moore sy Rahalahy Vayle, ary lehilahy tahaka—tahaka an'izany, tena teolojiana izay namaky an'ireo karazam-boky rehetra sy fomba fandinika samihafa avy amin'ny zavatra rehetra. Eny, saingy, hitanareo, na amin'izany aza, ary sakaizako

akaiky, izaho—izaho—izaho dia tsy afaka nandray an'izany mihitsy, nisy zavatra teo izay tsy nandray an'izany fotsiny.

<sup>95</sup> Ary avy eo rehefa tonga izany, ity, tamin'izay fotoana izay dia hitako hoe inona ilay izy. Eto ny Volombavany mainty. Hitanareo Izany, heveriko. Hitanareo? Ny Volombavany mainty sy ny volo mainty, ny Masony, orony, ny zavatra rehetra, tena tanteraka mihitsy, ary na ny ampahany ao amin'ny Volony aza izay mihoatra an'ity ilany ity. Andriamanitra Izy! Hitanareo? Ary Izy no tsy miova omaly, anio, ary mandrakizay. Ary ity ny *Look* magazina... na *Life* magazina. Heveriko fa ity no... Adinoko hoe inona ilay laharana ankehitriny; oh, Mey ny faha-fito ambin'ny folo, 1963. Tamin'izany ilay izy no nivoaka, raha misy olona mila an'ilay magazina. Izany dia ilay sary iray ihany izay misy an'i Rockefeller sy ny—ny vadiny ao ivohony. Ary ity ny *Science* magazina vaovao hoe “mbola zava-miafina iray foana ilay izy.”

<sup>96</sup> Ho an'ny inona no nilazako an'ireo zavatra ireo? Mba hahafahan'izany hanome anareo fijery kely an'ireo zavatra izay ezhantsika ho lazaina, hoe Andriamanitra dia manondro sady any an-danitra no eto an-tany fa marina. Ireo famantarana ireo, fahitana, manana fakan-tahaka betsaka isika, isika isan'andro. Fa tsarovy, alohan'ny hisian'ny dolara sandoka iray, dia tsy maintsy misy tena dolara iray aloha; tsy maintsy misy aloha ny tena dolara iray, ary avy eo izy ireo vao manao avy amin'izany. Tahaka ny nananantsika tena Mosesy iray mihitsy sy tena Arona iray, avy eo dia nanana Jambra iray sy Jana isika taorian'izy ireo. Hitanareo ve hoe ahoana no ahatongavan'io rehetra io? Mahita an'izany izy ireo ary miezaka maka tahaka an'izany avy eo, nefy misy *anankiray* tany am-boalohany marina tokoa. Marina izany. Tsy milaza an'izany aho mba handratra na hampietry, na ho diso fametraka zavatra iray, fa ho an'ny Fahamarinana fotsiny; mba hahafantatra fa izaho...

<sup>97</sup> Miha-lasa lehilahy antitra iray aho, ary fantatro fa tsy ho ela intsony ny androko. Raha Jesosy, no maharitra, izaho dia mety... afaka hijanova vetivety; saingy fantattro fa hanao ny fidobony farany ity fo ity, ary hiditra ao amin'ilay efitra lehibe, maizina aho any antsoina hoe ny fahafatesana. Fa rehefa tonga izany, dia tsy mila na inona na inona tsy maintsy hitodihana aho, mba hiezahana hibebahana. Tiako, rehefa tonga eo amin'izany fotoana izany aho, ny ho voasasa sy voadion'ny fahasooavan'Andriamanitra. Tiako ny handrakotra ny tenako ao amin'ireo lamban'ny Fahamarinany, rehefa miditra ao aho, miaraka amin'ity zavatra anankiray ity ao an-tsaiko: Mahafantatra Azy amin'ny herin'ny Fitsanganany aho; ka rehefa miantso Izy, dia hivoaka avy eo anivon'ireo maty aho ka ho velona miaraka Aminy mandrakizay. Ary izany no tanjoko eto ankehitriny dia ny miezaka hahazo ny olona rehetra... tsy hoe

hanova ny teolojianareo na inona, fa hampitombo ny finoanareo ao amin'ny teny fikasan'Andriamanitra an'izao andro izao.

Ndao isika hivavaka ankehitriny:

<sup>98</sup> Andriamanitra malala, vahoaka iray mankasitraka izahay izao maraina izao, kanefa, Tompo, miaina ao amin'ny tontolo maizina iray izay... Tsy misy anankiray aminay eto izao maraina izao, Ray, izay tsy mahatsapa fa izahay—izahay dia mila famindràna akaiky kokoa miaraka Aminao, mila an'ilay—ilay fikasihana avy Aminao eo amin'ny fiainanay izahay izay afaka hanalefaka anay sy hanao anay hilefitra mba Hahafahanao manova anay amin'ny fotoana rehetra, handasitra anay ho zanakalahy sy zanakavavin'Andriamanitra. Izany—izany no tanjonay eto, Ray, izany no—izany no tanjoko tokana izay ananako dia ny hiezaka ny—ny hiaina eo Anatrehanao sy handray Ny Teninao ka hiresaka an'Izany indray amin'ireo lehilahy sy vehivavy izay... tsy ny ho olona hafa iray fa ny hiezaka hanaja Azy izay nanome ahy ny Fiainana. Ekeo izany, Tompo.

<sup>99</sup> Enga anie tsy hisy olona iray eto androany... Na—na raha... Mifandray izahay izao maraina izao, manerana ny firenena, indray. Enga anie tsy hisy olona iray izay ao amin'ny fandrenesana ny feonay ka tsy maintsy hiditra ao amin'io efitra lehibe io tsy hahafantatra Anao ao amin'ny herin'ny Fitsangananao. Raha misy mpanota any ho any manerana ny firenena, izay... na ato amin'ity tranobe ity, ity toera-malalaka lehibe ity, mipetraka eto izao maraina izao. Raha misy ireo izay tsy mahafantatra Anao, dia enga anie ity no ho andro izay hahavoadona ny fieritreretan'izy ireo, hifoha, ka hahalala izy ireo fa tsy fantany hoe inona ny minitra izay mety hiantsoana anay na hampiantsoana anay hamaly ho an'ny fiainanay, any amin'ny Avo. Ary raha mbola eo amin'ilay bokin'ny taho io foana ny anaranay, dia ho voaheloka izahay; fa raha ao amin'ny Bokin'ny Fiainan'ny Zanak'ondry kosa izany, ilay tena Fiainana, amin'izay fotoana izay dia voavonjy izahay.

<sup>100</sup> Ary enga anie, Tompo, raha mandeha avy ao amin'ilay ravim-bero mankao amin'ny vovom-boninkazo io Aina io, mankao amin'ny akofa, avy eo dia ao amin'ilay voa, raha mbola eo am-pandalovana izahay izao maraina izao ka misy Aina iray izay miditra ao amin'ilay voa izay mipetraka ao amin'io taho io, dia ento mivoaka izany androany, Tompo, enga anie izany hanaraka ny fifindran'ilay voa, fa mangataka an'izany amin'ny Anaran'i Jesosy izahay. Amena.

<sup>101</sup> Miala tsiny naka fotoana betsaka. Adinoko mihitsy aza hoe ity dia ao amin'ny fotoan'ny radio eto, ilay fotoan'ny telefona.

<sup>102</sup> Ankehitriny ndao isika hamadika ho an'ny famakantsika. Ary Rahalahy Jack, manana ny Baibolinao ve ianao eo? Raha mbola eo am-pitadiavana ny Soratro aho, dia hangataka an-

dRahalahy Jack hamaky an'io Soratra io satria tsy haiko ny manonona an'ireto anarana ireto. Eny àry. Izany dia ao amin'ny Tantara Voalohany 13. [Hoy Rahalahy Jack Moore hoe, "Ny toko manontolo ve?"—Mpand.] Ah-hah.

[Mamaky ny Tantara Voalohany 13:1-14 Rahalahy Jack Moore—Mpand.]

[*Ary Davida naka saina tamin'ny mpifehy arivo sy zato, ary tamin'ny mpitarika rehetra.*]

[*Ary hoy Davida tamin'ny fiangonan'ny Isiraely rehetra, Raha ataonareo ho mety, sady avy amin'ny TOMPO Andriamanitsika izany, dia ndao isika haniraka faingana any amin'ny rahalahintsika na aiza na aiza, izay sisa ao amin'ny tanin'ny Isiraely rehetra, ary miaraka amin'ireo mpisorona sy Levita ihany koa izay any amin'ny tananany sy zana-bohiny, mba ahafahan'izy ireo miara-mivory amintsika:*]

[*Ary ndao isika hitondra ny Fiaran'Andriamanitsika ho amintsika indray: satria isika—isika dia tsy niraharaha an'izany tamin'ny andron'i Saoly.*]

[*Ary nilaza ny fiangonana rehetra fa hataon'izy ireo izany: satria marina teo imason'ny olona rehetra ilay zavatra.*]

[*Koa novorian'i Davida ny Isiraely rehetra, hatrany Sihora any Egypta ka hatrany amin'ny fidirana any Hamata aza, mba hitondra ny fiaran'Andriamanitra avy any Kiriata-jearima.*]

[*Dia niakatra Davida, sy ny Isiraely rehetra, hankany Bala, izany hoe, hankany Kiriata-jearima, izay an'i Joda, mba hampakatra ny fiaran'Andriamanitra TOMPO, izay mipetraka eo anelanelan'ireo kerobima, dia ilay niantsoana ny anarany.*]

[*Ary nentin'izy ireo tamin'ny sarety vaovao ny fiaran'Andriamanitra niala tao an-tranon'i Abinadaba: ary Oza sy Ahio no nampandeha—nampandeha ny sarety.*]

[*Ary Davida sy ny Isiraely rehetra dia nitsinjaka teo anatrehan'Andriamanitra tamin'ny heriny rehetra, sy tamin'ny hira, sy tamin'ny harpa, sy tamin'ny valiha, sy ny ampongatapaka, sy tamin'ny kipantsona, ary tamin'ny trompetra.*]

[*Ary rehefa tonga teo amin'ny famoloan'i Kidona izy ireo, dia naninjitra ny tànany hihazona ny fiara i Oza, satria tafintohina ireo omby.*]

[*Dia nirehitra tamin'i Oza ny fahatezeran'ny TOMPO, ka namely azy izy, ary satria nametraka ny tànany teo amin'ny fiara izy: dia maty teo anatrehan'ny Tompo.*]

[*Ary tsy faly i Davida, satria nanisy famelezana an'i Oza ny TOMPO: koa izany no niantsoana ny anaran'io toerana io hoe Perez-osa hatramin'izao andro izao.*]

[*Ary Davida natahotra an'Andriamanitra tamin'izany andro izany, ka nanao hoe, Ahoana no hitondrako ny fiaran'Andriamanitra ho aty amiko?*]

[*Noho izany dia tsy nentin'i Davida ho ao an-tranony manokana ao an-tanànan'i Davida ny fiara, fa naviliny ho ao an-tranon'i Obed-edoma ilay Gatita.*]

[*Ary ny fiaran'Andriamanitra dia nipetraka tao amin'ny fianakavian'i Obed—Obed-edoma tao amin'ilay trano nandrity ny telo volana. Ary nitahy ny ankohonan'i Obed-edoma ny TOMPO, sy izay rehetra nananany.*]

<sup>103</sup> Misaotra anao, Rahalahy Moore, nohon'ny famakiana ny Soratra ho ahy. Ankehitriny, miala tsiny raha tsy afaka namaky azy ny tenako, fa—fa tsy vitako ilay izy.

<sup>104</sup> Tiako ianareo ankehitriny hamadika miaraka amiko ao amin'ny Marka 7:7, ary hamaky ny andininy fito voalohany an'ny Masindahy Marka ny toko faha-7 isika.

*Koa niangona teo aminy ireo Fariseo, sy ny sasany tamin'ireo mpanora-dalàna, izay avy tany Jerosalema.*

*Ary rehefa nahita ny sasany tamin'ireo mpianatra izy izay nihinana mofo tamin'ny fahalotoana, izany hoe, tamin'ny tànana tsy misasa, dia nahita fahadisoana izy ireo.*

*Fa ireo Fariseo, sy ny Jiosy rehetra, raha tsy efa manasa ny tànany izy ireo... dia tsy mba mihinana, mihazona—mihazona an'ireo fomba avy tamin'ireo razana.*

*Ary rehefa tonga avy any an-tsena izy ireo, raha tsy efa misasa, dia tsy mba mihinana. Ary zavatra hafa maro izay—izay izy ireo... izay noraisiny avy tamin'ny... noraisiny ho hazonina,... ny fanasana ny kapoaka, sy ireo famarana, sy siny varahina, ary ireo fanaka.*

*Dia nanontany azy ireo Fariseo sy mpanora-dalàna hoe, Nahoana ny mpianatralo no tsy manaraka ny fomba avy amin'ireo razana, fa mihinana mofo amin'ny tànana tsy misasa?*

*Izy namaly ka nanao taminy hoe, Eny Isaia dia naminany ny aminareo mpihatsaravelatsihy, araka ny voasoratra hoe, Ity vahoaka ity dia manaja ahy amin'ny molony, fa lavitra ahy kosa ny fony.*

*Koa foana ny ivavahan'izy ireo amiko, mampianatra ho foto-pampianarana an'ireo didin'olombelona.*

Ndao isika hivavaka.

<sup>105</sup> Andriamanitra malala, hajao Ny Teninao ankehitriny, ary enga anie Izany hanatanteraka an'izay natao ho Tanjony. Ampiasao izahay ho fitaovana hiteny an'Izany, ka ny sofinay mba handre avy Aminao, ary ny fonay handray Azy. Mangataka amin'ny Anaran'i Jesosy izahay, ho an'ny voninahitr'Andriamanitra. Amena.

<sup>106</sup> Ankehitriny, ny lohahevitre ho an'ny fotoana vitsy dia izao...Izaho...

<sup>107</sup> Eo amin'ny fifandraisana amin'ny telefonim-pirenena isika izao maraina izao. Ary azoko fa ny sakaizako tsara, Roy Borders, dia mihaino, tena trotraka tsara mikasika ny omaly hariva. Adinoko fa teo amin'ny radio isika...na teo amin'ny fifandraisana omaly hariva. Roy, na aiza na aiza no misy anao, raha any San Jose ao amin'ilay fiangonana any ianao, na koa any amin'ny fiangonan-dRahalahy McHughes, na aiza na aiza no misy anao, aza matahotra, ry rahalahiko, ho tena tsara ny zavatra rehetra. Mipetraha tsara, ianao fotsiny...Izy dia hampahafantatra ahy an'izany, Roy; aza manahy, anaka, manàna finoana an'Andriamanitra.

<sup>108</sup> Ny lohahevitre izao maraina izao dia: *Miezaka Manao Asa Iray Ho An'Andriamanitra Nefa Tsy Sitrapon'Andriamanitra Ilay Izy*. Ankehitriny, lahateny hafahafa iray izany, ary mahatoky aho fa ny Tompo no hanambara an'izany amintsika ankehitriny. Tsarovy, "Miezaka manao asa iray ho an'Andriamanitra nefo tsy sitrapon'Andriamanitra ilay izy." Ankehitriny, toa tena hafahafa izany. Saingy, ao amin'izany, dia afaka hanampy antsika angamba Andriamanitra.

<sup>109</sup> Zavatra hafa iray izay tiako ho lazaina izao maraina izao, hoe faly isika manana ny sakaizako iray eto anivontsika, tena sakaiza malala iray, lehilahy tanora iray. Maro aminareo olona ao amin'ny radio ankehitriny no afaka...na ny...eo amin'ny fifandraisana an-telefona, no mahafantatra hoe iza izany. Androany no tsingerin-taona nahaterahany, telo amby sivifolo taona, Rahalahy Bill Dauch mipetraka eto anoloako eto, telo amby sivifolo taona.

<sup>110</sup> Taona maro lasa izay dia hoy ny dokotera hoe, "Tsy afaka ny ho velona izy." Vao avy nahamarika azy mipetraka eto aho ankehitriny. Teo ambanin'ny tranolay misy rivotra izy, dia niantso ahy ny vadiny maha-te-ho tia ka nanao hoe, "Ranadahy Branham, raha manantena ny hahita ny sakaizanao antitra ianao, Bill, velona, dia tsaratsara kokoa ho anao ny tonga avy hatrany."

<sup>111</sup> Ary izaho...Rovitra teo amin'ny sisiny ny iray tamin'ireo kodiarako, potika tanteraka ny kodiarako, ary naharovitra ny kodiarana iray an'ny fiarako aho mba hiezaka ny hahatratra azy. Nivoaka fotsiny aho avy tao amin'ny—ny—ny toby, tobin-tsoliaka,

dia nivoaka avy tao amin'ilay trano fivoahana izay nijanonako tany Ohio mba hiezaka hahatratra azy, ka nahita fahitana iray aho teo am-pivoahana. Ary nitsangana teo Rahalahy Dauch, nitsangana tao amin'ny fiangonana niaraka tamin'ny tànany nivoaka; niova ilay izy, dia nahita anao nandeha teny andàlambe aho ary nandray ny tànako. Hoy Izy, "Mandehana miteny aminy hoe, 'HOY NY TOMPO HOE.'"

<sup>112</sup> Teo amin'ny sivifolo taona teo izy tamin'izany fotoana izany. Tratry ny aretim-po niaraka tamin'ny fikatsoan'ny fo izy, ary fahavoazan'ny fo tanteraka iray. Dokotera tena lalin-tsaina. Ilay lehilahy dia tsy...izy tsy mila...Tsia, tsy ho lazaiko izany. Lehilahy iray fotsiny izay manana fahafahana maka an'izay dokotera tiandy izy. Nanana dokotera Jiosy iray tena tsara izy izay nihaona tamiko tao amin'ilay lalantsara ka nanao hoe, "Tsy misy anjara iray intsony ho azy ny ho velona."

<sup>113</sup> Dia niditra aho ka nanatsofoka ny tànako tao ambanin'ilay tranolay misy rivotra, hoy aho hoe, "Ry Bill, afaka mandre ahy ve ianao?" Nanatokatoka ny lohany izy. Hoy aho hoe, "HOY NY TOMPO HOE, 'Tsy ho faty ianao ankehitriny.'"

<sup>114</sup> Herinandro taorian'izany, rehefa tonga teo amin'ny polipitra aho mba hitory ny Hafatro, dia indro tonga Rahalahy Dauch namakivaky an'ilay tranobe. Ary rehefa nandeha tao amin'ny Furr's Restaurant aho, eo akaiky...Blue Boar no tiako lazaina, akaikin'i Louisville, dia indro izy nivoaka ny fiara, nandeha teo amin'ilay lèlambé, nihazona ny tànany nivoaka; tena araka ny Tenin'ny Tompo marina tokoa. Ary telo na efa-taona lasa izany; ary indro izy mipetraka eto avy lavitra, any Shreveport (mitety ny firenena, tsy amin'ny fiaramanidina ankehitriny, fa amin'ny fiara) ah-hah, mipetraka eto izao maraina izao. "Tratry ny tsingerin-taona nahaterahana, Rahalahy Dauch." Avy amin'ny manerana ny firenena rehetra izany, avy hatraiza hatraiza. "Andriamanitra hitahy anao!"

<sup>115</sup> Nataoko batisa izy, taorian'ny naха-triniterana iray, nataoko batisa izy rehefa izy...iray tamin'ireo favoriako voalohany izany, rehefa tsy maintsy namela azy hahazo ny akanjony Rahalahy Banks Wood (lehilahy iray tsara vatana izy, araka ny hitanareo), ary niditra tao amin'ilay dobo izy dia nataoko batisa teo amin'ny dimy amby valopolo na sivifolo taona, tamin'ny Anaran'ny Tompo Jesosy. Nilaza izy fa tsy nahatsapa ho marina mihitsy mandra-pahitany an'io fiarovana avy amin'ny zavatra iray io. Tamin'izay fotoana izay izy no nahazo andro nahaterahana iray izay tsy hiha-antitra intsony. Marina izany, ilay Tany lehibe. Manantena mihitsy aza izy ny ho velona mba hahita ny Fihavian'ny Tompo; azo atao izany. Fa raha hodimandry izy, izy...ka hifoha isika amin'izany fotoana izany, dia izy no tonga aloha. Marina. Noho izany, Rahalahy Dauch, tsy misy fomba ankehitriny tsy hahatratarana an'izany. Eo amin'ilay filaharana marina tokoa ianao. Mijanòna eo, ry

rahalahiko, dia Andriamanitra hitahy anao. Ary misaotra ny Tompo aho ny amin'ny lehilahy iray tsara tahaka an'izany, sy ny amin'ny nanomezana azy an'ireo taona rehetra ireo.

<sup>116</sup> Ao amin'ny Bokin'ny Tantara, “Miezaka manao asa iray ho an’Andriamanitra nefy tsy araka ny Sitrapony ilay izy.” Masi-mandidy Andriamanitra, aloha, tiantsika ny hahazo an’izany. Manontany ny olona amin’izao andro izao hoe nahoana isika no tsy afaka manana fifohazana iray. Mino ve ianareo fa masi-mandidy Andriamanitra? Hitanareo, miresaka an’izany ny Baiboly.

<sup>117</sup> Ary isika miezaka... Raha nifampiresaka tamin’ny vondrona iray an’ireo rahalahiko mahafinaritra aho, rahalahy Batista, vao tsy ela akory izay, dia hoy izy ireo hoe, “Rahalahy Branham, afaka manana fifohazana iray fotsiny ihany isika rehefa alaintsika ny Teny, teny amin’ny teny, pejy amin’ny pejy, litera amin’ny litera.”

<sup>118</sup> Ary hoy aho hoe, “Izaho koa dia mino, pejy amin’ny pejy.” Hoy izy hoe... Hoy aho hoe, “Efa niezaka ny nanao an’izany izy ireo hatramin’izay.”

<sup>119</sup> Hoy izy hoe, “Fa tsy maintsy mahita ny fandikana Grika an’ny Teny isika, izay lazain’ny Grika.”

<sup>120</sup> Hoy aho hoe, “Tsy namaky be loatra aho, fa namaky ny tantaran’ny fiangonana, sy ny Fivoriamben’i Nise, sy ny Talohan’ny Fivoriamben’i Nise, ary ireo moperan’i Nise, sy ny sisa, nifamaly izy ireo *tany mikasika* ny Grika. Roa arivo taona lasa izay. Ny anankiray nanao hoe, ‘Izany dia midika an’ity,’ ary ny anankiray manao hoe, ‘Izany dia midika an’itsy. Ilay teny Grika dia midika an’ity.’”

<sup>121</sup> Tahaka ny fitenintsika mihitsy; ny teny hoe *see*. Ampiasao ny teny hoe *see*, azonareo adika hoe “vatan-drano iray, azoko,” na zavatra maro. *Bored*, dia mety hoe, “mandoaka lavaka iray, manao famindrana iray,” na-na “manorisory ahy ianao,” na “ianao no nandoa ny sakafoko,” na afaka midika izany hoe ny... zavatra maro. Ary ireo zana-tsoratra kely, sy ny sisa, dia manova fotsiny an’ilay dikany manontolo. Noho izany tsy ho vitanareo tahaka an’izany mihitsy ilay izy. Andriamanitra no nanoratra Azy tahaka an’izany, satria... .

<sup>122</sup> Fa voatsindrimandry ny Teny rehetra, ary Iz y no nilaza hoe, “Misaotra Anao Aho, Ray, fa Ianao no nanafina tamin’ny mason’ny hendry sy ny manan-tsaina ireo zavatra ireo, ary hanambara” (amena) “amin’ireo zaza izay hianatra.” Izany dia fanambarana iray avy Aminy, araka ny nolazaiko omaly hariva, “Hanambara an’izany amin’ireo zaza.”

<sup>123</sup> Hoy aho hoe, “Tsy hety izany, tompoko.” Hoy aho hoe, “Tsy ho avy mihitsy ny fifohazana iray raha tsy Andriamanitra, ilay Andriamanitra masi-mandidy, no mandefa azy; ary amin’izay fotoana izay dia mety haka vendrana kely iray Iz y izay tsy

mahay manasonia ny anarany akory aza, ka hanao an'izany miaraka aminy, izay tsy mahafantatra teny Anglisy tsara akory aza mainka fa ny Grika."

<sup>124</sup> Izany no Nataony tamin'ny fotoana izay nitorian'i Petera tamin'ny Pentekosta, fantatrareo, tsy nahay nanasonia ny anarany akory aza izy, tsy mahay sy tsy nianatra. Fa manao zavatra amin'ny fomba hafahafa tahaka an'izany Andriamanitra amin'ireo fiheverantsika ara-tsaina. Izany no manao an'ilay izy ho Andriamanitra. Raha naka andiana teolojiana sy manankaja Izy, sy ny sisa, dia ho nilaza ireo hoe, "Io Kaiifa manantsaina io, hitanareo, tena marina mihitsy ny azy" Saingy nidina Andriamanitra ary nitady lehilahy mpanjono izay tsy nahay nanasonia ny anarany akory aza, ary izany no Nalainy. Izany Andriamanitra, maka zavatra iray izay tsinontsinona Izy ary manao zavatra iray avy amin'izany ho an'ny Hajany Manokana. Naka korontan-javatra iray Izy ka nanao Edena anankiray. Ah-hah, Andriamanitra izany.

<sup>125</sup> Ankehitriny, raha misy olona iray izay manana an'ireo mekanika ho an'ny fifohazana iray, dia ny rahalahintsika hajaina, Billy Graham. Fa tena tsara ireo mekanika, saingy tsy hampihetsika an'izany ireo mekanika, mila an'ireo dynamika izany hampihetsika azy. Afaka manamboatra fiara iray ianareo, mametraka sezamahafinaritra ao anatin'y, manamboatra tavoka mahafinaritra ary—ary manaporofo amin'ny alàlan'ny siansa izay mety ho vitany; saingy raha tsy ao ireo dynamika, dia piesin-javatra maty fotsiny izy.

<sup>126</sup> Noho izany, tamin'ny fifohazan'ny Pays de Galles, iray amin'ireo fifohazana farany talohan'ny an'ny Pentekotistsika, dia tsy nisy nahafantatra hoe inona no nanomboka an'ilay fifohazana, andian'olona iray fotsiny.

<sup>127</sup> Ankehitriny, rehefa azontsika ny rehetra...ny sakaizantsika, Billy Graham, no hahazo ny Presbyterana rehetra, sy Loterana, ary Pentekotista, sy ny sisa miaraka, ka hiditra ao amin'ny tanàna dia ao izy ireo no hanana favoriana iray lehibe miaraka an'avirony, ary telo alina no ho tonga (ao anatin'ny herinandro roa) ka hanome ny fony ho an'i Kristy; miverina indray afaka roa herinandro hafa dia tsy hanana anankiray ianareo. Hitanareo, izany ireo mekanika. Fa avelao Andriamanitra ao amin'ny Fahasoavany masi-mandidy hiteny fotsiny amin'ny vendrana kely iray, araka ny filazana azy, olona kely iray; avelao hilatsaka ao amin'ilay tanàna Ny Fanahiny fa tsy afaka handeha hiasa ireo lehilahy, tsy afaka hanasa vilia ireo vehivavy, tsy afaka hanao fandriana ireo mpiasavavy, hiantsoantso sy hitomany miaraka amin'ny tânany mitsangana ambony. Izany no fifohazana, izany no ao amin'ny sitrapon'Andriamanitra.

<sup>128</sup> Voalaza fa nandeha nankany amin'ny Pays de Galles ireo lehilahy manan-kaja sasany mba hahazo, na haminavina hoe inona ireo mekanika rehetra tao amin'ilay fifoazana, nandritry ny fifoazan'ny Pays de Galles. Ary rehefa nidina avy teny an-tsambo izy ireo nanao an'ireo satrony avo, sy ireo vozon'akanjony boribory; nahita, nandeha teny an-dàlambe, polisy kely iray, nanakipilipily ny langilanginy nihodina sy nihodina tahaka an'izao, nisiotsioka; hoy izy ireo hoe, "Ry lehilahy tsaroko, azonao lazaina ahy ve hoe aiza no misy ny fifoazan'ny Pays de Galles?"

<sup>129</sup> Hoy izy hoe, "Eny, ry rahalahiko, mitsangana eo afovoan'izany ianareo!" Ah-hah, ah-hah, ah-hah. Hoy izy hoe, "Azonareo, *izaho* no fifoazan'ny Pays de Galles," hoy izy, "satria ato anatiko ny fifoazan'ny Pays de Galles."

<sup>130</sup> Izany no masi-mandidy! Izany no ataon'Andriamanitra, ary Izy irery ihany no manana zò handefa fifoazana iray. Tsy hoe manangona ny mekanika hiaraka, ilay izy dia ny mivavaka mba handefasan'Andriamanitra an'ilay dynamika—dynamika.

<sup>131</sup> Izy irery no manambara Ny Teniny ao amin'ilay voafidy mialoha. Ankehitriny, rehefa mampiasa ny teny aho hoe *voafidy mialoha*... Ankehitriny, teny ratsy iray ampiasaina ampahibemaso izany, indrindra rehefa manana olona betsaka mifangaro eo amin'ny Armenian sy Calvinista isika. Ary tsy ny... Efa nangataka taminareo aho mba tsy hihevitra fa mahay Azy rehetra aho, fa samy diso izy roa araka ny Soratra. Fahasoavana no nataon'Andriamanitra ho ahy, ireo asa no ataoko ho Azy. Hitanareo? Amin'izay fotoana izay vao azonareo Izany. Raha mihanika na eo amin'ny iray amin'ireo rantsankazo ireo aza ianareo, dia azo antoka fa hahita ny tenanareo eo amin'ny faran'ilay rantsan-kazo ka tsy afaka hiverina. Ny Bokin'ny Efesiana no manangona azy miaraka, heveriko.

<sup>132</sup> Ankehitriny, fa ilay teny, rehefa mampiasa azy aho hoe, *voafidy mialoha*, dia aza mihevitra fa izaho... izany ihany no teny tokana izay fantatro hoe ahoana no—no anaovana.... Fahalalan'Andriamanitra mialoha izany, hitanareo, hoe efa Fantany. Izy—Izy tsy afaka milaza... Izy—Izy dia maty mba hahatonga ny rehetra ho voavonjy, nanao Izy, saingy tamin'ny alàlan'ny Fahalalany mialoha dia Fantany hoe iza no ho voavonjy ary iza no tsy ho voavonjy. Hitanareo? Izany hoe izay Fantany, dia tsy fantattro izany ary tsy fantatrareo, noho izany miasa ho an'ny famonjentsika manokana isika amin'ny tahotra sy ny hovitra.

<sup>133</sup> Ankehitriny, fa manana Ny Teniny voapetraka Andriamanitra, ary manana ao amin'ny taona rehetra. Ny Fahalalany mialoha no nahatonga Azy nametraka tao amin'ny fiangonana, sy tao amin'ny vahoaka, an'ireo zavatra sasany izay Nataony hatrany amin'ny voalohany. Ary amin'izay fotoana izay

ilay Filazantsara izay voatory ho an'io taona io dia voambara fotsiny ihany ho an'io vahoaka sasany io, tsy mahita an'Izany ny sisa amin'izy ireo. Hitanareo ve? "Misaotra Anao, Ray fa Ianao no nanafina tamin'ny mason'ny hendry sy ny manan-tsaina ireo zavatra ireo, ary nanambara an'Izany tamin'ireo zaza izay te-hianatra." Hitanareo, fifidianana mialoha izany. Tsy hoe Nataony izany tamin'ny alàlan'ny, hoy ianareo hoe, "Hifidy anao Aho, ary tsy hifidy anao." Tamin'ny alàlan'ny Fahalalany mialoha, dia Fantany izay hataonareo.

<sup>134</sup> Nohon'ny maha-tsi-manam-petra Azy... Mino ve ianareo fa tsi-manam-petra Izzy? Raha tsy izany Izzy, dia tsy mety ho Andriamanitra Izzy. Noho izany, eritreretinareo, amin'ny maha-tsi-manam-petra: Fantany ny parasy rehetra izay hany hisy eto an-tany, impiry ireo parasy ireo no hanakimpy ny masonry, firy ny jabora ao anatin'ny parasy tsirairay, ny singam-bozaka rehetra izay hany mipetraka; izany no tsi-manam-petra. Fa isika dia manam-petra, tafintohina ao amin'ny aizina isika. Nampitovy antsika tamin'ny ondry Andriamanitra, ary tsy maintsy manana Mpitarika iray isika. Ary tsy olona io Mpitarika io, ny Fanahy Masina io Mpitarika io, ny Fanahin'i Kristy eo anivontsika. "Vetivety foana dia tsy hahita Ahy intsony izao tontolo izao." Nakarina eo amin'ny Seza fiandrianan'Andriamanitra ny Tenany ara-batana, izay *misy* ny Fanahy eo amin'ilay Seza fiandrianana; eo amin'ny Seza fiandrianana ankehitriny Kristy, Jesosy. "Vetivety foana dia tsy hahita Ahy intsony izao tontolo izao, fa ianareo no hahita Ahy, satria homba anareo Aho hatramin'ny faran'izao tontolo izao, ho ao aminareo mihitsy aza." Ilay Seza fiandrianan'Andriamanitra, an'i Kristy, dia najoro ao anatin'ny fonareo; ary mipetraka eo amin'ny Seza fiandrianan'Andriamanitra Izzy, fa ao amin'ny Arivo taona Izzy no mipetraka eo amin'ny Seza Fiandrianany Manokana; ka, nianiana Izzy fa Izzy no hanangana an'io Lehilahy io, Ny Zanany, Zanak'i Davida, mba hipetraka eo amin'ny Seza Fiandrianany.

<sup>135</sup> Ankehitriny, Izzy no manambara an'ireo zavatra ireo amin'ny alàlan'ny Fahalalany mialoha amin'ireo izay Notendreny ho an'ireo zavatra ireo, fa raha tsy izany dia tsy ho hitan'izy ireo Izany. Mitsangana eo mihitsy izy ireo, mijery an'Izany mihitsy, nefá tsy mety mahita an'Izany.

<sup>136</sup> Firy no efa mba nahita an'ilay sarin'ombivavy tao amin'ny kirihitra, izay tokony ho jerenareo sy jerenareo mihitsy? Efa mba nahita an'izany ve ianareo? Na, ilay sarin'i Kristy tao amin'ny kirihitra, na teny amin'ny lanitra, na ireo rahona? Hitanareo, tena nanao azy ho vita tsara mihitsy ilay mpandoko hany ka tsy maintsy mijery azy amin'ny fomba iray fotsiny ianareo. Eny, amin'izay fotoana izay, vantany vao mahita azy ianareo, dia tsy afaka mahita zavatra hafa afa-tsy izany. Isaky ny mijery ianareo, dia eo ilay izy. Firy no efa nahita an'ireo sary ireo? Eny, azo antoka fa nahita ianareo.

<sup>137</sup> Eny, tahaka an'izany Kristy, Izy tenany, ny Filazantsara, ny Hafatra. Vantany vao mahita an'ilay Hafatry ny ora ianareo, dia tsy misy zavatra hafa hitanareo aka-tsy Izany. Izay ihany. Lasa ny zavatra hafa rehetra, famenoana iray fotsiny ny sisa amin'izany, hitanareo, hitanareo, vantany vao mahita ny Hafatra ianareo!

<sup>138</sup> Izany dia—no tamin'ny andron'i Noa. Rehefa i Noa sy ny vondrony . . . jereo hoe ahoana . . . Rehefa nahita ny Hafatra izy ireo, dia tsy nisy dikany ny zavatra hafa. Rehefa nahita an'Izany ny vondron'i Mosesy, dia tsy nisy dikany ny zavatra hafa. Rehefa nahita an'Izany ny vondron'i Jaona, dia tsy nisy dikany ny zavatra hafa. Rehefa nahita an'Izany ny vondron'i Jesosy, dia tsy nisy dikany ny zavatra hafa. Rehefa nahita an'Izany ny vondron'ireo apostoly, dia tsy nisy dikany ny zavatra hafa. Rehefa nahita an'Izany ny vondron'i Luther, nahita an'Izany ny vondron'i Wesley, nahita an'Izany ny vondron'ny Pentekotista, dia tsy nisy dikany ny zavatra hafa, nihataka tamin'ny zavatra rehetra izy ireo. Nahoana? Tamin'ny alàlan'ny Fahalalany mialoha no Nifidianany mialoha an'ireo zavatra ireo hitranga.

<sup>139</sup> Mifidy ny Olony Manokana amin'ny Fahalalany mialoha Izy. Tahaka ny Nolazainy eto amin'ny Romana 8 eto, hoe Esao . . . mba ilay—mba ahafahan'ilay fifidianan'Andriamanitra hijoro mafy. Fa Esao sy Jakoba dia samy nateraky ny raiamandreny masina, kambana, mba ahafahan'ny Fifidianany hijoro mafy sy marina, ary hoy Izy hoe, "Halako Esao, fa tiako Jakoba," talohan'ny nahaterahan'ny zazalahy akory aza. Hitanareo? Fantany izay ao anatin'ny olona, efa Fantany izany hatrany amin'ny voalohany hoe inona ilay izy, noho izany afaka manao ny zavatra rehetra hiasa marina tokoa eo amin'ny oran'ny famantaranandro Izzy. Isika no mikorontan-tsaina tanteraka sy sorena; fa tsy nahita Azy sorena mihitsy ny zavatra rehetra, marina tokoa, amin'ny fipiapiakan'ilay famantaranandro.

<sup>140</sup> Ireo zavatra izay natao hitranga ireo, ireo vehivavy rehetra miaraka amin'ny volo fohy ireo, ary ireo lehilahy ireo izay manao ny . . . manao ny volony tahaka ny an'ireo vadiny. Hitako izy ireo, tanteraka tokoa, manao an'ireny fanodinan-tsanga ireny eo amin'ny volony, manodina an'izany eo amin'ny handrina. Fanimbàna iray toy ny inona! Izany no vokatry ny Edenan'i Satana. Dia manao tahaka azy: izy miezaka manapaka ny volony tahaka ny vadiny lahy; ny vadiny lahy mamela ny volony haniry tahaka ny vadiny vavy. Fa izy manao ny akanjony, ary izy manao ny atin'akanjony. Hitanareo, eo ianareo izao. Izzy mihalahy, ary izy miha-vavy. Hitanareo, izany no Edenan'i Satana, mifanohitra amin'izay nanamboaran'Andriamanitra azy tany amin'ny voalohany. Izany no Fahamarinana.

<sup>141</sup> Raha tsy manomboka aho, dia tsy ho tafiditra ao amin'ity mihitsy isika. Fa ireo zavatra ireo, sy ny fomba Anaovany azy,

ary hoe iza no hanao azy, izany no Fombany voafidy Manokana, Izy no mifidy. Izany no fomba Tiani hahavita an'ilay izy.

<sup>142</sup> Tahaka ny nandrenesako an-dRahalahy Pearry Green, ny pasiteranay any Tucson, nitory indray hariva mikasika ny hoe ahoana no nanaovan'Andriamanitra zavatra amin'ny fomba iray (adinoko hoe inona ny lahateniny), fa hoy izy hoe, "Izany no fomba itiavan'Andriamanitra azy, izany no fomba anaovan'Andriamanitra azy." Eny, marina izany.

<sup>143</sup> Ankehitriny, iza eto anivontsika no handeha hiteny Aminy hoe, "Diso Izy"? Iza no ho sahy hitsangana eo anoloan'Andriamanitra, ka hanao hoe, "Diso Ianao, Tompo, tokony tamin'ny fomba izay ilai ko hahavita azy no Nanaovanao azy, ny fomba izay nilazan'ny Dr. *Ranona-sy-ranona* fa hanaovana azy"? Iza no lasa lavitra ao amin'ny fahalalany aratsaina, mba hilaza zavatra iray tahaka an'izany? Tsia, tsy ho tonga ianareo ka hilaza an'izany, saingy mieritreritra an'izany ianareo!

<sup>144</sup> Tahaka ny teo amin'ny Hafatro ny amin'ilay *Antikristy*, "Hitsangana ireo kristy sandoka." Ankehitriny, tsy nilaza Izy hoe ireo *Jesosy* sandoka. Hitanareo, tsy hisy olona hanaiky ny hantsoina hoe "Jesosy," ka hatao hoe ny Tompo. Fa ireo *kristy* sandoka dia midika hoe "ilay voahosotra."

<sup>145</sup> Oh, izy ireo, mihevitra ny tsirairay avy fa manana ny hosotra izy ireo, "Voninahitra ho an'Andriamanitra, izy dia afaka manao an'ity sy manao an'itsy!" Fa apetraho eo amin'ny fitsapan'ny Teny izy ary jereo hoe tonga aiza, hitanareo, ilay Hafatry ny ora.

<sup>146</sup> Nanana hosotra izy ireo tamin'ny andron'i Jesosy, fa tsy ny mikasika Azy.

<sup>147</sup> Nanana hosotra izy ireo tamin'ny andro...Na i Datana aza dia nanana hosotra tamin'ny andron'i Mosesy. Hoy izy hoe, "Ankehitriny, aza mihevitra fa ianao irery ihany no hany masina eto anivonay, manana maro Andriamanitra. Hanomboka rafi-pandaminana anankiray eto fotsiny izahay, vondron-dehilahy iray."

<sup>148</sup> Hoy Andriamanitra tamin'i Mosesy hoe, "Saraho aminy ny tenanao," ary Nosokafany ny tany ka nitelina azy ireo. Efa Nomeny an'i Mosesy Ny Teniny tany am-piandohana, ny Mpaminaniny; izany no fomba tokana efa hany Nanaovany azy, ary ny fomba tokana hany Hanaovany azy. Tsy manova ny Drafiny Izy, hitanareo.

<sup>149</sup> Noho izany ireo hevitsika no diso, ny Heviny no marina, isan'andro. Ary aza manandrana miteny Aminy fa Izy dia "diso." Tsy mampaninona na iza no heverintsika ho voakilasy ho tsara indrindra, tsy isika no tokony hilaza hoe iza no voakilasy ho tsara indrindra. Ankehitriny, eo no mahatonga anareo ao amin'ilay rafi-pandaminana.

<sup>150</sup> Hiditra ao amin'ny tanàna iray ny rahalahy kely anankiray feno ny Fanahy ka hanangana rafi-panda-...hanangana ny-vondron'olona tsara iray. Dia hihaona ao amin'ilay kanferansa izy ireo, ary ho avy ireo rahalahy masina rehetra, fantatrareo, ka hanao hoe, "Mba fantatrareo moa? Mino aho fa i Jones kely eto," (izy mihitsy no maranitra kely eo anivon'izy ireo) "heveriko fa izy no tokony banana an'io tabernakla goavana tsara io, heveriko. Tsy mihevitra ve ianareo fa marina izany?" Tsia, oadray. Dia lasa izy. Ary miparitaka ilay fiangonana avy eo. Hitanareo? Saraho ireo! Andriamanitra no manao ny fampisarahana, Izy no Tokana Izay manao an'izany. Fa izy rehetra, ny tsirairay avy, dia te-haka an'ity anankiray kely ity, mametraka azy eto, ary ity anankiray ity eto. Hevitr'olona izany.

<sup>151</sup> Manana an'ireo fanalahidy ny olona, fa Andriamanitra no tena mihazona an'ireo fanalahidy. Nomen'izy ireo an'ireo mpianatra, an'ilay fiangonana masina, ireo fanalahidy; dia diniho ny fotoana voalohany izay nampiasainy an'izany, rehefa lavo nohon'ny fandikan-dalàna i Jodasy. Niara-nivory izy ireo ary nanao filokana; nef a rahalahy masina. Iza no hilaza fa tsy rahalahy masina izy ireo? Iza no milaza fa tsy masina izy ireo? Saingy nanao filokana izy ireo, ary nilatsaka tamin'i Matia izany. Ary izy rehefa... Inona no mba hany nataony? Tsy nisy na inona na inona. Fa i Paoly no anankiray voafidy! Amena. Izany no fifidianan'Andriamanitra: Jiosy kely iray, mifaingoka orona, masiaka, mora tezitra. Fa tsy ilay Matia, ilay D.D., fantatrareo, izy—izy dia... Paoly izany. Nifidy an'i Paoly Andriamanitra; ny fiangonana mifidy, nifidy an'i Matia. Hitanareo? Tsy manana zô ianareo hiteny amin'Andriamanitra fa Izy dia "diso." Fantany izay hatao, Fantany hoe inona no nanaovana an'ilay lehilahy.

<sup>152</sup> Iza no mba... Mba nifidy an'i Paoly ve ilay fiangonana? Oh, tsia, tsia mihitsy. Hoy izy, "Io zalahy io no anankiray izay nanao antsika rehetra tao an-tranomaizina."

<sup>153</sup> Fa hoy Andriamanitra hoe, "Hasehoko azy hoe inona no hiaretany ho Ahy." Fantany hoe inona.

<sup>154</sup> Eny àry, tsy mampaninona na iza no heverintsika ho mety, Andriamanitra no mahafantatra hoe iza no voakilasy ho tsara indrindra satria Fantany ny fon'ny olona, Fantany.

<sup>155</sup> Na ny fifohazana, na ireo zavatra ireo, dia tsy mitranga amin'ny fotoana izay heverintsika fa tokony hitrangany. Mihevitra isika hoe, "Izao ankehitriny izao ilay fotoana, voninahitra ho an'Andriamanitra!" Voamariko ao amin'ireo favorantsika sy ny sisa an'ny Business Men, "Ho tonga avy hatrany, haleloia, ny fifohazana lehibe iray!"

<sup>156</sup> Aoka tsy ho voafitaka, "Efa tonga Izy, ary izy ireo efa nanao taminy an'izay nosoratana." Hitanareo? Nef a mihevitra izy ireo fa misy fifohazana iray. Nitrange ve izany? Tsia! Efa vita izany, ary maty, tapitra izany. Ah-hah. Mariho, izao no

fotoana fanadiovana ny fanilo, fivoahana ary fidirana. “Ireo izay miandry ny Tompo no hanavao ny heriny.”

<sup>157</sup> Mariho eto amin’ny lahatenintsika, mariho i Davida, mpanjakan’ny Isirael, izy no anankiray izay nahazo ny fanambarana hamerina ny fiaran’Andriamanitra amin’ny toerany; fa, tsy nanontany an’izany intsony izy ireo tamin’ny andron’i Saoly satria niverin-dàlana i Saoly. Noho izany dia tsy nanontany an’ilay fiara intsony mihitsy izy ireo, ilay fanekena, tamin’ny andron’i Saoly, satria niverin-dàlana izy ary nanalavitra an’Andriamanitra. Noho izany Davida, haingana mihitsy, niaraka tamin’ny tsindrimandry.... Ankehitriny mariho ity, tena lahateny iray mamitaka ilay izy raha tsy mahazo azy tsara ianareo. Ary tsapako fa tonga ny ora izay tokony hahalehilahy antsika fa tsy tokony ho zaza. Ah-hah. Tokony handray sakafio matanjaka isika fa tsy tokony ho ronono.

<sup>158</sup> Mariho i Davida, mpanjakan’ny Isirael, vao avy voahosotra ho mpanjaka mihitsy ilay mpanjaka; na voafidy ho mpanjaka, Saoly... Samoela no nanosotra azy araka ny sitrapon’Andriamanitra; ary tena mpanjaka voafidin’Andriamanitra tanteraka tokoa izy, tsy misy fisalasalana ny amin’izany. Fa indro izy, ary nandona azy ny tsindrimandry. Voambara tamin’i Davida izany. Izy no nahazo ny fanambarana, tsy nisy olon-kafa niteny na inona na inona nikasika an’izany. “Ndao isika handeha ka haka ny fiara, satria izany no sitrapon’Andriamanitra mba hananantsika ny fiara miaraka amintsika, mba hanontanantsika an’Andriamanitra amin’ny alalan’io fiara io.” Tena, tena zavatra mihaja. Tsy mihevitra tahaka an’izany ve ianareo? Eny àry.

<sup>159</sup> Tsarovy, saingy, izy amin’ny maha-mpanjaka, sy nahazo an’ilay fanambarana, dia niala tamin’ny toerany. Nisy mpaminany iray tao amin’ilay firenena tamin’ny anarana hoe Natana, izy no anankiray izay voatendry hahazo ny fanambarana. Raha misy zavatra tokony ho tenenina, hoy Izy hoe, “Tsy manao na inona na inona ny Tompo raha tsy Ambarany amin’ny mpaminany Mpanompony izany.” Saingy, hitanareo, Davida amin’ny maha-mpanjaka, niaraka tamin’ilay hosotra teo aminy.... Ankehitriny, izany ve no Soratra? Teo aminy ny hosotra, ary nanana fanambarana marina iray; saingy diso ilay izy: Satria i Natana no mpaminany ho an’io taona io; ary tsy tonga tamin’i Natana mihitsy ny fanambarana; fa rehefa tonga tamin’i Davida ilay fanambarana, dia tsy nanontany an’i Natana mikasika an’izany mihitsy akory aza izy. Nandeha nandroso fotsiny izao izy ary nanao izay tiany nataeo. Ah-hah.

<sup>160</sup> Saingy mariho hoe iza no nanontanian’i Davida eto ao amin’ny toko faha-13 hoe, “Fa nanontany ny mpifehy arivo sy zato izy,” niverina tany amin’ny fiangonany. Hitanareo? “Ankehitriny, tsy mihevitra ve ianareo fa isika dia tokony hanao...?” Tsy izany ilay izy. Ankehitriny, niezaka nanao asa

iray ho an'Andriamanitra izy, nefà tsy izy no voatendry hanao an'izany; hitanareo, satria nanana lâlana iray Andriamanitra.

<sup>161</sup> Tena mitovy mihitsy amin'ny hoe Andriamanitra dia afaka niteny tamin'ilay—ilay mpanjaka mikasika ny feriny ka ho salama, saingy tsy nanao Izy, nanana lâlana iray voatendry hanaovana azy Izy, izany dia ny Mpaminaniny. Noho izany niteny tamin'ilay mpaminany Izy, Isaia, niteny taminy mba hiverina ka hiteny amin'i Hezekia an'izay hitranga.

<sup>162</sup> Ankehitriny, niresaka nifanatrika tamin'Andriamanitra i Hezekia, ary—ary afaka niresaka tamin'i Hezekia Andriamanitra, mazava ho azy, saingy nanao fantsona hafa Izy! Azonareo ve izany? Manana ny Fombany Manokana voalamina hanaovana zavatra Andriamanitra: mandefa fifoazana, miresaka, miteny, na inona na inona ilay izy. Manana ny Fombany fanaovana an'izany Izy, ary tsy isika no olona hiteny Aminy hoe ahoana no hanaovana azy. Manao an'izany amin'ny fomba izay mahafaly Azy hanaovana an'izany Izy.

<sup>163</sup> Noho izany, hitanareo, Davida, satria voatsindrimandry... Ankehitriny, tsaroanareo ve aho nilaza an'ilay, hosotra, ilay hosotra sandoka? Tsarovy fa afaka ny ho tonga ny Fanahy Masina ka hanosotra olona iray, nefà mbola any ivelan'ny sitrapon'Andriamanitra foana izany. Eto, manaporofa an'ilay izy mihitsy Izany eto. Hitanareo? Tsy maintsy mandeha eo amin'ny lâlan'Andriamanitra amin'ny fanaovana an'ilay izy isika, fa tsy ny lâlantsika, ny lâlan'Andriamanitra amin'ny fanaovana an'ilay izy. Satria, Davida, amin'ny maha-mpanjaka iray, voahosotra, voahosotry ny Fanahin'Andriamanitra teo aminy (tandindona iray an'i Jesosy Kristy), saingy tsy izany no fantson'Andriamanitra.

<sup>164</sup> Ary ilay fiangonana rehetra, “nahafaly azy ireo izany,” hoy ny Baiboly. Mariho, ireo mpifehy arivo sy zato, ireo mpisorona sy teolojiana koa nihevitra fa izany dia “mahafinaritra.” Io ilay sekoly Biblikanareo sy ny zavatra hafa rehetra, nihevitra izy ireo fa izany dia “mahafinaritra.” Na ny vahoaka rehetra aza dia nanaiky, ary ireo mpisorona, sy—sy izy rehetra dia nanaiky fa marina ny hosotrilay mpanjaka. Mariho! Fa tsy nampanantena Andriamanitra ny hanambara Ny Teniny amin'ny Vanimpotoany ho azy ireo. Nanana ny Lâlany hanambarana Ny Teniny Andriamanitra, saingy tsy ho azy ireo. Tsarovy, nifanohitra tamin'Andriamanitra izany.

<sup>165</sup> Zavatra iray tahaka ny tamin'ny andron'i Mikaia ilay zanak'i Jimla. Tsaroanareo ve io tantara io? Nisaraka i Joda sy Israely, ary nanana fanjakana roa samihafa izy ireo, ka i Ahaba no mpanjaka teo amin'ny fanjakana anankiray. Ary Josafata no teo amin'ny mpanjaka—fanjakan'i Joda, mino aho fa izay ilay izy; ary i Ahaba no teo amin'ny Israely, Jerosalema.

<sup>166</sup> Mariho, ary tonga ny andiam-bahiny iray tamin'izany fotoana izany ka naka ny ampanhan'ny tany nomen'Andriamanitra izay nomen'Andriamanitra ho an'Israely, ary ireo Filistina tany, na Syriana, no nihazona an'io tany io ka namelona ny zanany manokana avy tamin'ilay tany izay an'ny Israely. Ary noho izany dia nila an'io tany io hamahanana ny zanany manokana sy ny fianakaviany manokana izy ireo. Andriamanitra no nanome azy ireo... Zò nomen'Andriamanitra azy ireo izany.

<sup>167</sup> Ary noho izany dia miantso an'i Josafata i Ahaba, ka nanao hoe, "Avia." Hoy izy hoe, "Jereo izay ataon'ny fahavalontsika eto. Mety amintsika ve ny, ilay vahoakan'Andriamanitra, miaraka amin'ny zò nomen'Andriamanitra fa isika no tokony banana an'io tany io, antsika izany, Andriamanitra tamin'ny alàlan'ny Mpaminaniny, Josoa, no nizara an'io tany io, tokony ho antsika izy; antsika izy, an'ny zanatsika, nefo indro fa nalain'ireo kominista izany, ary isika dia... Tena noana isika, nefo izy ireo no mahazo ny zò nomen'Andriamanintsika. Tsy mihevitra ve ianareo fa tokony handeha any isika ka haka ny tanintsika indray? Raha manambatra ny herinareo ianareo: raha ianareo Metodista, sy Presbyterana, ary ny rehetra, sy Presbyterana, sy Loterana, sy ny sisa, ny rehetra no mandray an'ilay favoriambe ekiomenika eto ankehitriny, dia ho tafapetraka miaraka isika, ary halaintsika ilay zavatra." (Milaza sy miteny amin'ny fanoharana iray aho ankehitriny) "Handeha haka azy isika."

<sup>168</sup> "Nahoana," hoy izy, "izany tokoa, iray isika rehetra." Ah-hah.

<sup>169</sup> Ankehitriny, hoy ny Baiboly hoe, "Ahoana no ahafahan'ny anankiroa miara-mandeha raha tsy efa nifanaiky izy ireo?" Hitanareo?

<sup>170</sup> Teo ilay lehilahy malaza, ilay lehilahy Pentekotista malaza, Josafata, no nifangaro tamin'ny vahoaka ratsy. Ary izany no nitranga tamin'ireo Pentekotistsika amin'izao andro izao. Misy tena lehilahy ao anatiny ao, saingy nifangaro tao amin'io vahoaka ara-anaram-piagonana io izy ireo. Mivoaha ao amin'io zavatra io! Voaozon'ny Tompo izany!

<sup>171</sup> Mariho ankehitriny! Teo izy, ary hoy izy hoe, "Eny, toa tena marina izany" Hoy izy, "Ny kalesinay dia anao; ny vahoakanay. Sady izao koa, Jiosy isika rehetra. Azo antoka, hiakatra miaraka aminareo izahay." Saingy nisy fivavahana ampy fotosy tao amin'i Josafata mba hilaza hoe, "Tsy mihevitra ve ianao fa isika—fa isika dia tokony hanontany ny Tompo aloha?" Hitanareo? "Heveriko fa ho hevitra tsara iray izany."

<sup>172</sup> Nahoana, Ahaba, "Mazava ho azy." Hoy izy, "Nahoana, oh, azo antoka, tokony ho nieritreritra an'izany aho."

<sup>173</sup> "Eny, misy lehilahin'Andriamanitra iray ve any ho any? Manana mpaminany iray ve ianao?"

<sup>174</sup> “Ah, manana efajato amin’izy ireny aho. Manana an’ilay favoriambe manontolo aho eto, ilay anaram-piagonana manontolo. Mpaminany Hebreo izy ireo.”

<sup>175</sup> Ankehitriny tsarovy, nilaza ny Baiboly fa izy ireo dia “*mpaminany, mpaminany Hebreo*,” tsy mpaminany mpanompo sampy, fa mpaminany Hebreo; sekoly iray an’izy ireo, seminera teolojika.

<sup>176</sup> “Eny, ento miakatra izy ireo!”

<sup>177</sup> Ary nampiakanjo ny tenany ireo mpanjaka ka nipetraka teo anatrehany mba hanaitra an’ilay mpaminany. Dia indro tonga, mino aho fa i Zedekia no niakatra, ilay loha lehiben’ny distrikan’ny fiombonamben’ny lehilahy, na izay hany nahai-izy azy, niakatra teo anivon’izy ireo. Nanao tandroka goavana anankiroa ho an’ny tenany izy, hoy izy hoe, “Nandre avy tamin’Andriamanitra aho. HOY NY TOMPO HOE, ‘Amin’ireto tandroka ireto no hanosehanao an’ireo Syriana avy hatrany hiala amin’ilay tany.”

<sup>178</sup> “O voninahitra!” nihevitra ny olona rehetra fa mahafinaritra izany, tsara.

<sup>179</sup> Diniho hoe akaiky toy ny ahoana no misy an’izany eo amin’ilay lelan’ny hareza ankehitriny, eo amin’ny marina sy ny diso. Ary tsarovy fa hilatsaka eo amin’ny anankiray na ireo ilany hafa izany, hany ka ho tonga tahaka ny hareza maranitra iray indraindray eo amin’ny fahasamihafan’ny marina sy ny diso. Tsy maintsy ny Tenin’Andriamanitra rehetra ilay izy; tsy saiky ny Teny rehetra fotsiny, fa ny Teny rehetra! Ary tonga amin’izao andro izao izany, tsy eo amin’ireo Loterana, tsy eo amin’ireo Metodista, tsy eo amin’ireo Pentekotista, fa eo amin’io taona maranitra io, ao amin’ity taona izay misy an’ilay hosotry ny antikristy tena tanteraka mihitsy ity, hamitaka an’ilay tena Voafidy izany, ho lavo eo amin’ilay ilany ratsy izy ireo raha tsy mitandrina an’izany, tahaka ny hazo marani-doha iray. Miambena! Mitandrema tsara! Tsy miaina ao anatin’ny taona Pentekotista iray isika ankehitriny. Efa nilaozantsika izany taona izany, tena tahaka ny nandaozantsika ny Loterana, sy nandaozantsika... Hitanareo?

<sup>180</sup> Mariho. Naminany daholo ireo mpaminany ankehitriny, ny efajato tamin’izy ireo, voafahana tsara, voavoatra tsara, ireo mpaminany Hebreo no nijoro vavolombelona tamin’izy ireo, iray saina hoe, “HOY NY TOMPO HOE, ‘Miakara, momba anao ny Tompo.’”

<sup>181</sup> Hoy Josafata hoe, “Eny, toa—toa mety tsara izany. Saingy,” hoy izy, “manana anankiray hafa ve ianao?”

<sup>182</sup> “Anankiray hafa? Manana an’ilay anaram-piagonana manontolo izahay eto, manana an’ilay favoriambe manontolo izahay miangona eto. Nahoana izahay no hila anankiray hafa?”

<sup>183</sup> Hoy izy hoe, “Ah, fa nihevitra aho hoe mety misy anankiray hafa angamba any.”

<sup>184</sup> Hoy izy hoe, “Oh, eny, misy anankiray hafa any, saingy tsy mikambana amin’ity favoriambe ity akory aza izy.” Ah-hah. “Voaroaka anankiray izy. Mikaia izany, ilay zanak’i Jimla, ka halako izy.” Hitanareo? Hoy izy, “Tsy handray azy ao amin’ilay fiombonana izy ireo, ary voaroaka iray tsotra fotsiny izy eto ampanombohana. Ary izy dia tsy ankitsahatra, ny zavatra rehetra izay aminiany, tsy hampahery ny seminaroko mihitsy izy na kely aza.” Ah-hah. “Ary izy no manao an’ireto zavatra ratsy rehetra ireto, maminany ratsy foana hanohitra ahy izy, mba ho hafa fotsiny.”

<sup>185</sup> “Oh,” hoy Josafata, “aoka tsy hilaza zavatra tahaka an’izany ny mpanjaka. Fa ho tiako ny handre an’izay ho lazain’izany lehilahy izany.”

<sup>186</sup> Hoy izy, “Eny, hitady azy izahay.” Noho izany naniraka tany ho any tany an-efitra izy ireo, ary naniraka lehilahy iray.

<sup>187</sup> Hoy izy, niteny taminy, hoy izy, “Ankehitriny, eo amin’ny lalanao miverina ankehitriny, te-hiteny zavatra iray aminao aho. Tianaovana ve ny ho tafaverina indray ao amin’ilay anaram-piagonana?” Hitanareo? “Tianaovana ve ny hanana fiombonana indray miaraka amin’izy rehetra ireo? Raha tianaovana, dia milaza an’ilay zavatra iray ihany izay lazain’ny presbyteran’ny distrika, milaza an’ilay zavatra iray ihany izay lazain’ny eveka, dia hitondra anao hiverina avy hatrany izy ireo. Izao no fotoana hanaovana an’izany.”

<sup>188</sup> Fa azonareo eritreretina ve hoe ny mpaminanin’Andriamanitra voahosotra iray, marina dia hanao marimaritra iraisana amin’ny Tenin’Andriamanitra anankiray? Tsia tokoa!

<sup>189</sup> Hoy izy hoe, “Raha velona koa ny Tompo, dia izay lazain’Andriamanitra ihany no ho lazaiko!” Mila zanak’i Jimla iray isika. “Raha velona koa ny Tompo, dia izay Lazainy ihany no ho lazaiko.” Marina izany, “Izay lazaiNy.”

<sup>190</sup> Noho izany rehefa tonga teo anatrehan’ny vahoaka izy ireo, ireo mpaminany rehetra, dia hoy izy ireo hoe, “Ankehitriny, lazao fa izy ireo . . .”

<sup>191</sup> Hoy izy hoe, “Andraso, omeo ahy ny anio alina, avelao aho hahita izay ho lazain’ny Tompo.” Noho izany, tamin’io alina io, dia niseho taminy ny Tompo tao amin’ny fahitana iray ka niteny taminy an’izay ho lazaina.

<sup>192</sup> Hoy izy ny ampitso maraina hoe, “Inona no lazainao, ry Jimla?” rehefa nitsangana izy rehetra . . . Ny tiako ho lazaina dia “Mikaia, zanak’i Jimla,” hoy izy, “inona no lazainao ankehitriny? Miaraka eto izahay rehetra, ny mpisorona rehetra, sy ireo mpaminany rehetra, sy ireo mpanjaka rehetra, ary mipetraka eto

ny zavatra rehetra. Inona no lazainao ankehitriny eto amin'ity favoriambe malaza ity?"

<sup>193</sup> Hoy izy, "Miakara," hoy izy, "saingy nahita an'Isiraely niahaka toy ny ondry tsy misy mpiandry aho."

<sup>194</sup> Dia hoy Ahaba hoe, "Inona no noteneniko taminao! Afaka maminany ratsy manohitra ahy fotsiny io jiolahimboto io!"

<sup>195</sup> Ahoana no hahafahany milaza zavatra hafa nefá ilay zavatra iray ihany no nolazain'Andriamanitra? Natao ho vavan'Andriamanitra miteny ny mpaminany iray, fa tsy ny fisainany manokana. Ny...Hitanareo, izy dia tan-...tena nanolo-tena ho an'Andriamanitra tanteraka, tsy te-handratra na inona na inona izy, saingy tsy maintsy milaza an'izay lazain'Andriamanitra, satria tsy manana fifehezana an'Izany avy amin'ny tenany izy. Hitanareo?

<sup>196</sup> Hoy izy hoe, "Ankehitriny, tsy efa niteny taminao ve aho?"

<sup>197</sup> Ary tamin'izay fotoana izay dia niakatra ilay—ilay lehilahy goavana niaraka tamin'ny tandroka, ka namelaka azy teo amin'ny vava, hoy izy hoe, "Làlana aiza no nalehan'ny Fanahin'Andriamanitra rehefa nivoaka tamiko Izy?" Amin'ny teny hafa, mamelà ahy hanandrana hanazava tsara an'izany, "Jereo eto ao amin'ny...Jereo eto, te-hiteny zavatra iray aminao aho, ry Mikaia. Fantatralo ve fa olo-mahay iray ao amin'ny Soratra aho? Fantatralo ve fa manana an'ilay hosotra aho?" Na, "ilay Batisa," no hilazantsika azy amin'izao andro izao. "Fantatralo ve fa manana an'izany aho?"

<sup>198</sup> Hoy i Jimla hoe, "Tsy misalasala ny amin'izany aho."

<sup>199</sup> Hoy izy hoe, "Fa henoy! Ny Fanahin'Andriamanitra no niteny tamiko, ary nijoro vavolombelona niaraka tamin'ireo efajatoko rehetra eto, fa izahay dia 'hanosika ny Syriana hiala amin'ilay tany.' Fa iza ianao no tonga eto 'ka hilaza fa ho faty ny mpanjakanay malaza?" Hoy izy hoe, "Ny Fanahin'Andriamanitra no niteny tamiko an'izany."

<sup>200</sup> Mamelà ahy hanazava tsara an'izany mba hahazoanareo azy. Ary mety mahita an'i Mikaia angamba isika manao hoe, "Omaly hariva tao amin'ny fahitana, tompoko, dia nahita an'Andriamanitra nipetraka teo ambonin'ny Seza fiandrianana iray aho. Ary hitako ny tafiky ny Lanitra rehetra niangona nanodidina Azy, ah-hah, ary nanana favoriambe iray izy ireo tany An-danitra. Hoy izy ireo hoe, 'Iza no azontsika alefa hidina ka hamitaka an'i Ahaba? Satria eto ambanin'ny Seza fiandrianana eto dia misy mpaminany iray, mpaminany marina iray, Elia no anarany. Ary naminany araka Ny Teniko izy ka nilaza fa "Io Ahaba ratsy fanahy io, satria namono an'i Nabota izy, dia ny alika no hilelaka ny ran'io lehilahy ratsy fanahy io," ary tsy maintsy hanao an'Izany hiseho isika satria efa voateny Izany, Izany no HOY NY TOMPO HOE! Izany dia tsy

maintsy miseho, tsy maintsy ho eo. Ka ahoana no hanaovantsika an'izany?"

<sup>201</sup> "Tamin'izay fotoana izay avy tao amin'ireo faritra maizina an'ny very, tao ambany tao no niakatra ny fanahy iray, hoy izy hoe, 'Mpamitaka iray aho. Raha afaka manao asa iray ho Anao aho, dia hidina ka hiditra ao amin'ny mpaminaniny.'" Satria tena voarafitra loatra izy ireo, ka zavatra tokana ihany no ho azony, ary fientanam-po kely iray izany. "Ary izaho no hanao azy ireo haminany lainga iray. Fa hanao an'i Ahaba hihaino an'ireo manan-kaja ireo aho raha tokony ho ilay tena Mpaminaninao; satria handinika ny zavatra rehetra izay lazainy miaraka amin'Ny Teninao izy, handinika an'ireo fahitany amin'ny Teny, handinika ny zavatra rehetra izay ataony amin'ny Teny izy, ary raha tsy miaraka amin'ny Teny izany dia tsy hihaino an'izany izy. Fa raha izany... Afaka mamitaka an'ireo hafa ireo aho, ary izaho no... izy ireo... Manana fahatokiana be loatra ao amin'io firaisansa miaraka lehibe an'ny fiarovany io i Ahaba, noho izany dia tonga miaraka izy ireo ka ho tonga miaraka. Fa hanao an'i Ahaba hihaino azy ireo aho, handeha any. Ary tahaka an'izany no hanaovanay an'ilay izy."

<sup>202</sup> "Hoy Andriamanitra hoe, 'Vitanao izany, tena mpamitaka iray ianao; mandehana ianao midina.'"

<sup>203</sup> Ary namelaka azy teo amin'ny vava i Zedekia avy eo, nanao hoe, "Taiza ianao...?"

<sup>204</sup> Hoy izy hoe, "Ho hitanao rehefa hipetraka ao amin'ilay efitra kely anatiny ianao." Ah-hah.

<sup>205</sup> Hoy izy hoe, "Miakara!" hoy i Zedekia tamin'ilay mpanjaka. Hoy izy, "Miakara ka miverena am-piadanana!"

<sup>206</sup> Hoy i Ahaba hoe, "Ento io lehilahy io dia ataovy ao an-tranomaizina izy. Ataovy ao amin'ny rojo vy izy, fahano mofom-pahoriana sy ranom-pahoriana. Ary rehefa miverina eto aho miaraka amin'ny fandreseko, araky ny notenenin'ireo mpaminaniko tamiko hoe 'azo antoka fa hitranga io fifohazana io," hoy izy, "dia izaho no hikarakara an'io lehilahy io!"

<sup>207</sup> Henoy ireo tenin'i Mikaia farany tamin'io lehilahy io: "Raha miverina tokoa ianao, amin'izay fotoana izay dia tsy niteny tamiko mihitsy Andriamanitra." Amena.

<sup>208</sup> Hitareo, manana ny Fombany fanaovana zavatra Andriamanitra. Nihevitra ireto lehilahy ireto fa nanao asa iray ho an'Andriamanitra izy ireo. Mitandrema tsara! Tsy fientanam-po, tsy hfanam-po, tsy eritreritra, fa ilay izy dia tsy maintsy "HOY NY TOMPO HOE," tsy maintsy marina. Eny àry, tsy mampaninona... Mahita an'ireo zavatra tahaka an'izany isika.

<sup>209</sup> Mariho ankehitriny rehefa nanao an'io fanambarana lehibe io Davida, ary toy ny hoe tsara ilay izy, zavatra tsara iray hatao. Hitantsika avy eo fa... (Mandreraka anareo ve aho? Tara loatra

ve raha haka anankiray hafa aho?) Nanao an'io fanambarana lehibe io izy ireo, tsy nanontany an'ilay mpaminany izy.

<sup>210</sup> Ankehitriny, mahafantatra ny tsirairay fa Amosa 3:7 dia nilaza hoe nampanantena Andriamanitra fa tsy hanao na inona na inona mihitsy Izy raha tsy Nambarany tamin'ny Mpaminaniny aloha izany. Nanana an'ireo mpanavao isika nandritr'ireo taona; saingy nampanantenain'ny Malakia 4 fa hisy mpaminany iray eo amin'ilay tany amin'ny andro farany (satria tsy maintsy mitovy tsara amin'ilay modely izany, hitanareo) mialohan'ny hihavian'ny andro farany.

<sup>211</sup> Talohan'ny nahatongavan'i Jesosy voalohany, dia tonga i Elia, Elian'ny Malakia 3. Matio 11 no miteny an'izany hoe, "Raha afaka mahazo an'izany ianareo, dia io ilay voalaza hoe, 'Indro Aho maniraka Ny—Ny irako eo Alohaloko.'" Ankehitriny, naminany Izy, mino an'izany ireo teolojiana rehetra; hoe, amin'ny andro farany, ilay Fanahin'i Elia dia tsy maintsy tonga, ihany koa. Tsy maintsy tonga indimy Izany, Andriamanitra no mampiasa an'io Fanahy io: Elisa, Elia, Jaona Mpanao-batista, sy ho an'ilay fiangonana Jentilisa, ary ho an'ireo Jiosy avy eo ao amin'ny Apokalypsy toko faha-11. Izany hoe, f-a-h-a-s-o-a-v-a-n'Andriamanitra, [Amin'ny teny Anglisy dia g-r-a-c-e—Mpand.] f-i-n-o-a-n-a, [f-a-i-t-h] J-e-s-o-s-y, [J-e-s-u-s] Jesosy, ilay-ilay litera dimy. Tsy afaka mijanona ho efatra, tsy maintsy tonga hatrany amin'ny dimy. Hitanareo? Mariho!

<sup>212</sup> Ankehitriny, Izy no nampanantena an'izany, mba hanao ny Baiboly ho tena marina tokoa hatramin'izao andro izao, ary Sodoma sy Gomora. Ary Elia dia tsy... Tsy Elia Izany; ny Fanahin'Andriamanitra teo amin'i Elia Izany; Elia dia olona iray fotsiny. Ankehitriny, efa nanana an'ireo Elia isika, sy ireo palitaon'i Elia, sy ireo kapötin'i Elia, ary ireo zavatra rehetra an'i Elia. Fa Jesosy Kristy Tompo no Elia an'izao andro izao. Izy dia tsy maintsy tonga araka ny Matio ny fito ambin'ny folo-... Lioka 17:30, ilay izy, tsy maintsy hanambara ny Tenany eo anivon'ny Olony ny Zanak'olona. Tsy olona iray, Andriamanitra! Fa ho tonga amin'ny alàlan'ny mpaminany iray izany. Ankehitriny, tsy nanana mpaminany lehibe anankiroa mihitsy Izy tamin'ny fotoana iray ihany, tsia mihitsy, teto amin'izao tontolo izao. Hitanareo? Tsy mampaninona na firy no nisy... anankiroa-loha anankiroa tsy afaka... Tsy maintsy loha anankiray ilay izy. Tsy maintsy manana lehilahy anankiray Andriamanitra eo ambanin'ny Fifehezany. Hitanareo? Andriamanitra anankiray no misy; nisy ny Ray, Zanaka, ary Fanahy Masina, saingy Andriamanitra anankiray no teo ambonin'izany rehetra izany, mariho, ary nampiasa fotsiny an'ireo asa ireo. Toy izany no Nataony tamin'i Elia, ilay Fanahin'i Elia; nampiasa an'io Fanahy io Izy, saingy Andriamanitra iray ihany no nifehy an'Izany hatrany mba hanatanteraka Ny Teniny.

<sup>213</sup> Ankehitriny, mariho ao amin'ity ankehitriny, nihevitra i Davida fa nanana ny zavatra rehetra tao amin'ny lamina izy. Ary voatsindrimandry izy. Hitanareo ve hoe ahoana no ahafahan'ilay Fanahy Masina manosotra olona iray? Saingy tsy maintsy ao amin'ny lamin'ilay hosotra izany. Afaka ny ho voahosotry ny Fanahy Masina ilay fanahy ivelany, fa mainty tahaka ny godorao ilay aina. Ny tsipolitra dia mitsiry eo amin'ilay rano iray ihany izay manorina...manisy aina ao anatin'ilay vary, manisy aina ao anatin'ilay tsipolitra; fa ao amin'ny fanambanan'ilay tsipolitra, dia ain-tsimplitra iray. Mifaly izy, sy mamony, sy manana aina, ary manao ny zavatra rehetra izay atao'n'ilay vary, saingy ilay *aina* an'izany dia *tsipolitra*. Hitanareo? Afaka mitsangana ireo mpampianatratra sandoka, mampianatratra ny karazana triniterisma rehetra sy ny zavatra hafa rehetra, ary ho voahosotry ny Fanahy Masina, ka manao fahagagana betsaka mihitsy tahaka ny ahafahan'ny Filazantsara marina. Saingy araka ny Teny eto, izany no manao an'ilay izy. Hitanareo ve izay tiako lazaina? Ankehitriny, tena mety mihitsy ny ampianarako an'izao, heveriko, izaho dia—izaho dia ao amin'ny tabernakla tsy anaram-piangonana iray izao maraina izao, ato—ato amin'ity hotely eto ity.

<sup>214</sup> Mariho, diniho izay lazaintsika. Ankehitriny, eny, henoy. Nanana ny fientanam-po rehetra izay nananan'ilay tena fifohazana i Davida. Mariho! Nihiakiaka izy ireo, niantsoantso izy ireo, nandihy izy ireo, tena nahazo zavatra iray tokoa avy tamin'io hosotra io. Azo antoka fa nanana! Tahaka ny tena fifohazana iray ny rehetra, saingy, voamarikareo, fa tsy tao amin'izany Andriamanitra. Tsy tao amin'izany Andriamanitra. Nanana mpaminany iray Izy nipetraka mihitsy teo amin'ilay firenena. Tokony ho nahafantatra izy ireo. Hitanareo? Tokony ho fantatr'i Davida izany.

<sup>215</sup> Zavatra iray amin'izao andro izao, manana an'ireo mekanika rehetra isika, tahaka an'ireo anaram-piangonana malaza, ireo tafika masina amin'ny androntsika, saingy ny vokany dia niafara tamin'ilay zavatra iray ihany izay nisy tamin'izany fotoana izany; ny vokatsika avy tamin'ireo tafika masintsika lehibe, sy ny fiheverantsika goavana tsara rehetra, ireo tranobentsika goavana, ary ireo goavantsika...tranobe an'arivony, dia manampy mambra sy ny sisa, miafara amin'ilay zavatra iray ihany izany, fidarabohana iray ny rehetra. Tsy milaza an'izany aho mba ho hafa, milaza an'izany aho mba ho mahitsy fo eo anatrehan'Andriamanitra, Izay ny Bokiny no tohanako izao maraina izao. Hitanareo? Miafara amin'ny fidobohana iray ny rehetra, vokatra iray ihany.

<sup>216</sup> Ndaو isika ankehitriny hijery an'izay nitranga rehefa Andriamanitra (ao amin'ny Fotoany sy taonany) sy ireo Mpaminaniny no tsy raharahiana, miankina fotsiny amin'ny teolojia, mpisorona, fanaovana anaram-piangonana

tahaka ny ataontsika amin'izao andro izao. Ankehitriny, henoy tsara. Misavoritaka tanteraka izany. Raha eo ilay Fanahin'Andriamanitra marina, dia Izany no hitarika azy ao amin'ny Teny; tsy toerana anankiray fotsiny ao amin'ny Teny, fa ny Teny manontolo ho an'ilay taona manontolo. Hitanareo?

<sup>217</sup> Tamin'ny Andron'ny Pentekosta, dia ilay Fanahy no nitarika azy avy hatrany tao amin'Ity, tao amin'ny Joela 2:38. Hitanareo? Tamin'ny andron'i Luther, Izany dia nitarika azy avy hatrany tao amin'Ity; Wesley; tao amin'io hetsika pentekotista farany io; fa taona hafa iray izao, izao no fiantsoana hivoaka an'ny Ampakarina. Tsy roa arivo taona lasa tamin'ny Pentekosta, na ilay famerenana, na ilay fiverenana. Pentekosta...

<sup>218</sup> Tao amin'i Luther ny Fanahy Masina, tao amin'i Wesley ny Fanahy Masina; Tenin'Andriamanitra izay voahosotra izany. Ary niverina tamin'ireo olon'ilay taona ny Fanahy Masina ka nanomboka nanana ny famerenana an'ireo fanomezam-pahasoavana izy ireo. Hitan'izy ireo, tamin'ny fanolorany ny tenany ho an'Andriamanitra, fa niteny tamin'ny fiteny tsy fantatra tamin'ny alàlan'izy ireo ny Fanahy Masina. Nametraka ny tànany teo amin'ny marary izy ireo, ary sitrana izy ireny. Nandihy tao amin'ny Fanahy izy ireo. Hitanareo? Izany ilay taonan'ny fanavaozana namerina ny fiangonana tao amin'ny lamina. Ary ny lamina farany an'ilay fiangonana dia ny fametrahana an'ireo fanomezam-pahasoavana tao amin'ny fiangonana; tahaka ny nametrahani Luther ny fanamarinana, nametrahani Wesley ny fanamasinana, nametrahani'ny Pentekosta an'ireo fanomezam-pahasoavana. Saingy inona no nataon'izy ireo? Ilay fahadisoana iray ihany, araka ny nangalan'ny natiora modely an'ilay tahom-bary, nanao anaram-piangonana izy ireo, izay nanohitra an'Andriamanitra, mifanohitra amin'Andriamanitra.

<sup>219</sup> Ankehitriny, hitantsika fa rehefa... Avy eo rehefa tonga miaraka ireo fiangonan-taho ireo, dia manamboatra ny heviny manokana izy ireo. Ary tsy mampaninona... Rehefa ilay "hevitra vaovao," araka ny iantsoan'izy ireo azy, no tonga tao amin'ny Assemblées de Dieu, dia inona no nataon'izy ireo? Tsy afaka mandray an'Izany izy ireo. Tsy mampaninona na Fahamarinana firy ilay izy, ny batisa amin'ny Anaran'i Jesosy Kristy, efa Filan-kevitra Ambony izy ireo. Olona no efa nifehy azy, efa nialan'ny Fanahy izy ireo. Marina! Ary amin'izay fotoana izay dia tonga ity... Niresaka tamin'ny sasany tamin'ireo mpitarika tsara anareo indrindra aho; hoy izy ireo hoe, "Eny, inona no hataonay ankehitriny?" Nahasaikatra ny tenany izy ireo. Nefa, fantatr'izy ireo fa izany no Fahamarinana; raha tsy mahafantatra izy ireo, dia jamba ara-panahy sy tsy mahay Baiboly. Tsy miteny an'izany am-paharatsiam-panahy, ankehitriny, fa miteny an'izany am-panajana. Satria, tsy misy toerana iray ao amin'ny Baiboly izay hany mba nanaovana

batisa olona iray ka nampiasa an'ireo titra ireo hoe, "Ray, Zanaka, ary Fanahy Masina." Ary tsy nampiasaina mihitsy raha tsy taty aorian'ilay fivoriambe ekiomenika, ny fiangonana Katolika Romana. Mijoro vavolombelon'ilay zavatra iray ihany ny katesiziny manokana. Dogma Katolika izany! Tsy fotopampianaran'ny Baiboly, fa dogma Katolika. Ary nitondra ny katesizinareo sy ny sisa ianareo Metodista tahaka ny nataon'izy ireo mihitsy, nipoitra miandalana mihitsy avy tao amin'izany. Fa ankehitriny rehefa tonga eo amin'ny Pentekosta ianareo, ka manitatra ny sasany amin'ireo dogma ireo, dia mbola mifikitra amin'izy ireny foana.

<sup>220</sup> Fa ankehitriny dia ny fiantsoana Ampakarina, ankehitriny no nosokafana ireo Tombokase Fito, tsy maintsy nosokafana ireo zavatra manontolo izay navelan'ireo mpanavao ankehitriny; ary Malakia 4 irery ihany no afaka manao an'izany, satria mila ny fanambarana mivantana avy amin'Andriamanitra ho an'ny isam-batan'olona iray ny fanaovana azy. Marina izany! Tsy afaka ny ho tonga ho an'ny vondrona iray izany, tsy nety mihitsy. Olona anankiray! Izany no nampanantenain'Andriamanitra tao amin'ireo tandindon'ilay fihaviana ho an'Ny Ampakariny, Eliezera iray. Hitanareo?

<sup>221</sup> Mariho ireo mpisorona, mpitoriteny, sy ny sisa, rehefa mahazo ny tsindrimandrin'y manokana, ary voahosotra marina tokoa. Voahosotra i Davida. Ny Baiboly no niteny an'izany. Saingy, hitanareo, nivoaka avy tao amin'ny loharano ratsy izy, dia nandeha tao amin'ny fantsona ratsy. Nampiditra ny hosony teo amin'ilay lafiny ratsy izy, teo amin'ny olona sy izay noeritreretin'izy ireo, teo amin'ireo mpifehy, izay noeritreretin'izy ireo, raha tokony ho teo amin'ny fantsona masin'Andriamanitra mba hahita hoe inona ny HOY NY TOMPO HOE, "Izao ve no fotoana ho an'io? Izao ve no vanim-potoana ho an'io? Izao ve no sitrapon'Andriamanitra?"

<sup>222</sup> Noho izany raha mpaminanin'Andriamanitra marina izy, dia handeha eo anatrehan'Andriamanitra aloha, hanao hoe, "Ray, inona ilay izy?" tahaka ny nataon'i Natana tamin'i Davida taty aoriane.

Hoy i Davida hoe, "Mety amiko ve ny mipetraka ao an-trano sedera, nefy ny fiaran'Andriamanitra dia eo ambanin'ireo trano lay ireo eto?"

<sup>223</sup> Ary jereo i Natanaela, hoy izy, "Davida, ataovy izay rehetra ao am-ponao, fa momba anao Andriamanitra. Vazin'Andriamanitra iray voahosotra ianao."

<sup>224</sup> Fa satria mpaminany iray io, ary ny fahadisoany, dia voafatotra eo amin'ny Mpaminaniny ny andraikir'Andriamanitra. Niseho taminy Izy tamin'io hariva io, nanao hoe, "Mandehana teneno Davida Mpanompoko, mankasitraka ny herim-pony Aho, Tiako izy noho izany, satria

lehilahy iray araka ny Foko Manokana, ary Fantattro fa izao no fotoana haha-tahaka an'izany ny Fiarako, napetraka eo ambanin'ny zavatra iray, saingy Izaho fotsiny... Tsy izao no vanim-potoana hitrangan'izany. Hamela ny zanany hanao an'izany Aho, fa tsy hamela azy hanao an'izany Aho."

<sup>225</sup> Indro tonga i Natana tamin'izay fotoana izay niaraka tamin'ny, "HOY NY TOMPO HOE, ry Davida, ilay fanambarana lehibe izay azonao dia diso tahaka ny tamin'ny nampakaranao an'ilay fiara." (Ah-hah! Ah-hah! Hitanareo?) "Aza manao an'izany ianao. Aza manandrana an'izany! Fa nilaza Andriamanitra hoe Izy no hanao 'ny zanakao hanao an'ilay izy." Izay! Hitanareo? Eo ianareo izao!

<sup>226</sup> Voahosotra hiteny an'izany i Davida satria afaka nahita an'izany mialoha izy, tahaka ny nitadiavan'i Abrahama Tanàna iray teto an-tany mihitsy. Fantatrareo, mitady an'Izany izy satria hipetraka eo izy indray andro any, any i Abrahama, ao amin'io Tanàna io. Ary nandeha izy mitady an'Izany. Fa teo amin'ny tany iray ihany mihitsy izay nitadiavany, no teo amboninhy teo mihitsy izany tamin'izay fotoana izay, ary hiverina ao amin'ilay Arivo taona izy ka hipetraka ao amin'io Tanàna io. Fa satria mpaminany iray, dia voatendry sy voatsindrimandry izy, fantany hoe nisy Tanàna iray tany ho any, ary mitady an'Izany izy. Saingy, hitanareo, nafenina taminy ny fanambarana manontolon'izany. Tsy ho an'ny taonany ilay izy. [Elanelana tsy voaraki-peo—Mpand.]... hatrany amin'i Jaona, rehefa hitany nidina avy tamin'Andriamanitra tany An-danitra Izany. Izany ilay Tanàna.

<sup>227</sup> Hitanareo, tsy maintsy amin'ny vanim-potoany ny zavatra rehetra. Mamboly ny varinareo ianareo amin'ny lohataona ary... na amin'ny fararano ary mijinja azy amin'ny fahavaratra manaraka. Hitanareo? Tsy maintsy miakatra amin'ny alàlan'ny taho ilay izy, avy eo miakatra amin'ny alàlan'ny felana, sy akofa, ary ao amin'ny... Tsy maintsy amin'ny vanim-potoana izany. Mandeha amin'ny fitohizana ny natiora rehetra. Ny Fanahin'Andriamanitra no nanao ny natiora, ary ao amin'ny fitohizana Andriamanitra sy ny natiora rehetra. Ny zavatra rehetra izay napetraka tao amin'ny tempoly dia modely iray an'izay hitany tany An-danitra.

<sup>228</sup> Raha mahita hazo iray miady mafy miezaka ny ho velona ianareo, midika izany fa misy hazo iray izay tsy maty. Raha mahita olona iray miady mafy ho an'ny fiainana ianareo, maneho izany fa misy tabernakla miandry any ho any izay tsy maty. "Raha ravàna ity tabernaklan'ny tany ity dia manana anankiray isika izay efa miandry." Ny Ray An-danitra tsara no namela ahy handeha tao ambadik'ilay lamban'efitra indray andro ka nahita an'izany. Firy no efa nandre ny...?... Hitanareo? Nijery nihoatra an'ilay lamban'efitry ny fotoana. Nisy izany tahaka ahy mitory aminareo rehetra mihitsy, nitsangana tany izy ireo.

Ireo fanahy teo ambanin'ny alitara, niantsoantso hoe, "Mandra-pahoviana?" Tsy angano iray fotsiny, fa olona izay nanana fahalalana: "Mandra-pahoviana, Tompo?" Hitanareo? Raha mbola mahatsapa an'izany isika ankehitriny, ho taonantsika, tahaka an-dRahalahy Bill Dauch telo amby sivifolo taona mipetraka eto. Misy zavatra iray izay maniry mafy an'io lehilahy tanora io indray. Misy zavatra iray... Hanome ny zavatra rehetra ianareo. Toy ny ahoana no hitiavako an'izany. Rahalahy Jack, sy ny sisa rehetra aminay. Miverina, Rahalahy Gerholtzer, eto, ao amin'io maha-lehilahy tanora io. Ho an'ny inona no itiavantsika hanao an'izany? Mba ho tanora sy hihazakazaka manerana indray ve? Tsia, tompoko! Satria mahatsapa isika fa banana fotoana betsaka indray hanomezam-boninahitra an'io Andriamanitra izay tiantsika io.

<sup>229</sup> Ary ry rahalahy malalako, manana an'ity Hafatra ity aho izao maraina izao, misy Tany iray any ankoatr'ilay renirano izay antsoin'izy ireo hoe mamy mandrakizay. Any isika no hanome voninahitra Azy mandritry ny taona, sy ny taona rehetra, ary Mandrakizay. Nahoana isika no mahatsapa an'izany? Satria ny lalina miantsa ny lalina. Ary raha mbola miantsa foana ny lalina, dia tsy maintsy misy lalina iray hamaly an'io antso io fa raha tsy izany dia tsy hisy antso. Alohan'ny ahafahan'ny famoronana iray hisy, dia tsy maintsy misy Mpamorona iray aloha mba hamorona ny famoronana, raha tsy izany tsy misy... Izany no maneho an'ilay tena porofo fa misy izany.

<sup>230</sup> Mariho ireto mpisorona ireto, tany ivelan'ny tsipika izy rehetra. Mariho ilay hosotra, tena tsara, tsy misy na inona na inona ratsy amin'ilay hosotra. Mitovy amin'izany ianareo Pentekotista, saingy diniho ny fantsona izay idiranareo ankehitriny. Efa niova ny andro hatramin'ny Pentekosta, misy zavatra hafa iray izay mandeha. Raha tsy nisy mpaminany teo amin'ilay firenena, dia mety ho marina angamba ny an'i Davida. Marina izany. Saingy nitsangana teo i Natana, voamarina, voatendry, voambaran'Andriamanitra ho mpaminany iray.

<sup>231</sup> Diniho! Tandindon'ny Teny foana ho antsika ny fiara ao amin'ny Baiboly, satria izany no Tenin'Andriamanitra tao anatin'ilay fiara. Ary dia... Mariho ilay fiara izay nentin'izy ireo niakatra, jereo hoe ahoana no nanaovan'izy ireo azy. Tsy napetraka tao amin'ny toerany voatendrin'Andriamanitra tany am-boalohany izany. Ankehitriny, nilaza Andriamanitra tany aorianana tany tao amin'ny Lalàna fa izany dia tsy maintsy... ahoana no tsy maintsy anaovana azy, ahoana no tsy maintsy hitondrana an'io fiara io, ary iza no tsy maintsy mitondra azy. Saingy i Davida, teo ambanin'ny hosony...

<sup>232</sup> Ry rahalahiko, aza diso an'izao. Ary ry anabaviko, ianareo izay maniry ny ho vehivavy mpitory teny sy ny sisa, aza diso an'izao. Tsy mampaninona na firy na firy ny hosotraeo, tsy maintsy mipetraka ao amin'ny toerana voaoman'Andriamanitra

ianareo. Tena tsara ny hosotr'i Davida, saingy lasa nafana fo izy teo am-panaovana an'izany ka nandeha nihoatra an'ilay tsipiky ny fetra. Inona no nataony? Nandeha nihoatra an'ilay tsipiky ny fetra izy. Raha tokony nametraka an'ilay fiara teo amin'ny toerany tany am-boalohany, dia nentiny teo ambonin'ny sarety vaovao iray izany fa tsy teo ambonin'ny fon'ireo Levita. Natao ho entina eo amin'ny sorok'ireo Levita izany, izany hoe eo ambonin'ny fo. Tsy ao amin'ny saina ny Teny, ao amin'ny fo Izany! "Tsy eo ambonin'ny sarety vaovao iray." Inona izany? Karazana . . . Naneho zavatra iray vaovao, no nataon'i Davida teo, niresaka ny amin'ny anaram-piangonana rehetra izay hany hisy. Ny Tenin'Andriamanitra dia tsy tokony amin'ny alàlan'ny . . . entin'ny filohan'ny presbytera na eveka, sy ny sisa, an'ireo anaram-piangonana. Izany dia ny Batisan'ny Fanahy Masina ao am-pon'ny olona, fa tsy ao amin'ny hetsika arapivavahana iray. Harena iray an'ny fitiavan'Andriamanitra ao am-pon'ny lehilahy sy vehivavy mba ankatoavina ny Fanahy Masina. Hitanareo?

<sup>233</sup> Teo ambonin'ny sorok'ireo Mpitoriteniny izany, ireo Mpitoriteniny dia ireo Levita. Napetrany teo ambonin'ny sorok'izy ireo havia izany ary tahaka an'izany no nitondrany an'ilay fiara, satria teo ambonin'ny fon'izy ireo izany. Nanana ny enta-mavesatry ny Teny teo amin'ny fony izy ireo. Amena! Manana ny enta-mavesatry ny anaram-piangonanareo eo amin'ny fonareo ianareo ankehitriny, ny enta-mavesatry ny fiangonanareo: na ianareo hanorina an'ity, na hanao an'itsy, na hanao zavatra hafa. Ny enta-mavesatry ny hoe firy no mbola ho azonareo ho ao amin'ny anaram-piangonanareo; raha tokony ho ny enta-mavesatry ny Tenin'ny Tompo, mba hahitan'io vahoaka io ny Tenin'Andriamanitra irey ihany fa tsy na inona na inona hafa. Saingy entinareo eo ambonin'ny sarety vaovao iray Izany ankehitriny. Hitanareo? Entin'izy ireo ao amin'ilay favoriambe ekiomenika eto mihitsy aza Izany, ataony an-tsoroka. Tsy te-ho mpitsikera aho, ary hanampy ahy anie Andriamanitra ankehitriny. Miteny aminareo ny Fahamarinana fotsiny aho.

<sup>234</sup> Ankehitriny, voataonan'ireo fanekem-pinoana sy favoriambe ekiomenika, ny Teny, nodiana tsy fantatra ilay tena Tenin'ny vanim-potoana an'io taona io, satria nanana fientanam-po betsaka izy ireo. Fa i Davida, ilay mpanjaka voahosotra . . . Efa mpanjaka izy, saingy voahosotra ho *mpanjaka*. Hoy ianareo hoe, "Izaho dia mpitoriteny iray, voahosotra." Noho izany mijanòna ho mpitoriteny iray, aza miezaka ny ho mpaminany. Hitanareo? Raha evangelista ianareo, dia mijanòna ho evangelista.

<sup>235</sup> Tsarovy i Ozia, tamin'ny andron'i Isaia, ilay mpanjaka tanora . . . ilay mpaminany tanora. Lehilahy malaza iray i Ozia, lehilahy voahosotra, nitahy azy Andriamanitra; nitahy ny tenany. Hia, efa nitory an'izany taminareo aho teto indray andro. Ary lasa ambony loatra izy indray andro hany

ka nieritreritra fa afaka mandray ny asan'ny mpisorona iray mihitsy, dia nentiny ilay afo ka nandeha teo anatrehan'ny Tompo izy. Ary ireo... Niteny azy ireo mpisorona ireo hoe, "Aza manao an'izao, ry Ozia!" Fa lasa nisandratra izy. Tsy afaka niteny na inona na inona taminy ilay mpaminany. Nahafantatra ny raharalahany ireo mpisorona, nihazona ny raharalahany izy ireo, hoy izy hoe, "Tsy raharalahao io, ry Ozia. Aza manao, an'io!"

<sup>236</sup> Eny, izy nanao azy ireo hoe "Mangina!" Dia nandeha izy niaraka tamin'ilay—niaraka tamin'ilay afo, niditra hanolotra, nandray ny asan'ny mpisorona; mpanjaka voahosotra izy, fa tsy mpisorona. Ary niezaka niteny taminy ireo mpisorona ireo hoe, "Mpanjaka mahafinaritra, voahosotra ianao, nitahy anay tamin'ny alàlanao Andriamanitra. Saingy mpanjaka iray ianao, fa tsy mpisorona."

<sup>237</sup> Ary ianareo pasitera dia tsy tokony hiteny amin'ny mpaminany iray mihitsy an'izay hatao, na ianareo evanjelista hiteny amin'ny pasitera iray. Hitanareo, manana ny asany ny tsirairay avy raha voatondro tanteraka izany.

<sup>238</sup> Noho izany nandeha niaraka tamin'ilay afo izy, ary tratry ny habokana ka maty.

<sup>239</sup> Ankehitriny indro i Davida, mpanjaka. Miezaka manao an'ilay zavatra iray ihany i Davida eto. Nentiny samirery ilay izy. "Eny, tsara izany, tsy maintsy mandeha." Nijery ny olona nanodidina, "Inona no lazainao, ry mpifehy? Manana iray alina ianao."

<sup>240</sup> "Voninahitra ho an'Andriamanitra, ry Davida, tsapako ilay Fanahy." Oh, nahatsapa izy! Tsapany Izany. "Ahoana ny hevitrao, ry Davida? Tsapanao ve Izany?"

<sup>241</sup> "Voninahitra ho an'Andriamanitra, manenika ahy tanteraka Izany! Ndao isika hanamarina an'izany ka hahita raha marina ilay izy, ndao jerentsika. Aiza no misy an'ilay fiara?"

<sup>242</sup> "Eo amintsika! Mipetraka eto anivontsika."

<sup>243</sup> "Iza no tokony hanontantsika? Azo antoka, ilay fiara." Zavatra iray ihany mihitsy tahaka an'ilay tany izay an'ny—an'ny Isirael fa tsy tokony an'ny Filistina. "Marina izany. Antsika izy ireo. Ary eny, izaho dia mahatsapa an'ilay hosotra, ihany koa."

<sup>244</sup> Ireo mpifehy zato, ny fiangonana rehetra, "Voninahitra ho an'Andriamanitra!" Nitehaka izy ireo, sy nihiakiaka, sady nandihy izy ireo, ary nitsambikina ambony-sy-ambany.

<sup>245</sup> Nanana ny Fanahy izy ireo, saingy inona no heverinareo fa noeritreretin'ny Ray? "Ahoana fa efa naniraka an'i Natana Aho, io mpaminany eo io! Fantatr'zy ireo izay hatao, ary toy izany koa i Davida, nefo mafana fo tanteraka fotsiny izy ankehitriny ary nandeha avy hatrany nihoatra ny tsipiky ny fetrany ka nandeha nanao an'izao."

<sup>246</sup> Eny àry, mariho, “mitondra Azy eo amin’ny soroka” no drafitr’Andriamanitra tany am-boalohany. Misy *fepetra* dimy. Tiako ianareo handray naoty azy ireo, raha ianareo no... Mahita aho fa manoratra ianareo.

Ary izao dia roapolo minitra, amin’ny folo sy roapolo minitra mahery, hiezaka aho noho izany ny hamarana amin’ny iraika ambin’ny folo, raha azo atao. Handeha haingana mihitsy arak’izay azoko atao aho.

Tsy mampaninona na mety ho tso-po toy ny ahoana aza ny olona anankiray eo am-panaovana asa iray ho an’Andriamanitra, tsy mampaninona na tso-po toy ny ahoana, voahosotra toy ny ahoana, na Presbyterana toy ny ahoana, Batista, Pentekotista; tsy mampaninona na eveka iray aza ianareo, diakona, na inona na inona, pasitera, evanjelista, mpaminany, na mety ho inona ilay izy na inona; misy *fepetra* dimy izay tsy maintsy hajaina. Tsy mampaninona na firy ny hosotra, mety ho tsara toy ny ahoana izany, ahoana no fihiaikiakin’ny olona, ny zavatra rehetra izay ataon’ny Fanahy, misy ny *fepetra* iray.

<sup>247</sup> Ankehitriny, ry rahalahiko, raha mbola eo am-panaovana ny taratasinareo ho vonona ianareo, afaka mahazo ve ianareo ankehitriny hoe nahoana? Ankehitriny tsarovy, efa nieritreritra ianareo rehetra, ary efa nampianarina teo anivonareo, tsy... (hitanareo, miresaka manerana ny firenena aho)...hoe tsy mino ny fitenenana amin’ny fiteny tsy fantatra aho. Tena mino ny fitenenana amin’ny fiteny tsy fantatra aho, saingy mbola afaka miteny amin’ny fiteny tsy fantatra foana ianareo nefo tsy manana ny Fanahy Masina. Korintiana Voalohany 13, manao hoe, “Na miteny amin’ny fitenin’ny olona sy ny anjely aza aho, dia mbola tsinontsinona.” Hitanareo? Izany no hosotry ny Fanahy Masina, tsy misy idiran’ilay fanahy ao anatinareo izany. Afaka miteny amin’ny fiteny tsy fantatra ianareo nefo mandà ny Teny. Efa nahita an’izany natao aho, ary mahita an’izany koa ianareo. Hitanareo? Afaka mitory ny Filazantsara ny vehivavy iray nefo... Hitanareo? Afaka manao ny rehetra izy ireo... Manapaka ny volony izy ireo, nefo mbola mihiakiaka sy miteny amin’ny fiteny tsy fantatra foana sy ny zavatra hafa rehetra. Ah-hah, tena marina tokoa izany. Tsy maintsy milahatra amin’ny Fahamarinan’ny Teny ianareo.

<sup>248</sup> Mariho! Tsy mampaninona na mety ho tso-po toy ny ahoana aza ny olona iray, tsy mampaninona na lehibe toy ny ahoana aza no ampiasan’Andriamanitra azy, tsy mampaninona na inona izy, tsy maintsy izao izy: tsy maintsy ho... Tsy maintsy ho arapotoana araka ny Baiboly ny zavatra izay teneniny. Hoy ny olona iray hoe, “Eny, Mosesy tany aoriana tany.” Fantatro izay nataon’i Mosesy, fa tsy izany no ataon’Andriamanitra amin’izao andro izao. “Eny, tany aoriana tany, telopolo taona lasa izay, dia nilaza i Luther...” Mety ho tsara izany, saingy tsy izany no Ataony

amin'izao andro izao. "Eny, efapolo taona lasa izay, nirotsaka ny Pentekosta." Saingy tsy izany no Ataony amin'izao andro izao. Hitanareo? Tsy maintsy ara-potoana izany.

<sup>249</sup> Tsy maintsy araka ny Soratra izany. Tsy maintsy ao amin'ny vanim-potoana izany, faharoa. Fahatelo, dia tsy maintsy araka ny fomba izay nitenenan'ny Tenin'Andriamanitra fa hisiany izy.

<sup>250</sup> Ary hoy ianareo hoe, "Voninahitra ho an'Andriamanitra! Nirotsaka tamiko ny Fanahy Masina, haleloia, tahaka ny Nirotsahany tamin'ny Andron'ny Pentekosta mihitsy." Saingy mety ho hafa izany amin'izao andro izao. Izany dia nirotsaka teo amin'i Davida, ihany koa, sa tsy izany? Azo antoka, nirotsaka Izany. Nirotsaka teo amin'i Ozia, saingy diso ilay izy! Hitanareo, tsy maintsy mandeha lalindalina kokoa noho izany ianareo ankehitriny. Hitanareo? Tsy maintsy mandeha lalindalina kokoa noho izany ianareo. Ankehitriny, aza mahatsapa ho voaratra, izao fotsiny—aoka hanaja fotsiny.

<sup>251</sup> Ary mariho, fa tsy maintsy tonga eo amin'ny olona avy amin'ny fifidianan'Andriamanitra ilay izy. Tsy fifidianan'ny anaram-piangonana iray, tsy avy amin'ny fifidianam-bahoaka, fa araka ny fifidianan'Andriamanitra. Ary raha hafatra iray avy amin'Andriamanitra ilay izy, avy amin'ny fanambarana lehibe iray avy tamin'Andriamanitra, dia tsy maintsy tonga amin'ny Mpaminaniny izany. Ankehitriny, raha mila ny Soratra ny amin'izany ianareo, izany dia Amosa 3:7. Hitanareo? Ankehitriny, tsy maintsy ilay izy.

<sup>252</sup> Misy zavatra dimy izay tsy maintsy: Tsy maintsy amin'ny fotoana ilay izy. Tsy maintsy amin'ny fotoana izay nolazain'Andriamanitra fa hisiany izy. Tsy maintsy voasoratra ao amin'ny Tenin'Andriamanitra izany. Tsy maintsy amin'ny vanim-potoana an'ny fotoan'Andriamanitra ilay izy, hitanareo. Ary tsy maintsy amin'ny alàlan'ny fifidianan'Andriamanitra izany.

<sup>253</sup> Ary tsy mila na iza na iza amintsika Andriamanitra mba handika Ny Teniny, Andriamanitra no Mpandika Teniny Manokana. Tsy mila ny seminerantsika Izy. Tsy mila ny fahendrentsika Izy, fahadalana izany. Hitanareo? Nanana an'izany i Eva, ah-hah, ary diso tamin'ilay Fandikana tamin'ny alàlan'ny fahendreny.

<sup>254</sup> Hoy ianareo, "Oh, ry tovolahy, lehilahy iray manan-tsaina io zalahy io." Eny, tsy midika zavatra iray izany. Azo antoka. Lehilahy iray manan-tsaina i Ahaba. Lehilahy iray manan-tsaina i Beltesazara. Satana dia fetsy sy kinga indrindra, lalintsaina, tsy misy anankiray aminareo afaka hahatohitra azy, tsy misy anankiray mihitsy.

<sup>255</sup> Izaho tsy miankina amin'ny...na iray aza...tsy misy fahendrena, miankina amin'Andriamanitra fotsiny aho. Hitanareo? Ahoana Andriamanitra? Izy no Teny. Ary avy eo dia

hoe ahoana no andikan'Andriamanitra Ny Teniny Manokana? Henoy tsara ankehitriny, aza diso an'ireto zavatra ireto. Ahoana no andikan'Andriamanitra Ny Teniny Manokana? Amin'ny fanaovana an'Izany hiseho, tsy hoe *anankiray* eto fotsiny, fa ny *rehetra* amin'izany ho an'io vanim-potoana io.

<sup>256</sup> Tsy manao hoe, "Mivoaha ry Noa dia mitoria teny, voatsindrimandry ianao," fa, "Manamboara sambofiara iray, asio varavarana eo aminy, amboary tahaka an'ity izany, sy tahaka an'itsy." Ahoana moa raha napetrany teo an-tampony ilay varavarana raha tokony ho teo ambany? Ahoana moa raha napetrany teo ambany ilay varavarankely, ary ilay varavarana teo an-tampony? Hitancareo? Tsy maintsy nampianarina araka ny fotoana ilay izy, satria izany marina tokoa no hampiasan'Andriamanitra azy. Tsy maintsy tahaka an'izany, ary tsy maintsy tonga amin'ny alalan'ny tsindrimandry.

<sup>257</sup> Nandre zalahy iray aho nilaza indray andro, nanao hoe, "Mino aho fa mivavaka ho an'ny marary io lehilahy io, mino aho fa tsara izany. Fa ny amin'ny maha-mpaminany iray," hoy izy "mino aho fa mpaminanin'Andriamanitra izy; fa ny amin'ny maha-mpampianatra iray, nahoana, izy dia 'Jesosy irery ihany.'" Inona ny... Karazan'olona inona no hiantsoanareo an'izany? Lehilahy iray izay tsy mahafantatra izay resahany.

<sup>258</sup> Ny tena teny hoe *mpaminany* dia midika fa "mpanambara iray ny Tenin'Andriamanitra izy," amin'io irery ihany no tonga ilay Fandikana. Ary izany no mahatonga antsika amin'izao andro izao tena mila an'io olona malaza izay natao hirahina ho antsika amin'ny endrik'i Elia mpaminany io, satria izany no ho fanambaran'Andriamanitra nampahafantarina antsika amin'ny alalan'ny fanamarinana, maneho fa izao no andro sy ny ora ary ny vanim-potoana izay nampanantenain'Andriamanitra hidirany. Ary, tsarovy, ho toherina ny teniny; efa izay foana, ho izay foana. Lavina, tahaka an'ilay akofa fotsiny izay hiendaka... Ho ekena izy aloha, satria ny akofa irery ihany no mihazona ny vary mandra-pahatonga azy hivoaka ho an'ny masoandro. Hampialoka ny Hafatra fotsiny ny Pentekosta, hanome Azy varavarana mivoha iray mandra-pahatonga Azy hiparitaka, ary hiendaka ny akofa avy eo, ka hipetraka eo amin'ny Fanatrehan'ny Zanaka ny vary, hitancareo, mba ho masaka.

<sup>259</sup> Tsy hisy anaram-piagonana iray intsony, tsarovy fotsiny. Mpahay tantara iray i Rahalahy Jack eto, maro aminareo eto koa. Tsy nisy fifohazana iray mihitsy ka tsy nanombohan'izy ireo anaram-piagonana iray teo amin'izany teo amin'ny telo taona taorian'ilay fifohazana. Marina ve izany? Ary ity hetsipahagagana lehibe farany an'Andriamanitra amin'izao andro farany izao ity, roapolo taona izao no nandehanany; nefo any amin'ny iray tapitrisa maily miala amin'ny anaram-piagonana iray, mandeha manalavitra hatrany; miendaka ilay akofa, tsy

misy fiaraha-miasa, tsy misy na inona na inona miaraka Aminy. Hitanareo? Miendaka Aminy foana ilay izy. Tsy mety hisy intsony, vary iray izany ankehitriny. Saingy feno maintso isika. Ah-hah. Marina izany. Tsy maintsy mipetraka eo amin'ny Fanatrehan'ny Zanaka isika mba ho malemilemy, izay ihany ny amin'io. Feno maintso; tsy manana fahatsoram-po isika, ilay fahamasinana, ilay zavatra tokony hananantsika eo anivontsika, mba hahafantatra fa ny Fanahin'Andriamanitra velona, dia mihetsika ao amin'Ny Teniny ka mbola maneho amintsika an'ireo zavatra.

<sup>260</sup> Manana an'ireo mpaka tahaka sandoka mitsangana isika. Inona no hataon'izany? Mba hamitaka. Nilaza ny Baiboly fa hamitaka izy ireo. "Tahaka ny nanoheran'i Jambra sy Jana an'i Mosesy, dia ho toy izany koa amin'ny andro farany." Hitanareo? Manao an'ilay zavatra iray ihany izy ireo, tonga avy hatrany mba haka tahaka an'Izany, marina tokoa. Hitanareo? Mitandrema tsara! Diniho ny Foto-pampianaran'ny Baiboly. Diniho ny hafatra izay manaraka an'ireo famantarana ireo! Mbola ilay sekoly tranain'ny hafatra ihany ve? Adinoy izany!

<sup>261</sup> Nandefa an'ireo fahagagana sy famantarana Andriamanitra mba hisintonia ny fifantohan'ny Olony. Rehefa tonga nanasitrana ny marary sy ny sisa fotsiny Jesosy, dia nanao tahaka an'izany koa ireo mpaminany. Nieritreritra izy ireo hoe, "Oh, voninahitra, avy Izy, ho Fariseo iray Izy. Ho Sadoseo iray Izy."

<sup>262</sup> Fa hoy Izy hoe, "Ianareo taranaky ny menarana sy vipera." Hoy Izy, "Ianareo dia avy amin'ny rainareo ny devoly, ny asany no hataonareo." Hoy Izy, "Raha tsy mihinana nynofon'ny Zanak'olona, sy misotro Ny Ràny ianareo, dia tsy misy Fiainana ao anatinareo." Tsy nanazava an'Izany Izy. Tsy nila nanazava an'Izany Izy. Haleloia. Ho an'ny vanim-potoana iray hafa izany. Ah-hah. Nilaza fotsiny an'izay tokony Nolazainy Izy hoe, "Manao izay mahafaly ny Ray isan'andro Aho, ary izany dia ny mihazona Ny Teniny. Raha tsy manao Aho, raha ny Fiainako sy ireo Asako no tsy mifanaraka amin'Ny Teniny ny amin'izay nasaina Nataoko, amin'izay fotoana izay aza mino Ahy, tsy Izaho no Izy; fa raha mifanaraka izany, amin'izay fotoana izay dia minoa an'ireo asa raha tsy mety mino Ahy ianareo," hoy Izy.

<sup>263</sup> Mariho ankehitriny ireo *fepetra* izay tsy maintsy atao.

<sup>264</sup> Ankehitriny, hitanareo, tsy nanambara an'ilay zavatra tamin'ny Fombany voaomana Andriamanitra, Nambarany tamin'ny alàlan'ny tsindrimandry izany, saingy tao amin'ny fantsona ratsy ilay izy. Hitanareo, ho tsara ny tsindrimandry, saingy raha ao amin'ny fantsona ratsy ilay izy, dia ho ratsy fitsofoka. Toy ny hoe maka bala iray ianareo ka mitifitra azy avy hatrany mankeo amin'ilay fikendrena, manao ny lèlany avy hatrany mankeo amin'ilay fikendrena izy, saingy tsio-drivotra iray dia afaka mitsoka azy hivoaka. Ankehitriny, ao amin'ny

fieranareo, mandeha eny an-dàlana ianareo enimpolo, fitopolon maily isan'ora ka tsio-drivotra iray no mitsoka anareo, dia afaka manitsy ny kodiaranareo miverina ianareo, mamerina azy eo amin'ny lâlana indray. Fa tsy vitanareo izany amin'ny bala iray; tsy misy na inona na inona eo hanitsiana ny kodiarany, diso an'ilay fikendrena izy. Hitanareo, tsy maintsy mandeha ao amin'ny fantsony tany am-piandohana izy.

<sup>265</sup> Toy izany koa no tsy maintsy handehanan'ny Tenin Andriamanitra ao amin'ny Fantsony tany am-boalohany. Tsy hisy tsio-drivotra kely hahatsoka Azy; tsy hisy anaram-piagonana kely, na inona na inona, hahatsoka Azy; tsy hisy fanenjehana kely hahatsoka Azy: Izy dia mahitsy mankany amin'ilay toerana! Izany dia hahatratra eo, ihany koa. Ary avy eo Andriamanitra, rehefa mahatratra an'io toerana io Izany, dia hanamarina Azy Andriamanitra, "Anaty masonry tsara!" Ah-hah, izay Nolazainy fa Hataony marina tokoa. Eto amin'ny Soratra eto izany, ity, "HOY NY TOMPO HOE, 'Izao no hiseho!'" Io ilay izy. Hitanareo? Eo ianareo izao.

<sup>266</sup> Ankehitriny, tsy nanambara an'izany tamin'ny Lâlany voaomana Andriamanitra. Noho izany lasa izy ireo nanao azy tsy araka Ny Teniny, sy tsy arak'ilay vanim-potoana, mitovy amin'izay ataon'izy ireo ankehitriny mihitsy. Rehefa ny olona, tsy mamparinona na tso-po toy ny ahoana, no niezaka nanao asa iray ho Azy ivelan'ny Lâlany voaomana, dia asavoritak'izy ireo foana ilay izy. Tahaka an'i Balama, nihevitra i Balama fa nanao asa iray ho an'Andriamanitra izy.

<sup>267</sup> Mihevitra ve ianareo fa mandainga Andriamanitra? Mba manova ny Heviny ve Andriamanitra? Eny, mihetsika ny olona amin'izao andro izao toy ny hoe nanova Izy. Rehefa niteny an'ireo vehivavy Izy mba tsy hanapaka ny volony; hoy izy ireo hoe, "Afaka manapaka an'izany izahay, Dr. Ranona-sy-ranona no nilaza fa afaka izahay. Rahalahy Ranona-sy-ranona no nilaza fa tery saina loatra mihitsy ianareo." Ah-hah, ah-hah. Hitanareo?

<sup>268</sup> "Eny, mety hitranga ve ity? Hitranga ve ity?"

<sup>269</sup> "Hia, ah-hah, Ranona-sy-ranona no nilaza an'izany."

<sup>270</sup> Tsy manova ny Heviny Andriamanitra.

<sup>271</sup> Mino ve ianareo fa mpaminany iray i Balama? Nilaza ny Baiboly fa izany izy. Mino ve ianareo fa mpaminany iray izy? Ankehitriny, tsarovy, nanatona azy i Balaka ka nanao hoe, "Mandehana ka ozony io vahoaka io, satria manerana ny tavan'ny tany izy rehetra. Tsy anaram-piagonana iray akory aza izy ireo, tsy firenena iray, vondrona iray miparitaka fotsiny izy ireo; nefo izahay no manan-kaja eto amin'ny tany. Ankehitriny mandehana mankany ary ozony io vahoaka io, dia haloako aminao izany."

<sup>272</sup> Ary nanao marina tokoa an'izay tokony hataon'ny mpaminany iray i Balama, hoy izy hoe, "Tsy handeha aho.

Miandrasa eto fotsiny ianareo, mandritry ny alina, avelao aho hahita izay lazain'Andriamanitra hataao."

<sup>273</sup> Noho izany niditra izy, hoy izy hoe, "Tompo, misy vahoaka iray miaraka amiko eto izay tonga, mila ahy handeha ka hanozona vahoaka hafa iray eo." Hoy izy, "Inona no Tianaو hataoko mikasika an'izany?"

<sup>274</sup> Hoy Andriamanitra hoe, "Aza mandeha ianaو, satria Vahoakako izy ireo!"

<sup>275</sup> Nivoaka i Balama, hoy izy, "Mandehana miverina any antanonareo. Tsy mahazo mandeha miaraka aminareo aho, niteny tamiko tsy hanaو an'izany Andriamanitra." Ankehitriny, izany no Tenin'Andriamanitra tany am-boalohany: "Aza mandeha!"

<sup>276</sup> Eny, niverina izy ireo avy eo, nanaو hoe, "Hitanaو, tsy te-hihaino ny evekanao."

<sup>277</sup> "Eny," hoy ilay mpanjaka, "lazaiko anareo izay hataontsika. Mila vola kely izy, mino aho fa izany no mety haharesy lahatra azy. Na angamba hataoko filohan'ny presbytera izy, angamba hanome azy zavatra lehibe iray hataao aho. Mety hataoko eveka izy, tsy afaka milaza an'izay mety hataoko ianareo. Indro, ho lazaiko anareo izay hataoko. Tsy ampy fahaizana handresy lahatra azy ianareo olona ireo na ahoana na ahoana; ny *his sy hain't's* anareo, sy *tote* sy *fetch* ary *carry*, dia tsy tsara. Tsy hihaino anareo izy, haniraka andiany iray tena nianatra any isika, manan-kaja kokoa."

<sup>278</sup> Nandeha tany izy ireo, nanaو hoe, "Dokotera Balama, Dokotera Balama, miarahaba anao. Mitondra ny fiarahabana ho anao avy amin'ny mpanjaka aho."

<sup>279</sup> "Manao ahoana, rahalahy." Hitanareo?

<sup>280</sup> "Ankehitriny, Dokotera Balama..." Ary, oh, ilay voambolana, toy ny ahoana no tena nirarahan'izany. Dia hoy izy, "Ankehitriny, nilaza ny mpanjaka fa hanandratra anao izy, ary hanome laza lehibe ho anao koa. Ary, fantatrapa, nanolotra anao *izao* vola betsaka *izao* fotsiny izy ireo mba handraisana an'io andraikitra io, fa milaza ny mpanjaka hoe hataony avo telo heny, efatra heny izany, raha ho tonga fotsiny ianaو haka an'ilay izy." Tamin'izay fotoana izay, nangidihiidy tànana i Balama, na izany aza. Tratry ny hevitra adala izy ka nanetsika ny sainy.

<sup>281</sup> Ankehitriny, tsarovy, niantso an'Andriamanitra izy tamin'izany, voahosotra, saingy nanetsika an'Andriamanitra hiala avy hatrany teo amin'ilay drafitra tany am-piandohana izy. Ary izany marina tokoa no nataon'ny Pentekosta! Mba ho malaza, ianareo an'ny Tokana, ianareo Trinite, nanaو anaram-piangonana ho an'ny laza ianareo mba ho hafa, nanaو rafi-pandaminana ianareo ka maty! Tsy hitsangana intsony indray ianareo. Fa, hitanareo, ianareo dia tokony ho nijanona tamin'ny an'Andriamanitra tany am-piando-... Nisintona

anareo nivoaka avy tao amin'io Assemblée io Izy mba hanao anareo ho vahoaka iray, saingy nanao rafi-pandaminana ianareo ka nandeha niverina avy hatrany tao amin'ilay lò iray ihany izay (miala tsiny aho) nivoahanareo, ilay karazan-javatra iray ihany izay nivoahanareo, "Tahaka ny alika mankeo amin'ny lòany sy ny kisoavavy mankeo amin'ny fotany." Miala tsiny aho milaza an'izany, mamelà ahy, tsy tsara ho an'ny lampihazo eto izany. Hitanareo? Nilaza an'izany fotsiny tao amin'ny nofo aho. Mariho ankehitriny fa izany no tiako lazaina, mandò. Tokony tahaka an'izany no nilazako azy. Tena marina ilay teny, fa diso fampiasa fotsiny. Hitanareo? Tena marina ny nampiasana azy, fa ratsy faneno fotsiny, fantatrareo. Lò, "Tahaka ny alika miverina amin'ny lòany."

<sup>282</sup> Raha ny Assemblées de Dieu, ilay Filan-kevitra Ambony, no nandrafitra ny Pentekosta tamin'ny voalohany ka nampiditra azy ireo tao anatin'izany mba tsy ahafahan'izy ireo hanaiky an'ireo fanambarana, dia tsy fantatrareo ve, ry an'ny Tokana, fa nanao an'ilay zavatra iray ihany ianareo. Ahoana no ahafahanareo handray ny Hafatry ny "taranaky ny menarana, fiarovana Mandrakizay," sy ireo zavatra hafa izay mivoaka ireo? Tena voarafitra mafy loatra ianareo hany ka tsy ho avelanareo hiditra eo am-baravararanareo akory aza Izany, ah-hah, ah-hah, tahaka ny nataon'i Balama ihany. Saingy tsy nanova ny Heviny Andriamanitra.

<sup>283</sup> Noho izany nandeha i Balama ka nanao hoe, "Tompo, jereo ankehitriny, tena manana fanararaotra iray tokoa ny ho lasa olona iray aho ankehitriny. Fantatrao fa efa tsinontsinona iray aho, saingy manana fanararaotra iray ny ho lasa olona iray. Inona no Lazainao mikasika an'izany ankehitriny, Tompo?" Ankehitriny, tsy tokony nilaza an'izany mihitsy izy! Fantany marina tokoa izay nolazain'Andriamanitra hatao!

<sup>284</sup> Toy izany koa ny tsirairay avy aminareo izay natao batisa tamin'ny anaran'ny "Ray, Zanaka, Fanahy Masina," eo amin'ireo fanontianana hafa sasany an'ny Baiboly ireo izay natao hisy amin'izao andro izao, fantatrareo ny tokony hatao mikasika an'Izany, dia ny manaiky Azy! Rehefa mahita an'Andriamanitra ianareo manamarina mazava hoe "Izany no Fahamarinana," dia izany no Andriamanitra mandika Ny Teniny Manokana. Fa hanao an'izany ve ianareo? Tsia, tsy hamela anareo hanao an'izany ny rafi-pandaminanareo!

<sup>285</sup> Maro amin'ireo mpitoriteny any Tucson any izay mihaino izao maraina izao. Rahalahy Gilmore, tsy manana na inona na inona manohitra anao aho; Rahalahy Brock, Assemblée Voalohany, ary ny fiangonana Friendly. Ianareo lehilahy, tany foana aho hatramin'izay, fa tsy namela ahy hiditra akory aza ianareo. Izaho...Azo antoka, tsy afaka ianareo, tsy afaka ianareo ka hijanona amin'izay maha-izy anareo. Tsy afaka manaiky fanambarana ianareo, satria nanao anaram-

piangonana. Ary henoy, tahaka ny nahafaty an'i Ozia mihitsy satria teo ambanin'io tsindrimandry sandoka io izy, dia toy izany koa no hahaverezan'ireo Kristiana marina maro ny fahatsapany ao amin'ireo anaram-piangonana tranaainy maty ireo, satria mametraka ny tànany eo amin'ilay Fiara izy ireo nefo tsy voatendry hanao an'izany. Ankehitriny afaka mino an'Izany ianareo, na tsy hino an'Izany, miankina aminareo izany. Andriamanitra no Mpitsara anareo. Tsy nisintona Ny Teniny mihitsy Andriamanitra. Izay Nolazainy tamin'ny voalohany, dia izay foana no Lazainy.

<sup>286</sup> Niteny tamin'i Balama Izy hoe, “Aza mandeha ianao!”

<sup>287</sup> Nefa avy eo dia niverina i Balama, nanao hoe, “Fa Tompo, mahazo mandeha ve aho?”

<sup>288</sup> Ankehitriny jereo! Hoy Andriamanitra hoe, “Mandehana!” Ankehitriny, nanome alàlana azy handeha Izzy. Misy ny sitrapon'Andriamanitra navela iray, fa tsy sitrapon'Andriamanitra tany am-piandohana. Hitanareo ve hoe inona ny olana nidirany?

<sup>289</sup> Ary ny olona izay manorina na inona na inona, ny rafipandaminana, na inona na inona ankoatry ny eo amin'ny Tenin'Andriamanitra, dia fasika miletsy izany ary hianjera! Azo antoka fa ho faty toy ny zavatra rehetra izany, satria Vatana iray mitombo an'ny Ampakarina ny Tenin'Andriamanitra. Tsy afaka manao azy rehetra ho tongotra ianareo, azy rehetra ho sandry, azy rehetra ho fe. Tonga amin'ny vanim-potoany ireo zavatra ireo.

<sup>290</sup> Ary ny Pentekosta, nataonareo teo amin'ny zavatra anankiray izy rehetra, noho izany tsy afaka manaiky fanambarana vaovao ianareo. Izany no antony ijanonanareo tsara eo amin'izay misy anareo ka maty. Mandroso izany. (Betsaka tokoa; tsy te-handreraka anareo aho.) Fa tsy manova ny Heviny Andriamanitra, tena marina tokoa ny Fanapahan-keviny voalohany. Noho izany tsy manova ny Heviny Andriamanitra, mamela fotsiny anareo handeha amin'ny sitraponareo navela Izzy. “Andriamanitra dia Andriamanitra tsara iray,” araka ny lazain'i Oral Roberts. Andriamanitra iray mahatahotra ihany koa Izzy!

<sup>291</sup> Jereo, tahaka anareo mihitsy manao hoe, “Voninahitra ho an'Andriamanitra, te-hiteny amin'ny fiteny tsy fantatra aho!” Hamela anareo hanao an'izany Izzy, saingy tsy izany no famantarana fa manana ny Fanahy Masina ianareo.

<sup>292</sup> Tsaroanareo ve izay nolazain'i Tomasy, ilay mpisalasala antitra? “Raha tsy manana porofo iray aho, hametaka ny rantsan-tànako eo amin'ny Fantsikany, ny Tànany, ary eo amin'ny Lanivohony, izaho—izaho—izaho—izaho dia tsy hino an'Izany akory aza.” Ankehitriny, eo ianareo izao, ilay zavatra iray ihany.

<sup>293</sup> Hoy Jesosy hoe, “Io ianao, ry Tomasy, apetaho eto àry ny tânanao raha izay no tianao ho fantatra.” Hitanareo? Hitanareo? Ankehitriny, raha tianareo ny lâlan’i Tomasy, dia mandehana. Fa inona no Nolazainy? “Lehibe toy ny ahoana ny valim-pitian’ireo izay tsy nahita mihitsy kanefa nino.”

<sup>294</sup> Mariho, mariho, tamin’ny fanaovana an’io, dia nahatonga fahafatesan’ny lehilahy tso-po izy; nametraka ny tânany teo amin’ilay fiara nefä tsy tokony nataony izany. Lehilahy malaza iray, tso-po, nihevitra fa tena marina ilay hosotra sy ny sisa, saingy nandeha tamin’ny fomba izay ratsy ilay fiara. “Ireo omby,” hoy ny Baiboly, “no tafintohina,” fa tsy ireo Levita. Tafintohina ireo omby ka nianjera ilay fiara; ary lehilahy tso-po iray, niaraka tamin’ny fony feno fitiavana, no nametraka ny tânany teo amin’ilay fiara mba hihazona azy hiverina, ka tratrty ny fahafatesana satria tsy misy olona mahazo mikasika an’io fiara io afa-tsy Levita iray. Hitanareo ve hoe toy ny ahoana no ihazonan’Andriamanitra Ny Teniny, ihazonany ny Fantsony, ihazonany ny Laminy? Tratrty ny habokana i Ozia. Eto dia Davida, no niteraka manontolo ny fahafatesan’ny lehilahy anankiray, sy loza lehibe iray; nefä voahosotry ny Fanahy, izy roa ireo, saingy tany ivelan’ny fantson’Andriamanitra. Marina ve izany? Maty izy. Oh, nampatahotra mafy an’i Davida izany, izany no niantsoana ny—ny anaran’ilay toerana, araka ny namakian-dRahalahy Jack azy. Hitanareo? Nasiany marika izy eo.

<sup>295</sup> Anaram-piangonana firy no nahavita an’ilay zavatra iray ihany tamin’ireo mpino tso-po. Ny fiangonana Katolika, ny Metodista, ny Batista, fiangonan’i Kristy, na ireo Pentekotista aza, dia niteraka fahafatesana ara-panahy maro tamin’io zavatra iray io ihany. Rehefa tonga Izany, niaraka tamin’ireo zavatra ireo, dia nahita izy ireo... ary tsy afaka nandeha lavitra intsony izy ireo, satria izany no inoan’ny anaram-piangonany.

<sup>296</sup> Jereo amin’izao andro izao, ireo tafika masina goavana, mitovy ihany. Izy ireo dia tsy manao afa-tsy ny manao azy ireo foana ho “indroa zanaky ny helo, ratsy lavitra noho izay nahazy azy ireo tany amin’ny voalohany.” Ataony miha-sarotra ho azy ireo, tokoa, ny ho tonga eo amin’ny Fahamarinana. Manao anankiray amin’ireo fifohazana goavana izy ireo, ary miditra ny sis amin’izy ireo, manohy vetivety, dia miverina ka manomboka an’io ota rehetra io indray. Mandre fifohazana hafa iray izy ireo, manao hoe, “Ah, efa nanana ny sasany tamin’io karazanjavatra io aho, efa nanandrana aho. Tsy misy na inona na inona amin’izany.” Hitanareo? Tsy fantatr’izy ireo ilay fantsona. Tsy hitany.

<sup>297</sup> Efa nandre ny evangelistsika lehibe Billy Graham aho, nipetraka tao amin’ny sakafô maraina iray tahaka an’izao indray maraina, ary hoy izy hoe, “Izaho...” Izao, natsangany ny Baiboly, tany Louisville, Kentucky, hoy izy, “Ity no ohatr’Andriamanitra.” Ary marina izany, nilaza

ny fahamarinana ilay lehilahy. Hoy izy hoe, “Mandehana ianareo... Nandeha tao amin’ny tanàna iray i Paoly ary nahazo anankiray niova fo, niverina izy herintaona taorian’izany ary nahazo telopolo avy tamin’io niova fo io.” Hoy izy, “Fa mandeha ao amin’ny tanàna iray aho ary mahazo telo alina niova fo, saingy miverina aho afaka enim-bolana nefy mety mahita telopolo.” Hoy izy hoe, “Fantatrareo ve hoe inona ny olana?” Hoy izy, “Ianareo mpitoky teny kamo,” hoy izy “mipetraka eo ianareo miaraka amin’ny tongotrareo eo ambonin’ny latabatra ary—ary miantsos an’ireo olona ireo amin’ny telefona raha tokony hamangy azy ireny aorian’ny sakafotra hariva ka miresaka aminy.”

<sup>298</sup> Oh, nirehitra ny foko. Nieritreritra aho hoe, “O ry lehilahin’Andriamanitra malaza, halako ny tsy hifanaraka aminao eto, fa iza ireo mpitoky teny kamo teo amin’ilay anankiray niova fo an’i Paoly? Ny nataony, nentiny tao amin’ny Teny izy, nentiny tao amin’ny Hafatra, nentiny tao amin’izay nahitany an’Andriamanitra izy; nirehitra ny fony, nataony nirehitra ilay firenena! Fa ny zavatra tokana ataonareo dia ny nametraka azy ireny tao amin’ny fiangonana Batista iray na Metodista, na zavatra iray, tsy mahagaga raha tsy nisy na inona na inona nirehitra.” Ah-hah. Eny, tompoke!

<sup>299</sup> Noho izany jereo izay nampanantenain’ny Teny ho an’izao andro izao. Ndao isika hahita na Metodista ilay izy, Batista, Pentekotista, na inona, ho an’izao andro izao. Afaka mandeha mamaky ny Soratrareo ianareo ankehitriny. Raiso ireo Soratra efa notononiko taminareo ireo. Apokalypsy ihany koa . . .

<sup>300</sup> Raha nanam-potoana aho, dia ho novakiako izany, saingy tsy manana mihitsy aho. Mbola manana eo amin’ny roa ambin’ny folo na efatra ambin’ny folo minitra eo aho. Tsy maintsy mamarana ara-potoana aho, amin’ny iraika ambin’ny folo, raha tafavoaka tsara.

<sup>301</sup> Mariho ny Malakia 4, Apokalypsy 10, Tombokase Fito. Tsy nilaza ve ny Baiboly... Ankehitriny diniho! Nisy Anjely iray, Iraka iray avy tany Ambony; sy iraka iray teto an-tany. Ary ho an’ny taonan’ny fiangonana ny iraka tsirairay. Hoy Izy hoe, “Tamin’ny andro...” miresaka ny ankehitriny, “tonga ny Anjely iray, Iraka” (ny teny hoe *anjely*, ny teny Anglisy dia midika hoe “iraika”). “...nidina avy tany An-danitra, ary nametraka ny Tongony teo amin’ny tany sy ny ranomasina Izy, ka nianiana Taminy izay velona mandrakizay fa tsy hisy andro intsony.” Marina ve izany? Avana iray no nanodidina ny Lohany, sy ireo zavatra rehetra izay niseho ireo fotsiny. Kristy io Anjely io! Izany tokoa! Fa inona no Nolazainy? “Fa amin’ny andron’ny anjely fahafito, ny taom-piangonana fahafito.”

<sup>302</sup> Isan’andro dia eo amin’ny faran’ny taom-piangonana mihitsy no anaovan’izy ireo an’ilay zavatra tena...tena nisavoritaka ilay ara-pivavahana hany ka mandefa iraka iray

Andriamanitra, ary izany no Hafatra ho an'io taom-piangonana io. Mandray ny hafany izy ireo avy eo, satria vetivety fotsiny no niaianany, ary Andriamanitra... mandray ny hafany izy ireo avy eo ka raha tokony hitondra an'izany miaraka amin'ny sis amin'Izany, dia manao a—anaram-piangonana iray izy ireo. Ary tonga izy ireo avy eo manao anaram-piangonana iray hafa; iraka iray hafa, maka anankiray hafa.

<sup>303</sup> Nahita tao amin'ny bokiko ianareo rehetra, ho voazava tsara ao amin'*Ireo Taona Fiton'Ny Fiangonana* izany rehetra izany, izay Noteneniny tamiko; izay ijoroako ho vavolombelona iray amin'Andriamanitra mba ho tsaraina amin'ny andron'ny Fitsarana nohon'ny amin'Izany. Avy tamin'Andriamanitra Izany, fa tsy avy tamin'ny fisainako. Mariho, eto. Nieritreritra aho—nieritreritra hafa noho izany aho, raha tsy maitsy naka ny eritreritro manokana. Tahaka ny notenenin-dRahalahy Jack tamiko mikasika an'ilay Anjely eto, ahoana fa "Io Kristy io dia vatana iray nomem-boninahitra." Fa tsy izany ilay izy, naneho izany fa tena marina ilay Hafatra, ilay Maha-Andriamanitra Faratampony, Andriamanitra Izy. Hitanareo? Ilay tena zavatra mihitsy izayefa notoriako avy tao amin'ny Teny. Ny Teny dia mijoro vavolombelona foana ho an'ny Teny.

<sup>304</sup> Ankehitriny, haingana mihitsy ankehitriny, satria natao hamarana ao anatin'ny fotoana fohy isika.

<sup>305</sup> Ankehitriny, hoy Izy hoe, "Amin'ny andron'ny Hafatry ny anjely fahafito, ilay anjely eto an-tany, taom-piangonana fahafito, amin'izay fotoana izay ireo zava-miafina izay very tany aoriana tany nandritr'ireo taom-piangonana enina hafa ireo dia ho voambara amin'izay fotoana izay mihitsy." Eny, izany marina tokoa no nolazain'ireo Anjely ireo. Indro ireo Tombokase Fito, na ny fanokafana an'ireo zava-miafina ireo. Dia andramonareo entina eo anatrehan'ireo anaram-piangonana ireo Izany. Mifanohitra amin'izany izy ireo... Rahalahy, mikatona tahaka ny akorandriaka iray izy ireo, saingy izany foana no nanaovan'izy ireo azy. Fa izany no vanim-potoana!

<sup>306</sup> Firy no mahafantatra fa izao no taom-piangonana fahafito? Manaova hoe, "Amena." [Hoy ny fiangonana hoe, "Amena!"—Mpand.] Ny Taona Laodikiana, matimaty iray izay aloan'Andriamanitra avy ao amin'ny Vavany. Ary izy ireo mandò an'Andriamanitra avy ao amin'ny vavany; tsy misy taona hafa iray ao amin'ny Baiboly izay nahitana an'i Jesosy tany ivelany ka niezaka nandondôna, hiverina hiditra. Noroahin'izy ireo Izy, tsy nisy fiaraha-miasa. Iza Jesosy? Ny Teny! Noroahina ny Teny. Noroahin'ireo ampombo ilay vary! Hoy Izy hoe, "Mitsangana eo am-baravarana Aho ka mandondôna, ary ny olona rehetra ao anatin'ireo rojo vy ao ireo no handre Ny Feoko." O Andriamanitra, mamindrà fo!

<sup>307</sup> Tamin'izay fotoana izay, rehefa maty ilay lehilahy, vao hitan'io Davida niaraka tamin'ny hosotra io hoe nanao fahadisoana izy. O ry Davida, ianareo pasitera, tsy hitanareo ve ireo fanekek-pinoana sy anaram-piangonanareo maty izay ifikiranareo ireo? Tsy hitanareo ve izay ataaony? Mamono Ozia iray izany. Maty ara-panahy, nefo ianareo dia manontany hoe nahoana no tsy misy fifohazana intsony; mamela ny vehivavinareo hanapaka ny volony, handoko ny tarehiny, manao sorta; mandefa ny zanakalahinareo any amin'ireo sekoly *ricky*, sy ny sisa tahaka an'izany, ka ny antsasak'izy ireo dia tonga ao an-trano lasa manambady lehilahy, sy ny sisa.

<sup>308</sup> Mariho ny tanjon'i Davida: nitondra an'ilay fiara tao amin'ny tranony *manokana* izy. Tsy izany ilay renivohitra, tsy izany ilay toerana, an'i Jerosalema izany. Fa nentin'i Davida tao amin'ny tranony manokana izany, nila an'ilay fifohazana hisy ao amin'ny anaram-piangonany manokana izy. "Oh, raha Assemblée ianareo, mety tsara. Raha an'ny Tokana ianareo, mety tsara. Raha Pentekotista ianareo, eka."

<sup>309</sup> Tahaka ny nolazain'ny olona iray, nanao hoe, "Rahalahy Branham, ahoana no mba hahazoanao olona iray hihaino anao?" Hoy izy, "Mahita an'i Billy Graham aho, manana ny anaram-piangonana rehetra eto amin'ny firenena miaraka aminy izy. Mahita an'i Oral Roberts aho, mifikitra tsara eo aminy ny Pentekotista rehetra. Fa," hoy izy "ianao dia manohitra an'ilay zavatra manontolo." Ah-hah. Hoy izy, "Ahoana marina no mba hahazoanao olona iray?"

<sup>310</sup> Hoy aho hoe, "Izany dia Andriamanitra!"

<sup>311</sup> "Izaho Tompo no namboly azy talohan'ny fanorenana an'izao tontolo izao. Izaho no hanondraka azy andro aman'alina fandrao ny sasany amin'izy ireny handrombaka azy amin'ny Tànakô," Isaia. "Izaho no hanondraka, Izaho no namboly azy. Izaho no nametraka ny anaran'izy ireo tao amin'ilay Boky talohan'ny fanorenana an'izao tontolo izao, tamin'ny alàlan'ny fifidianana mialoha. Izaho no hanondraka azy, manohiza mandeha fotsiny. Izaho no hanome ny rano, ianareo mamafy Azy fotsiny." Marina. Hitanareo? "Izaho no hanondraka azy andro aman'alina fandrao ny iray amin'izy ireo ho voarombaka amin'ny Tànakô." Eo ianareo izao.

<sup>312</sup> Tiany ho tonga ao amin'ny tanànan'i Davida ilay izy, raha tokony ao Jerosalema. Tsy nisy toerana vonona ho azy tamin'io fotoana io, ary toy izany koa ilay izy amin'izao andro izao. Ireo zava-miafina lehibe izay nosokafan'ny Tombokase Fito ireo, tsy misy toerana iray ao amin'ny anaram-piangonana rehetra... tsy maintsy mitsahatra tsy ho anaram-piangonana iray no andraisana an'Izany. Hatrany hatrany nanomboka tamin'i Luther ka hatrany amin'ny Pentekotista Tokana, dia tsy nisy toerana iray afaka nandray an'Izany. Tsy nisy olona iray

mihitsy aza afaka nandray an'Izany ka nijanona tao amin'ny anaram-piangonany. Tsy maintsy hanaraka ny vary izy na handeha hiaraka amin'ny akofa, izay anankiray tiany.

<sup>313</sup> Kristy no Fiarantsika, ny Teny. Ny anaram-piangonany no tian'izy ireo. Izy dia tsy azo, mariho, tsy azo entina eo amin'ny sarety vaovao an'ny anaram-piangonana, tsy afaka handeha eo amin'ny saretin'anaram-piangonana vaovao iray Ny Hafamy rehefa natao ho entina sy ho tonga eo ambonin'ny fon'ny mpaminany iray Izany. Tsy mety Izany. Izy no nampantanena an'izany, ho izany Izzy, ary tsy maintsy ho tahaka an'izany Izzy.

<sup>314</sup> Noho izany tsy handray Azy mihitsy ny anaram-piangonana, tsy afaka handray Azy akory aza izy ireo. Ary izy ireo dia jamba tamin'Izany mihitsy tahaka an'ireo Jiosy rehefa nanantona an'i Jesosy teo amin'ny hazo fijaliana, rehefa hoy Jesosy hoe, "Ray, mamele azy ireo, fa tsy fantany akory aza izay ataony." Aza manamavo azy ireo, fa mieritrereta fotsiny: satria ahoana moa raha ianareo no tao amin'io toerana iray io ihany niaraka tamin'ny masonareo tena jamba ka tsy afaka mifoha sy hahita an'izay miseho?

<sup>315</sup> Tsy afaka nahita akory aza izy ireo fa Io ilay tena Andriamaniny. Rehefa nihantona tamin'ny hazo fijaliana teo Izzy, ary izy ireo nihira ny Salamo faha-22 tao an-tempoly, roanjato yard avy teo hoe, "Andriamanitro, Andriamanitro, nahoana no nahafoy Ahy Ianao? Tsindronin'izy ireo ny Tongotro sy ny Tànako." Hitanareo? "Ny Taolako rehetra, mibanjina Ahy izy ireo. Nahoana no nahafoy Ahy Ianao?" Ary teo, ilay tena Andriamanitra izay nohirain'izy ireo, jamba loatra ka namantsika Azy teo amin'ny hazo fijaliana, nefo tsy fantany izany.

<sup>316</sup> Ankehitriny, tsy milaza ve ny Baiboly fa ilay fiangonana Laodikiana, izay mihevitra fa izy no tena lehibe noho ireo mambrany ara-anaram-piangonana, izy dia "mitanjaka, mahanttra, malahelo, jamba, nefo tsy fantany izany"? Inona no dikan'ny hoe *jamba*? Ny *jamba* dia midika ho an'ity fiangonana Laodikiana ity hoe tahaka ny nataony tamin'ny fiafarano'ilay fiangonana Jiosy, jamba tamin'ilay tena Kristy izay nataon'izy ireo tany ivelany, nandondònà, niezaka ny hiditra; "mitanjaka, mahanttra, malahelo, ory, jamba, nefo tsy fantany izany." O Andriamanitra, mamindrà fo!

<sup>317</sup> Nahoana ilay vary no tsy afaka mipetraka eo amin'ny Fanatrehan'io Zanaka any io, ka mahita ny ora izay iainantsika? Eny, Kristy no Fiarantsika, saingy amin'ny Fombany tany ampiandohana hanaovana azy. Noho izany eto Izzy dia... Nanana Ny Fanahiny tena marina izy ireo, fantatsika izany. Miandry ny Tompo izy ireo, mahita ny Drafiny sy Ny Teniny tany ampiandohana tao amin'ny Vanim-potoany mba ho voamarina, izay no tokony hataontsika izao ankehitriny izao. Ary Izzy—Izzy dia

manambara ny finoan’izy ireo amin’ny alàlan’Ny Teniny, mahita Azy manamarina ny drafitra rehetra izay Nampanantenainy, fa tsy ireo planin’olon’ny anaram-piagonana, tsy manao mambra ho an’ny fiarantsika manokana.

<sup>318</sup> Manana fiara Metodista iray izy ireo, fiara Batista iray, fiara Presbyterana iray, miditra ao amin’io fiara io ho an’ny fihavian’ilay fahoriambe ny olona rehetra; “Voninahitra ho an’Andriamanitra! Vita batisa tao amin’ilay fiara Metodista aho, ilay Presbyterana, ilay fiara Pentekotista.” Fiara anankiray ihany no misy, izany dia Jesosy Kristy, ary Izy no Teny!

<sup>319</sup> Mariho, niteny tamin’ilay mpaminany Andriamanitra, nanao hoe, “Hano ny horonana,” ao amin’ny Testamenta Taloha. Ilay mpaminanin’ny Testamenta Vaovao, hoy Izy hoe, “Hano ny boky kely.” Nahoana? Mba hahatonga an’ilay mpaminany sy ny Teny ho iray! Hitanareo? Izany no Fiara, ny Tenin’Andriamanitra.

<sup>320</sup> Andriamanitra no nampanantena, Ny Teniny, hoe ahoana no hahatanteraka Azy ary ahoana no Hisehoany rehefa mifidy Ny Ampakariny Izy, ahoana no hahavita an’ilay izy. Izany dia mitranga mihitsy eo anatrehanareo, amin’ny Anaran’ny Tompo, ary amin’ny alàlan’ny Teny tany am-piandohana izany! Eto ny Hafatry ny andro hariva.

<sup>321</sup> Firy no mahatsiaro an’i Haywood rehefa nanoratra izy:

Hisy Hazavana eo amin’ny andro hariva,  
Ny lâlana mankany amin’ny Voninahitra dia azo  
antoka fa ho hitanareo.

<sup>322</sup> Eny, ilay teny fikasan’ny hariva ny amin’ireo Tombokase Fito, an’ny Apokalypsy 10, Malakia 4, Lioka 30 sy 10. Vakio ny Deoteronomia 4, 4:1 sy 4, avy eo ny andininy faha-25 sy faha-26, dia jereo izay Nolazainy mikasika an’izao andro farany izao. Izao no nolazain’i Mosesy tamin’ny Isiraely hoe “Tandremo ny Teny rehetra, aza manampy zavatra anankiray ianareo!” Mosesy, efa teny ambony teny io mpaminany io ka nahita an’io Tenin’Andriamanitra io. Ary nosoratana ho azy Izany sy voamarin’ny tânán’Andriamanitra Manokana izay nanoratra Azy. Hoy izy hoe, “Tandremenareo ny Teny rehetra, aza manampy zavatra anankiray amin’Izany ianareo na manaisotra zavatra anankiray avy amin’Izany.” Afaka mamaky an’izany ianareo ao amin’ny andininy faha-25 sy faha-26-n’ny Deuteronomia 4.

<sup>323</sup> Mariho! Aza manampy amin’Izany ianareo, aza manaisotra avy amin’Izany; satria raha manao ianareo, dia hesorin’Andriamanitra ao amin’ny Bokin’ny Fiainana ny anjaranareo. Ary izany no maneho fa tsy Taranany ianareo.

<sup>324</sup> Tsarovy! Ny zavatra rehetra izay nampanantenain’Andriamanitra antsika, ny zavatra rehetra izay notenenin’Andriamanitra tamintsika, ny zavatra rehetra

izay nolazaina taminareo tamin'ny Anaran'ny Tompo, dia nitranga! Tsy nanao teny fikasana anankiray tsy nandaitra mihitsy Andriamanitra, fa nihazona ny teny fikasana rehetra izay Nolazainy Izy, nolazainy tamintsika, dia ny Fahamarinana. Nandritr'ireo roapolo taona ireo, ry Shreveport, dia nitory taminareo tamin'ny herin'Andriamanitra aho, sy tamin'ny fanajan'ny pasiteranareo, ary mandray anareo ho vavolobelona aho androany. Na ireo vehivavy izay nihoatra ny fananan-janaka aza; ireo lehilahy, ankizy, fahoriania, fanasitranana, faminaniana, ireo zavatra izay nitranga, tsy nisy anankiray tamin'izy ireny no mba diso! Ankehitriny, mialà lavitra an'ireo anaram-piangonana ireo, mitarika anareo any amin'ny fahafatesana izy ireo.

<sup>325</sup> Nitsangana i Samoela indray andro, ary hoy izy ireo hoe, “Mila mpanjaka iray izahay, te-hitovy amin’ny sisa amin’izao tontolo izao izahay.”

<sup>326</sup> Eny, hoy Samoela hoe, “Aza maka an’io mpanjaka io. Haka an’ireo zanakalahinareo izy, sy ireo zanakavavinareo, ary izy hanao an’ity sy hanao an’itsy.”

<sup>327</sup> Hoy izy hoe, “Hia, fantatro fa marina ny anao.”

<sup>328</sup> Fa hoy Samoela hoe, “Henoy aho. Efa mba naka ny volanareo ve aho? Efa mba nangataka taminareo mba hivelomana ve aho? Efa mba niteny taminareo ve aho fa tokony hanome ahy karama betsaka ianareo hanaovako fivoriana iray ho anareo?” Ankehitriny tsaraio ny tenanareo, izao ankehitriny izao mihitsy aza! Hitanareo? Hoy izy hoe, “Efa mba niteny zavatra iray taminareo tamin'ny Anaran'ny Tompo ve aho nefo tsy niseho?” Tsy nisy zavatra anankiray.

<sup>329</sup> “Oh, eny, ry Samoela, tsy nangataka vola taminay mihitsy ianao, tsy nila zavatra goavana mihitsy ianao. Ry Samoela, marina izany, ary ny zavatra rehetra izay noteneniniao tamin'ny Anaran'ny Tompo dia niseho. Fa, ry Samoela, mila ny anaram-piangonanay izahay na ahoana na ahoana!”

<sup>330</sup> “Noho izany alaivo ilay izy. Miankina aminareo izany.” Marina izany.

<sup>331</sup> Mety mihevitra ianareo fa manao asa iray ho an'Andriamanitra, fa raha mivoaka amin’ny fomban’Andriamanitra amin’ny fanaovana an’ilay izy ianareo, dia hitohy hampifanjevo an’izany, mitohy ary mitohy. O ry Fiangan’Andriamanitra velona! Adinoy azafady ny fombako Irish sy ny toetrako mampihomehy, fa amin’ny fahatsorana sy ny fahamasinan’ny foko, ianareo Assemblées de Dieu, ianareo an’ny Tokana, Presbyterana, Metodista, na inona ianareo na inona, mandosira ho an’ny ainareo. Tsarovy, mivoaha avy ao.

Rava ireo firenena, mifoha Isiraelly, (miomana ho an'ilay sisa nanamborana)

Ireo famantarana izay nolazain'ny mpaminany mialoha;

Voaisa ny andron'ny anaram-piangonana miaraka amin'ny tahotra miaraka manarona,

Miverena, O ry niely, amin'ny anareo manokana.

Akaiky ny andron'ny fanavotana,

Raiki-tahotra ny fon'ny olona,

Aoka ho fenoina Ny Fanahiny,

Ataovy madio sy mazava ny fanilonareo,

Miandrindrà, akaiky ny fanavotana anareo.

<sup>332</sup> Mino an'izany ve ianareo? Ao amin'ny andro farany isika, eo isika. Eo amin'ny rindrina ireo sora-tàhana, antomotra ny Fihaviana faharoa, eo an-dàlam-pifidianana ilay Ampakarina, voatondraka, voasintona nivoaka.

<sup>333</sup> Ankehitriny, izany tsy midika hoe voasintona navoaka avy tao amin'ny fiangonana, izany dia midika hoe voasintona navoaka avy tao amin'ny fanaovana anaram-piangonana. Tsy maintsy mandeha any am-piangonana ianareo, fa aza mikambana amin'ny rafi-pandaminana anankiray. Nandeha niaraka tamin'ireo rafi-pandaminana rehetra Jesosy, fa tsy nikambana tamin'ny iray tamin'izy ireny mihitsy Izy. Tsy niandany tamin'ny iray tamin'izy ireny akory aza Izy, tsia tokoa, fa teo anivon'izy ireny Izy. Eo no tsy maintsy hiparitaka ilay Hazavana. Ary mipetraha tsara eo amin'izay misy anareo ianareo, manaparitaka an'ilay Hazavana. Hitanareo? Izany no ampiasan'Andriamanitra anareo. Vahoaka iray noana ampo, avelao izy ireo hahafantatra fa tena misy Jesosy Kristy, tahaka Azy tsy niova omaly, dia izany Izy anio; ary ho izany mandrakizay.

<sup>334</sup> Mety misy, lehilahy iray na vehivavy miaraka amin'ny fahatsoram-po rehetra, miezaka ny tsara indrindra aminy hanao asa iray ho an'Andriamanitra, nefo mitarika an'ilay izy ao amin'ny fomba diso. Miaraka amin'ny hosotra iray tena izy an'ny Fanahy Masina eo amin'izy ireny, saingy mitarika azy mifanohitra amin'ny drafitr'Andriamanitra ho an'ilay taona, ka potika ilay zavatra manontolo. Ankehitriny, raha mino ianareo fa izany no Fahamarinana, manaova hoe, "Amena." [Hoy ny fiangonana hoe, "Amena!"—Mpand.] Vao avy novakiantsika Izany. Potika ny zavatra manontolo nohon'ny tsy nandehanana teo amin'ilay lèlana voaoman'Andriamanitra hanaovana azy.

Ndao isika hivavaka.

<sup>335</sup> O ry fiangonana, eto sy manerana ny firenena, henoy ny mpanomponareo manetry tena izao maraina izao. Sitrakareo ve? Jereo hoe taiza ianareo taona vitsy lasa izay rehefa nanomboka voalohany izao; ankehitriny jereo hoe inona no nanaovan'ireo

fakan-tahaka hahazoana tombony teo amin'Izany, ka antapitrисаны betsaka sy an-davitrisany dolara no mitobaka ao amin'ireo rafi-pandaminana. Hitanareo? Mbola lavitra ny Tenin'Andriamanitra foana. Tsy tranobe sy rafi-pandaminana no làlana anetsehan'Andriamanitra Ny Fanahiny. Manetsika an'Izany ao amin'Ny Teniny mihitsy Izzy, mba hanao Azy ho velona. Ary raha voatendry ho an'io Teny io ianareo hatrany amin'ny fiandohan'ny tany, dia ny Teny rehetra no hiakatra avy hatrany eo ambonin'ny Teny. Tahaka ny tsy hananan'ny selan'olombelona selan'olombelona anankiray, ka ny manaraka dia selan'alika iray, ary ny manaraka dia selan-tsaka iray; ho selan'olombelona ilay izy. Fa tsy maintsy manana sela iray hanombohana aloha izany. Marina ve izany? Manaova hoe, "Amena." [Hoy ny fiangonana hoe, "Amena."—Mpand.] Eny, raha selan'ny Teny ilay izy mba hanombohana, dia voatendry ireo sela hafan'ny Teny hanao azy ho vatana feno iray.

<sup>336</sup> Aoka tsy ho ankizy, amin'ny fitiavana irery ihany, fa aoka ho lehilahy amin'ny Fanahy sy amin'ny fitsarana. Ianareo no aoka hitsara na niteny ny Fahamarinana taminareo aho na tsia. Ianareo no aoka hitsara na Tenin'Andriamanitra Izany na tsia. Ianareo no aoka hitsara na izao ilay ora izay resahantsika na tsia. Ianareo no aoka hitsara raha ireo zavatra ireo no nampanantenaina. Ankehitriny, voamarina ve izy ireo? Amin'ny alalan'ireo zavatra izay tsy misy olombelona iray eto amin'izao tontolo izao afaka nanao azy. Fa lasa mahazatra loatra Izany amintsika hany ka avelantsika handalo fotsiny amintsika Izany. Miandrasa, ry fiangonana, miandrasa.

<sup>337</sup> Raha misy anankiray ato izao maraina izao izay tsy mahafantatra an'i Jesosy Kristy, tsy mijoro ho nohamarinina izao maraina izao, lasa avokoa ny fahotanareo toy ny hoe tsy nanota mihitsy aza, ka te-ho tahaka an'izany ianareo... satria tsarovy, indray andro any, angamba anio, angamba ao anatin'ny dimy minitra manaraka, fa indray andro any dia hijanona io fo io. Ary handray ny fanidinany io anatin'ny anatin' io hijoro eo amin'ny Fanatrehan'Andriamanitra mba ho tsaraina arak'izay nanaovanareo an'ity Hafatra izao maraina izao ity, araka an'ity Hafatra izay hitanareo ity. Tsy... Tsy izaho izany, mpitondrateny iray fotsiny aho. Tahaka an'ity fanamafisam-peo ity, tsy afaka milaza zavatra iray izy raha tsy miteny eo aminy aho. Ary tsy afaka nilaza na inona na inona koa aho raha tsy Andriamanitra no niresaka tamin'ny alàlany, fa hitanareo hoe Andriamanitra no nanamarina azy ho ny Fahamarinana. Te-ho tena Kristiana iray ianareo.

<sup>338</sup> Ankehitriny, tsy manana toerana ho an'ny antso iray eny amin'ny alitara isika, fa eo amin'ny latabatra izay ipetrahaneareo eo mihitsy. Ny toerana dia feno sy mifanety, hipoka. Tsy afaka miantso anareo ho eo amin'ny alitara iray aho, tsy misy alitara eto hiantsoana anareo. Fa ao am-ponareo ny

alitara. Hamela an'io faharesen-dahatra kely hoe “Jesosy Kristy dia tena misy” io hanatona akaiky ve ianareo androany ka hiantso ny sisa amin’ny Vatany ho eo aminareo, hanao Azy eo amin’ny fihinanam-bilona ao am-ponareo? Raha tsy ao Izzy, dia hanangana ny tànanareo ve ianareo, ho famantarana iray ho Azy, manao hoe, “Tompo, fenoy aho, fenoy Ny Teninao sy Ny Fanatrehanao aho, mba ahafahako hiaina eo Akaikinao”?

<sup>339</sup> Raha mbola miondrika ny loha rehetra, ny maso rehetra mikimpy, manerana ny firenena, atsangano ny tànanareo eto amin’ny mpanatrika hita maso sy ny any ivelany ihany koa; fa hanolotra vavaka ho anareo aho. Izay ihany no azoko atao, tsy afaka mameno an'ilay izy aho. Andriamanitra hitahy anao. Tsy afaka mameno an'ilay izy aho. Andriamanitra hitahy anao; sy ianao. Andriamanitra no afaka mameno an'ilay izy. Andriamanitra hitahy anao. Mitsangana ireo tànana ato amin’ny mpanatrika hita maso, na aiza na aiza. “Fenoy izany. Fenoy aho, O Tompo. Fenoy aho.” Ary ankehitriny, izaho rehefa... Misaotra anao, ranabavy. Misaotra anao, rahalahy. Andriamanitra hitahy anao. Izaho rehefa... Andriamanitra hitahy anao, ranabavy malala. Ianao. Rehefa... Heveriko ankehitriny fa nahatratra ny ankamaroan'ilay tso-po aho, miezaka ny ho izany, te-hanangana ny tànako miaraka aminareo aho.

<sup>340</sup> O Tompo, aza mamela ahy ho tonga eo amin’ny tsy mihetsika iray. Hatrany hatrany, Tompo, avelao aho tsy hijanona eo amin’ny zavatra anankiray, avelao aho hanohy fotsiny, Tompo, mandra-pahafenoko ny zavatra rehetra izay Notendrenao hataoko. Tsy mampaninona izay vidiny, tsy mampaninona izay teti-bidiny, tsy mampaninona izay tsikera, mafy toy ny ahoana ilay hazo fijaliana, fa hahatsiaro an'ilay hazo fijaliana izay Nentinao aho.

Koa io hazo fijaliana masina io no ho entiko  
 Mandra-panafaky ny fahafatesana ahy;  
 Amin’izay fotoana izay, dia ho any an-trano,  
 hitondra satroboninahitra.  
 Misy satroboninahitra iray ho ahy.

Tsy maintsy Jesosy irery ve no hitondra ny hazo fijaliana,  
 Ka izao tontolo rehetra izao handeha malalaka?  
 Tsia, misy hazo fijaliana iray ho an’ny tsirairay  
 avy amin’ireo Zanany,  
 Misy hazo fijaliana iray ho ahy.

<sup>341</sup> Andriamanitra malala, efa nivoaka ny Teny. Tsy afaka miverina foana Izany, hahita ny Toerany any ho any Izany. Raha efa voavoly ilay voa, dia Izany no hanondraka azy mandra-pitsimony. Ary tsy misy afaka handrombaka azy amin’ny Tànanao, “Izay rehetra nomen’ny Ray Ahy no hanatona Ahy, tsy misy olona afaka handrombaka azy amin’ny Tànako. Ny

Raiko no nanome Ahy azy ireo talohan'ny fanorenana an'izao tontolo izao"; rehefa voalamina avokoa ireo drafitra, arak'izany, dia nomena an'i Jesosy Ny Fianganany, Ny Ampakariny.

<sup>342</sup> Ilay fanambadiana sandok'izao tontolo izao, tamin'ireo anaram-piangonana ireo. Tonga Ianao ary maty teto amin'izao tontolo izao, nanavotra Azy Ianao, nanamarina Azy Ianao, tsy nanao an'ilay izy mihitsy Izy tany am-boalohany. Voafandrika tao anatin'izany Izzy, jamba. Ary araka ny lazain'ilay hira hoe:

Very aho fahiny fa hita aho ankehitriny,  
Tao amin'i Laodikia aho fahiny, jamba, fa mahita  
aho ankehitriny.

Ary fahasoavana no nampianatra ny foko hatahotra,  
Fahasoavana no nanafaka ny tahotro;  
Sarobidy toy ny ahoana no nisehoan'io fahasoavana io  
Ilay ora izay ninoako voalohany.

Ary ny ranon'Andriamanitra no nilatsaka tao amin'ny fanahiko. Efa maina aho.

<sup>343</sup> Andriamanitra, eto amin'ity alitaran'ny fo rehetra izay manatrika eto ity sy manodidina ny firenena, enga anie ireo rano avy eo ambanin'ny alitaran'Andriamanitra hifantsitsitra izao maraina izao eo amin'Ny Fiangananao; ary hanondraka azy, Tompo, satria efa saiky tapitra ilay vanim-potoana. Omeo azy ny Aina, ireo Ranon'Aina, mba hahatonga azy ho afaka hipetraka eo amin'ny Fanatrehan'ny Zanaka mba ho masaka ho an'ny Sompitrao lehibe.

<sup>344</sup> Ray, mivavaka ho azy ireo aho. Fa tsy maintsy maina ilay taho, noho izany tsy afaka mivavaka ho an'izany aho; tsy maintsy maty izy, noho izany dia maty izy. Fa mivavaka ho an'ilay vary aho, Tompo, izay eo am-pakana endrika ao amin'ny Vatan'i Kristy. Ekeo, Tompo, mba ireo rano mangatsiakan'Andriamanitra anie hihazona ny Tavany handro amin'ny ranomasom-pifaliana sy ny fahazoana mandrapihavian'ilay milina fijinjana haka azy ho any an-Trano. Amin'ny Anaran'i Jesosy, no ametrahako azy rehetra eo Aminao, Tompo; Anao ireo vokatra. Amena.

<sup>345</sup> [Manome hafatra anankiray ny anabavy iray ao amin'ny fianganana—Mpand.] Amena.

<sup>346</sup> Noho izany Ray, Andriamanitra, misaotra Anao izahay. Ary, Ray, mivavaka izahay ho an'ny anabavikelinay, mpanompovavy eto, ho an'ny tanjany. Mieritreritra ny fotoana iray aho izay rehefa izaho—izaho no nandeha teo anatrehan, ahoana fa tonga teo aminy ny Fanahy ka nanome ny hafatra iray ihany izay nomen'ilay Anjelin'ny Tompo teo amin'ny Renirano tamin'io andro io hoe: "Tahaka ny nanirahina an'i Jaona Mpanao-batisa

hialoha lèlana ny fihavian'ny Tompo Jesosy voalohany, dia nirahina ianao hialoha lèlana an'ilay faharoa."

<sup>347</sup> Eo am-pahitana an'izany mamolavola ao amin'ilay ampaham-bary ankehitriny, Andriamanitra, dia misaotra Anao izahay ny amin'ny zavatra rehetra izay Nataonao. Feno mihoatra an'izay tenenina ny fonay. Mahatsapa ho tena feno aho, Tompo, tsy fantatro fotsiny hoe ahoana ny hilazana zavatra hafa. Fa misaotra Anao Ray, indray, ny amin'izay rehetra Nataonao ho anay. Amin'ny alàlan'ny Anaran'i Jesosy Kristy.

Tiako Izzy, . . .

Ndao isika hihira ho Azy, ankehitriny. Tsarovy, eto Izzy.

Satria nitia ahy mialoha Izzy,  
Ka nividy ny famonjeko  
Teo amin'ny hazon'i Kalvary.

<sup>348</sup> Tsy manao anareo ho tena kely ve izany, tena kely? Foana tanteraka, vonona mihitsy ho an'ilay Fanahy, hitanareo.

Hazony ny tènan'Andriamanitra tsy miova!  
Hazony ny tènan'Andriamanitra tsy miova!  
Aoreno eo amin'ireo zavatra Mandrakizay ny  
fanantenanareo,  
Hazony ny tènan'Andriamanitra tsy miova!

Aza mitsiriritra ny haren'izao tontolo izao,  
Izay tena mihalò haingana,  
Aoreno eo amin'ireo zavatra Mandrakizay ny  
fanantenanareo, (tsy anaram-piangonana,  
ankehitriny)  
Hazony ny tènan'Andriamanitra tsy miova!

Hazony ny tènan'Andriamanitra tsy miova!  
Hazony ny tènan'Andriamanitra tsy miova!  
Aoreno eo amin'ireo zavatra Mandrakizay ny  
fanantenanareo,  
Hazony ny tènan'Andriamanitra tsy miova!

<sup>349</sup> Firy no hanandrana hanao an'izany? Atsangano ny tènananareo. Ankehitriny atsory manerana ny latabatra, apetraho eo amin'ny tènan'ny hafa ny tènananareo, tahaka an'izao, miaraka. Afaka mipetraka ianareo, mety tsara izany, na inona na inona tianareo hatao. Henoy tsara. Ndao isika hiaraka hihira an'izany ankehitriny. Izao no maneho ny rojontsika tsy tapaka an'ny fitiavan'Andriamanitra. Mihazona ny tènan'ny hafa isika satria mino an'Andriamanitra. Mifampikasika isika satria mpirahalahy sy mpirahavavy, ilay Fanahy mipararetra iray ihany, ilay Tenin'Andriamanitra Mandrakizay mitoetra ao am-ponsika izay tonga voaseho.

Rehefa tapitra ny diantsika,  
 Raha efa marina tamin'Andriamanitra isika,  
 Ny tranontsika any amin'ny Voninahitra tsara sy  
 mamiratra,  
 No ho hitan'ny fanahintsika nampakarina!  
 Hazònny ny tânànan'Andriamanitra tsy miova!  
 Hazònny ny tânànan'Andriamanitra tsy miova!  
 Aoreno eo amin'ireo zavatra Mandrakizay ny  
 fanantenanareo,  
 Hazònny ny tânànan'Andriamanitra tsy miova!  
 (Fanahin'ny Tompo!)

Hazònny amin'Andriamanitra . . .

Afantoxy eo Aminy fotsiny ny sainareo, hitanareo. Izao no karazan'ireo favoriana izay tsy maintsy hipetrahantsika amin'ny ho avy.

. . . tânana tsy miova!  
 Aoreno eo ny fanantenanareo eo amin'ireo zavatra  
 Mandra- . . .

Ny Teny no zavatra tokana izay Mandrakizay.  
 Hazònny ny tânànan'Andriamanitra tsy miova!  
 Aza mitsiriritra ny laza foana an'ity izao tontolo  
 izao ity, fianarana,  
 Izay tena mihalò haingana, (Jereo izany amin'izao  
 andro izao, izay nataony.)  
 Katsaho izay bahazoana ny harena any an-  
 danitra,  
 Tsy ho levona mihitsy izy ireo!  
 Hazònny ny tânànan'Andriamanitra tsy miova!  
 Hazònny ny tânànan'Andriamanitra tsy miova!  
 Aoreno eo amin'ireo zavatra Mandrakizay ny  
 fanantenanareo,  
 Hazònny ny tânànan'Andriamanitra tsy miova!

<sup>350</sup> [Miteny amin'ny fiteny tsy fantatra hafa ny anabavy iray. Manomboka misamonomonona ny Hazònny Ny Tânànan'Andriamanitra Tsy Miova Rahalahy Branham. Manome fandikana iray ny anabavy hafa iray—Mpand.]

<sup>351</sup> Toy ny ahoana no isaoranay Anao, Tompo. Raha mipetraka ao amin'ity fotoana feno haja ity izahay, saiky toy ny fandevenana iray, satria manatrika fandevenana tontolo eo am-pahafatesana iray izahay, maty; fiangonana eo am-pahafatesana iray, maty.

O Andriamanitra, angony haingana ny Varinao, Ray. Avia haingana, Tompo Jesosy.

<sup>352</sup> Tahio ny Olonao, Ray, mitondrà fahatsoram-po sy halalina eo amin'ny fon'ny olona. Enga anie izahay hanala an'ireo dihy

mangotraka mora simba, ka hipetraka ao amin'ireo harena lalin'ny tantelin'Andriamanitra. Ékeo izany, Tompo. Tazony ny fonay ho tafatoetra amin'ny fitiavana sy ny fahatsoram-po.

<sup>353</sup> Tahio ny Olonao na aiza na aiza, Ray. Raha hiala amin'ity toerana ity izahay dia enga anie izahay handeha amin'ny Anaran'ny Tompo Jesosy hiteny an'izay tso-po, an'izay Fahamarinana, an'izay marina, enga anie izahay hanalavitra an'izay ratsy, Tompo. Raha manomboka mandainga aminay ny olona iray, enga anie izahay hanatodika haingana ny lamosinay aminy, hanatodika ny lamosinay amin'ny loto rehetra, ireo vazivazy maloto sy ny sisa an'izao tontolo izao, ary hanatodika ny lamosinay fotsiny dia handeha hiala. Ampio izahay, Andriamanitra malala. Volavolao izahay, amboary izahay, poteho izahay, ary amboary ho endriky ny zanakalahy sy zanakavavin'Andriamanitra mba hahafahanay mihetsika miaraka amin'ny herin'ny Fanahy Masina. Mametraka ny tenanay Aminao izahay, miaraka amin'ny tànanay eo amin'ny an'ny hafa, amin'ny Anaran'i Jesosy Kristy. Amena.

Ndao isika hitsangana. Rahalahy Noel.



*MIEZAKA MANAO ASA IRAY HO AN'ANDRIAMANITRA NEFA  
TSY SITRAPON'ANDRIAMANITRA ILAY IZY MAG65-1127B*

(Trying To Do God A Service Without It Being God's Will)

Ity Hafatr'i Rahalahy William Marrion Branham ity, izay notoriana tamin'ny Teny Anglisy hatrany am-piandohany ny Sabotsy maraina, 27 Novambra 1965, ho an'ny sakafo marainy Full Gospel Business Men's Fellowship International tao amin'ny Washington Youree Hotel ao Shreveport, Louisiana, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarain'ny Voice Of God Recordings.

MALAGASY

©2016 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

[www.branham.org](http://www.branham.org)

## Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)